

8.53. A. 262
**TRACTATUS
DE
PECCATO
ORIGINALI.**

**AVTHORE
FR. PETRO DE COMITIBVS
Romano**

**ORD. ER. S. AVGVSTINI
de Ancona.**

*Sac. Theologiæ Magistro, & Doctore,
Collegij Romani Regente,
necnon Anconæ, Venetijs,
Patauï, &c.*


S. OFFICII CONSULTORE.



**R O M A E ,
Apud Io: Franciscum de Buagnis. 1690.**

Superiorum permissu.

Imprimatur,
Si videbitur Reuerendiss. P. Sacr.
Palatij Apost. Mag.
Stephanus Ioseph Menattus Episc.
Cyrenensis Vicesgerens.



Imprimatur,
F. Franciscus Maria Forlani Re-
uerendiss. P. Fr. Thomæ Ma-
riæ Ferrari Sac. Pal. Ap. Mag.
Socius Ord. Præd.



D I V O

AVGVSTINO

ROMANAE ECCLESIAE

Doctōri maximo,

*Humanæ sapientiæ fonti, Scholarum So-
li, Hæresum fulmini, Vindicatbo-
licæ veritatis, Nostrique Ord-
nis Parenti optimo.*

FR. PETRVS DE COMITIBVS
Romanus.

Obsequentissimè consecrat.



ON alij, quàm Ti-
bi, Augustissime,
Parens, Tractatum
hunc de Peccato
Originali, nuncu-
patum volui, cui soli debetur
quidquid aduersùs hæreses, in

A 2 hac

hac materia, Romana sanxit Ecclesia, vt videlicet quod tuis gloriosis elucubrationibus, post profligatos Pelagianos, aliasque attritas hereticorum phalanges, e catholicæ fontibus veritatis, fluuiorum instar, in Orthodoxorum Rempublicā deriuauit, Tibi veluti mari magno, in debitum tributum rependatur. Fas enim est, vt flumina vnde exeunt, reuertantur. Actum erat de nobis, si miserè captiuitatem passis, primeque culpæ nostrorum parentum, benignissimus Deus, nullis nostris præcedētibus meritis, sola sua motus misericordia, vnigenitum suum filium, Redemptorem non statuisset. Quid autem ille prodesset, si læthaliter sauciatum humanum genus, sua vulnera non agnosceret, quorum terrore concussi Adami posterī, ad pharmacum, non

non currerent salutare ? Mor-
borum omnium pessimus ille
censetur, qui occultis moribus
ad necem trahens, fouetur igno-
tus, & quamuis in illum suppe-
tat panacea, non tamen à pa-
tientibus applicatur, vel quia
reijcitur vt odiosa, vel quia ne-
gligitur vt minimè necessaria.
Tu solus cælestis medici perso-
nam induens, pestiferum virus
detexisti, ex illoque contracta
vulnera referasti. Quin immò
diuinitus accepto magisterio,
salutaris pharmaci virtutem pa-
lâm omnibus faciens, sacrorum
codicum ductu, eius tandem
sanxisti necessitatem; & velut
alter Moyse, aduersus ictus co-
lubri originalis, non æneum ser-
pentem, sed lustralis aquæ laua-
crum, à Christo Domino miseri-
corditer institutum, ad frequen-
tissimum vsum, qui hominum

A 3.

pra-

prauitatē iam pænē obfoluerat,
feliciffimē reuocaſti. Ex quo di-
uinitūs factum eſt, vt Redemp-
toris vulnerum opulenta phar-
macōpea, frequentetur ab om-
nibus, volētibus ſanitatē. Vn-
de facillimē deponatur contra-
ctus languor ſæuientis luis, vni-
uerſam hominum naturam infi-
cientis, & reuocata ab Superis
pace, ad priſtinam redeatur
tranquillitatē. In gratiarum,
igitur actionem, prò tanto nobis
collato beneficio, munuſculum
hoc exiguum Tibi porrigo, hu-
millimē deprecans tuam ſum-
mam omnibus iuuandi procli-
uitatē, vt ſi nobiſcum degens,
contracti læthi ſaniem detexiſti,
vt eius pernicioſi effectus ca-
ueantur, in cēlo fruens, vires
nobis impetres, vt caueamus.

Mag.

*Mag. F. Fulgentius Traualloni à Monte El-
paro Georginas totius Ord. FF. Er. S. P.
Augustini Prior Generalis.*

Opus inscriptum, Tractatus
de Peccato Originali, à
Reu. Patre Mag. Fr. Petro de Co-
mitibus Romano huius nostri
Romani Collegij Regentē elu-
cubraturum, cū reuifores à no-
bis deputati probauerint, & pu-
blica impressione dignum cen-
fuerint, facultatem damus, vt
de licentia eorum, ad quos spe-
ctat, Typis mandetur. Datum
Romæ die 18. Octobris 1689;

F. Fulg. Traualloni Prior Gener. Ind.

Nostri Mun. affixo Sig.

Reg. lib. 5.

Illus à Reuerendis. P. Fr. Thoma Ferra-
rio S. Pal. Apost. M. perlegi Tractatus de
Peccato Originali, de Iustificatione Impij, &
de Merito Iusti, Authore Ad. R. P. Fr. Petro
de Comitibus Romano Ord. Er. S. P. Augusti-
ni de Ancona S. T. Magistro, atque Doctore,
Collegij Rom. Regente, nec non Anconæ,
Ve-

Venerijs, Patauij &c. S. Off. Consultore. Ni-
hil in eis inueni Orthodoxæ Fidei, aut can-
didis moribus dissonum, quin tantum ab-
est, vt noxius aliquis, vel Doctrinæ, vel pie-
tatis sensus. siue vapor efflauerit, vt ne suspi-
cioni detur locus quidem. Mirum est quàm
solidè de Peccato Originali disserat, quàm
profundè de Iustificatione sermonem inserat,
quàm benè, eleganterque de Merito tractatio-
nem instituat. Vbiq; lumen, & splendorem
ingenij in his paginis, ac libris, in his lucu-
brationibus ostendit, & summam eruditionē
cum Religione coniunctam. Sanè noua ad-
didit ornāmēta, tam Ordini suo, quàm Patriæ,
vtriq; decorem attulit, dum S. Aug. Sapientiā
vberius, & quam in cognomento ostendat no-
bilitatē, amplificauit. Vriusq; veluti generosa
proles, non degener ad speculationem lumina
torisit, & ad agendā, ac fortia patrādā Romanū
pectus appulit. Quare vtriq; Aquilæ, & Docto-
rum Augustino, & Romanorum gratulārī ma-
ximè oportet, quòd filium adeò strenuum e-
diderint, ac procreauerint. Nec mirum. Sci-
mus, à causa similem effectum produci Mel-
dulcedinem donat, flos spirat odorem, ferunt
maturi fructus suauitatē, fortes creantur for-
tibus, & bonus est in iuuentis, est in æquis.
Patrum virtus, nec imbellem feroces gene-
rant. Aquilæ Columbam, canebat. Oratius,
Qua nobrem, vt celebres. Tractatus prælo-
mandentur ad publicam utilitatem dignissi-
mum censeo. Ita sentio ex Conu. S. Mariæ
super Mineruam.

Fr. Antonius Franciscus Fracassi S.T.M.

Ord. Præd.

IN-

INDEX

Disputationum, & Articulorum, qui
continentur in Tractatu de
Peccato Originali .

DISPUTATIO PRIMA.

*De existentia, & quidditate peccati
originalis.*

- A** R. 1. An verè detur peccatum ori-
ginale ? pag. 15
Ar. 2. Soluuntur obiecta. 23
Ar. 3. An quidditas peccati originalis
consistat in aliquo positivo ? 29
Ar. 4. An formalis quidditas peccati o-
riginalis consistat in priuatione iusti-
tiæ originalis ? 38
Ar. 5. An peccatum originale sit poste-
ris voluntarium, & culpa ? 45
Ar. 6. Soluuntur reliqua argumenta con-
traria . 53

DISPUTATIO SECVNDA.

De Propagatione peccati originalis.

DI-

DISPVATIO TERTIA.

De Causis peccati originalis.

- A** R. 1. An primum peccatum actuale Adæ fuerit causa physica nostri peccati originalis? 62
- Ar. 2. An peccatum originale, ut est pēna peccati Adæ, sit eius effectus moralis? 68
- Art. 3. An si sola Eua peccasset, transfunderetur in posteros originale? Vbi de genitis miraculosè. 76
- Ar. An peccata proximorum parentum transfundantur in filios? 82

DISPVATIO QVARTA.

De Modo eius propagationis.

- A** R. 1. An semen Adæ attingat, ut causa peccatum originale? 87
- Ar. 2. An semen attingat peccatum originale per vnionem animæ cum corpore? 95
- Ar. 3. An semper duret in anima peccatum originale? 101
- Ar. 4. An peccatum originale extinctum baptismo, peccato actuali reuiuiscat? pag. 106
- Ar. 5. An; & quandiu detur in nobis debitum, contrahendi peccatum originale? 110
- Ar. 6. An si Adam non peccasset, transfunderet physicè in posteros iustitiam originalem? 117

DI.

DISPVATIO QVINTA.

De Effectibus peccati originalis.

- A** R. 1. An mors, aliaque ærumnæ sint effectus peccati originalis? 125
- Ar. 2. An infantes morientes in peccato originali, puniantur pœna sensitiva, ignis æterni? 132
- Ar. 3. Soluuntur argumenta P. Magistri Henrici de Noris. 143
- Ar. 4. An pœna damni sit pueris dolorifera? 154
- Ar. 5. An pueri sine baptismo decedentes, post finale iudicium, sint locandi in aliquo delizioso loco? 162
- Ar. 6. An primi parentes peccauerint per ignorantiam? Vbi de eorum tentatione, & peccato. 169
- Ar. 7. An homo ratione peccati originalis, incurrerit pœnam priuationis potentia proxima, ad perseverandum in bono, & reprobationis? 177
- Ar. 8. Soluuntur alia argumenta contraria, & roboratur doctrina. 186
- Ar. 9. An peccatum inobedientia fuerit in Adam pœna peccati superbia? Vbi an vnum peccatum possit esse alterius pœna? 190
- An Adæ peccatum fuerit omnium grauissimum? 194

DISPUTATIO SEXTA.

De vario statu natura humana.

- A** R. 1. An potuerit homo non ordinari ad finem supernaturalem, & creari in pura natura? 197
- Ar. 2. An daret adhuc Paradisus terrester, & quid sit? 204
- Ar. 3. Soluuntur obiecta, & roboratur doctrina. 211
- An fructus ligni scientiæ haberet ex se virtutem illuminandi mentem? 208
- An primi parentes, per penitentiam saluati fuerint? 215
- An status naturæ reparatæ differat à statu innocentiae? 215



TRA-



TRACTATUS

DE PECCATO

ORIGINALI.

Authore .

FR. PETRO DE COMITIBVS

Romano.



VIDIMVS hanc
 materiam in sex
 Disputationes , in
 quarum prima agi-
 mus de eius exi-
 stentia , & quidditate : in 2.
 B de

de eius propagatione: in 3. de
eius causis: in 4. de modo eius
propagationis: in 5. de eius ef-
fectibus: & in 6. de vario statu
naturæ humanæ.



DI-



DISPUTATIO I.

De existentia , & quidditate peccati originalis.



IN hac Disputatione quæri-
mus primò , an verè de-
tur peccatum originale? Deinde an sit vnum, vel mul-
tipleix? 3- An sit aliquod
positivum , vel negativum , & quid il-
lud sit.

ARTICVLVS I.

An verè detur peccatum originale?

VIdetur non dari, vt opinabantur Pe-
lagiani, aliqui ex Hebræis, & Sa-
racenis, Arriani, Albigenſes, Anabapti-
stæ, Abailardus, Erasmus, alijque hæreti-
ci, quos referunt Castro de hæresibus V.
peccatum, hæresi 1. & Bellarminus lib. 4.
de statu peccati c. 2. Eorum fundamenta
sunt.

1. Quia Chrysostomus to. 5. homil. ad
B 2 Neo-

Neophitos, ait, *hac de causa infantes baptizamus, cum non sint coinquinati peccato, ut eis detur, vel addatur sanctitas, iustitia &c.* Quæ similia verba referunt etiam, ex Basilio, & Theodoro. At si haberent infantes originale peccatum, baptismus esset illis necessarius, ad eius deletionem, quo essent coinquinati. Ergo illud non habent. Et hom. 10. in ep. ad Roman. ait, *Ex Adami inobedientia alterum peccatorem extitisse, quam congruentiam, & consequentiam habet?* Ergo per Chrysostomum non datur peccatum originale.

2. Nullus patitur poenam æternam in gehenna, nisi propter peccata propria, personalia, ut docent Ambrosius super illud Rom. 5. *Regnavit mors &c.* Sed si daretur peccatum originale, etiam propter illud infligeretur poena æterna, adeoque peccatum Adæ nobis imputaretur, quod repugnat Ezechiel. 8. *Filius non portabit iniquitatem patris.* Ergo non datur hoc peccatum. Et ideo concludit Ambros. loco cit. *Est & alia mors, quæ secunda dicitur in gehenna, quam non peccato Adæ patimur, sed eius occasione, proprijs peccatis acquirimus.*

3. Omne peccatum est contra naturā, quā inficit, & deturpat. Sed nihil, quod sequitur per originem ab Adamo, est contra naturam, cum potius sit naturale, adeoque iuxta naturam. Ergo non est peccatum, adeoque non transfunditur ab illo peccatum originale.

4. Pri-

4. Primum peccatum Adæ, quod dicitur originale in posteris, fuit anima illius, ut in proprio subiecto. Ergo non potest transire in alias animas, primò quia transfret de vno subiecto in aliud, quod repugnat. Et deinde quia fuit in illo deletum per penitentiam, nec potest in posteris redire.

5. Vicia naturalia, ut monstruositas, deformitas, cæcitas, &c. non sunt peccata. Sed quod sequitur ex parentibus per originem, est vitium naturale. Ergo licet transfundatur, non est peccatum.

6. Si daretur peccatum originale, matrimonium esset malum, ut asserebant Manichæi, eò quia genitores transfunderent in filios peccatum, adeòque generando peccarent. Consequens est erroneum. Ergo & antecedens.

7. Semen non est informatum anima rationali, ut diximus in 1. de an. Ergo non potest transfundere peccatum, quod soli conuenit animæ rationali. Præterea non attingit animam, quæ creatur à Deo. Ergo non potest illam maculare.

8. Cui actus non est liber, & voluntarius, non potest esse peccaminosus. Sed inobedientia Adæ non est nobis libera, & voluntaria. Ergo non potest esse nobis peccaminosa.

Conclusio, *Datur peccatum originale, adeòque omnes homines, qui nascuntur per commissionem seminum ex Adam, contrahunt illud. Est de fide, & communis inter ca-*

tholicos, aduersus hereticos.

Probatur 1. ex Tridentino sess. 5. can. 12. ubi sic definitur, *Siquis Adæ prauaricatione in sibi soli, & non eius propagini assērit nocuisse, & acceptam à Deo sanctitatem, & iustitiam, quam perdidit, sibi soli, & non nobis eum perdidisse, aut inquinatum illum per inobedientia peccatum, mortem, & penas corporis tantum, in omne genus humanum transfudisse, non autem & peccatum, quod mors est animæ, anathema sit.* Et affert rationem, cum contradicat Apostolo dicenti per unum hominem peccatum intravit in mundum, & per peccatum mors, & ita in omnes homines mors pertransiit, in quo omnes peccauerunt. Quod idem antea fuerat definitum, non solum in Concilio Palestino, sed etiam in Mileuitano 2. sub Innoc. 1. c. 2. & in Arauxic. 2. sub Felice 4. can. 2. & in Florentino sub Eugenio 4. & deducitur expresse etiam ex multis locis veteris testamenti, ut Iob. 14. *Quis potest facere mundum de immundo conceptum semine?* Et psal. 50. *Ecce enim in iniquitatibus conceptus sum, & in peccatis concepit me mater mea &c.*

2. Si non daretur peccatum originale, baptismus esset omninò inutilis, & superfluous, cum pro actuali sufficiat penitentia; Ut quid enim daretur infantibus, nullum habentibus actuale peccatum? Neque dicant Pelagiani, illud dari, ut fiant capaces regni celorum, iuxta oraculum Veritatis Io. 3. *Nisi quis renatus fuerit ex aqua, &*
Spi-

Spiritu sancto, non potest introire regnū calorum ; siquidem absque baptismo, non possent è cælo excludi, propter quod facti sunt, nisi haberent, aliquam culpam. Cum ergo non habeant actualement, si originale non haberent, nullatenus e cælo excludi possent, ut intulit Augustinus aduersus Iulianum, præsertim cum ipsa carentia baptismi, utpote inuoluntaria, non sit illis culpabilis. Ergo datur peccatum originale, ob cuius expiationem dicitur lauacrum, materialiter corporis, & formaliter animæ, tamquam signatū per illud. Atque adeo cum non sit maior ratio, cur debeat afficere nos potius, quam illos, debet omnes afficere, qui deriuant ex Adam, ut definit Trid. loc. cit. & docet Apost. 1. ad Corin. 15. *Sicut in Adam omnes moriuntur, ita & in Christo omnes uiuificabuntur.*

Dices, Christus D. & eius sanctissima Genitrix baptizati sunt, quamuis non habuerint peccatū originale. Ergo baptismus non est institutus, ad tollendum peccatum originale.

Nego consequentiam, Primò quia in probabili multorum sententia, etiam habitus penitentiae fuit in Christo, licet non esset necessarius ad expiandum ullum peccatum, quamuis nos in tr. de pen. hoc negauerimus. Deinde quia Christus induit personam peccatoris, de quo dicitur Isa. 53. *Peccata nostra ipse tulit, & scelera nostra ipse portauit.* Ergo ut doceret

omnes peccatores, quomodo deberent Deo reconciliari, ipse voluit pro eorum peccatis sumere medicinam, non ad sui indigentiam, sed ad aliorum exemplum. Quoad Deiparam, ipsa utique hanc maculam contraxisset, nisi fuisset præuenta gratia speciali, & ideo ut naturaliter subdita legi vniuersali, incurrendi talem maculam, debuit etiam subdi legi baptismatis, non ad egestatem indiuiduam, sed specificam, & ut acciperet characterem diuinæ adoptionis. Præterquãquod posset etiam congruenter dici, quòd sicut non habens culpam actuale, non tenetur ad penitentiam, ita neque tenetur ad baptismum non habens originale; adeoque Deiparam non fuisse baptizatam, nisi ad obseruantiam legis, sicut fuit post partum immaculatum purificata.

3. Malum nõ debetur, nisi malo. Cum ergo malum pene, ut ærumnæ, mors, effrænīs concupiscentia, &c. torqueat omnes, etiã innocentes ab omni culpa actuali, debet infligi, propter culpam originale, iuxta illud Genes. 3. *Spinās, & tribulos germinabit tibi: in dolore paries: in sudore vultus tui, &c.* Ergo debet hæc culpa omnes inquinare.

Dices, etiã Christus & eius Parens fuerunt subiecti ærumnis, & morti, licet non habuerint peccatum originale. Ergo hæc non dantur in eius penam.

Nego consequentiam. Siquidem Christus, se sponte subiecit tali penalitati, quã
po.

potuisset non contrahere, ob satisfactionē nostri delicti, & ideo dicitur Isa. 53. *Oblatus est, quia ipse voluit.* Ergo in illo mors & ærumnæ non fuerunt in penam, sed acceptatæ in nostram satisfactionem. Quoad Deiparam dico, quod licet de facto nō contraxerit hanc maculam, tamen debuisset contrahere, nisi fuisset per gratiā præuenta. Deus ergo qui voluit illā liberare ex contractione maculæ, noluit ab eius pena temporali eximere, ad eius exercitium, meritum, & triumphum.

Urgebis, mors non potuit dari in penam peccati, aliter non fuissent impletæ diuinę minæ Gen. 2. *In quocūq; die comederis ex eo, morte morieris,* neque enim Adam mortuus est, eo die quo vetitum pomum comedit. Ergo per *ly morte morieris*, debet intelligi mors animæ, resultans ex eius transgressione actuali, & mors corporis fuisset illi connaturalis, ex contrariorum commistione, de qua factus erat.

Nego antecedens. Ad cuius probationem dico, hominem fuisse quidem mortalem, secundum sua naturalia præcisè cōsideratum, vt probauimus in lib. de misistorum corruptibilitate disp. 1. ar. 1. tamen per gratiam fuisse donatum immortalitate, qua ea ipsa die, in qua peccauit, spoliatus fuit, & ideo mortuus est, non quidem per actualement separationem animæ à corpore, sed quia fuit relictus in sua naturali conditione, secundum quam

fuerat morti destinatus. Et ideo dicitur ad Rom. 5. *Per unum hominem peccatum intravit in mundum, & per peccatum mors*, ubi ly mors dicitur ad distinctionem peccati, quod est mors animæ. Ergo debet intelligi de morte corporis.

Dices 3. Si per gratiam in statu innocentiae originalis, fuisset homini data immortalitas, non fuisset illi necessarius cibus. Hoc autem repugnat Genes. 2. ubi Deus dixit Adæ, *de omni ligno Paradisi comede, de ligno autem scientiae boni, & mali nè comedas*. Ergo non fuit illi data immortalitas, sed erat ex se mortalis.

Resp. primò, esse probabile, quod plures tenent, nempe non fuisse Adamo necessarium cibum, nisi ad delicias, eo modo quo Beati, resumptis corporibus, poterunt comedere, ut fecit Christus post suam resurrectionem, quamvis sint donati immortalitate. Deinde dico, fuisse Adamo datam immortalitatem, non simpliciter, & absolutè, sed solum secundum quid, quatenus videlicet excludebat ab illo necessitatem moriendi, ita ut potuisset protrahere vitam quantum voluisset, absque vlla temporis taxatione, ad suum libitum duraturam, sub duplici tamen conditione, nempe conservationis innocentiae, & usus ciborum, & præcipuè fructus ligni vitæ, ut fusè expendi in lib. de mistor. corruptibilitate disp. 1. ar. 2. In pœnam verò peccati, fuit illi determinata vitæ periodus arbitrio Dei, & vetitus
usus

usus ligni vitæ; & ideo amisit immortalitatem.

Dices demum, ergo si Adam cibos nō comedisset in statu innocentia, adhuc mortuus esset, adeoque non erat immortalis. Nego consequentiam, quæ solūm valeret de immortalitate simpliciter, & absolute, non autem de conditionata, & secundūm quid. Deus enim ita Adamum per gratiam constituerat, ut per solum esum fructuum Paradisi, potuisset vitam protrahere in æternum, quoadusque beatitudinis cælestis desiderio, abstineret ab esu ciborum, ut terrenam vitam finiret, ut diximus loc. cit. Et ideo constituerat in medio Paradisi lignum vitæ, cuius usum Adæ non prohibuerat, *ex omni ligno comede* (ut dicitur Genes. 2.) *de ligno autem scientia boni, & mali non comede*, ut per eius esum posset vivere quantum vellet, si permaneret in statu innocentia.

ARTICVLVS II.

Soluuntur obiecta hæreticorum.

AD 1. Respondeo cum D. Aug. lib. 1. con. Iulian. c. 3. Negando utramque consequentiam. Et ad 1. locum Chrysostomi dico cum eodem, illum solūm locutū esse de peccatis actualibus proprijs; & ideo hoc testimonium parvipenditur ab Augustino dicente, *peccata dixit par-*

A 6

uulos

uulos non habere, sed propria. Quare Iy non inquinatos peccato, intelligit Chrysostomus, nō iniquationem peccati actūalis, quo carent pueri, non autem non iniquationem originalis. Et hoc modo solvuntur omnia alia similia loca, quæ afferuntur ex Basilio, Theodoro, & alijs. Ad alium locum eiusdem dico, pueros nō constitui peccatores per Adæ inobedientiam formaliter, sed solū causaliter, modo infra explicando; & hoc modo est explicandus Chrysostomus.

Ad 2. Distinguo minorem, infligetur pēna æterna positiua, quæ dicitur pēna sēsus, nego: priuatiua, quæ dicitur pēna damni, concedo. Ambrosius ergo illis verbis allatis ab arguente (si tamen sunt illius, ut dubitat Bellarminus lib. 4. de statu peccati c. 11.) solū voluit asserere, nullum pati pēnam sensus ob Adæ peccatum, nisi occasionaliter, quatenus videlicet Adæ peccatum fuit occasio nostrorum actualium, ut infra videbimus.

Ad 3. Nego minorem. Ratio est, quia defectus, & corruptio naturæ non potest esse iuxta naturam, quæ intrinsecè, & essentialiter petit suam integritatem. Sed quod sequitur ab Adam, sequitur per originem vitiatam, & corruptam. Ergo nō sequitur ut effectus naturalis. Hæc autem corruptio non prouenit ex defectu alicuius principij, profluentis ex ipsa natura secundum se, sed ex defectu iustitiæ originalis, quæ licet gratis data, quia ta-
men

men fuit data toti naturæ, vt vniuersaliter omnibus per primum suppositum cōmunicaretur, poterat dici naturalis; adeòque eius defectus intrinsecè vitiat semen humanum, quod proinde non potest efficere nisi naturam, vt priuatam tali iustitia, adeòque attingentem peccatum originale, quod vel in eius priuatione consistit, vel illam dicit essentialiter sibi connexam.

Ad 4. Distinguo consequens, non potest formaliter transire, concedo: virtualiter, nego cōsequentiam. Vnde patet responsio ad eius primam probationem. Cum enim semen humanum decidat ex natura corrupta, per priuationem iustitiæ originalis, dūm propagat talem naturam, propagat etiam talem priuationem, eo modo quo forma ignis proueniēs à principio priuato frigore, propagando calorem, propagat etiam frigoris priuationē, non eandem formaliter, sed virtualiter. Et ideo dicitur à Trid. sess. 5. in peccatū originale esse *origine vnum, propagatione transfusum omnibus*. Ad aliam probationem dico, Adamum in ordine ad primā præuaricationem fuisse, non solum caput physicum cæterorum, sed etiam morales, ex pacto Dei cum illo inito, vt si foret obediens, conseruaret sibi, & posteris iustitiam originalem, sin autem inobediēs amitteret illam sibi, & posteris, inficiendo totam naturam humanam. Quia ergo cum egit penitentiam, illam non egit vt
ca.

caput morale omnium, sed ut persona, priuata, ideo abstulit quidem a se maculam peccati inobedientiæ, sicut aufertur in singulis per baptismum, non tamen illā abstulit à natura, quā infecerat; adeoque omnes eius posterī nascuntur maculati, nisi specialiter à Deo præseruentur, ut egregiè docet Aug. in lib. de prædestinat. Dei c. 4., & nos infra examinabimus.

Ad 5. Distinguo maiorem, vitia naturalia non sunt peccata, si considerentur materialiter ut talia in se, cōcedo: si considerentur formaliter per ordinem ad suū principium, nego, quia possunt esse effectus eius peccati. Priuatio ergo iustitiæ originalis materialiter, & in se sumpta, non est peccatum, tamen formaliter sumpta, ut dicit ordinem ad culpam. Adæ, per quā inducta est in naturā humanam, & cū illa virtualiter in posteros propagatur, est peccatum, quod dicitur originale.

Ad 6. Nego maiorem; siquidem peccatum originale non transfunditur in filios, per generationem materialiter sumptam, quatenus est effectus physicus parentum, sed per generationem formaliter sumptam, quatenus videlicet importat respectum ad Adam, ut primum naturæ caput, à quo tota fuit infecta. In ordine ergo ad proximos parentes, sequitur per accidens hoc peccatū, & solum secundum suum materiale, eo, vel simili modo, quo sequitur ex concursu Dei. Sicut ergo Deus non dicitur peccare, ita neq; parentes

tes proximi. Immo neque ipse Adam, generando peccabat, quia ad talem actum non gerebat personam capitis, sicut gessit usque ad esum pomi vetiti, sed priuatam, vel ad summum gerebat personam capitis physici, sed non moralis. Vnde sequitur, quod in transfusione talis peccati, eodem modo se habuit, sicut & alij, concurrêdo nempe ut generans ad illius materiale; & ut dicebat ordinem ad suum primum peccatum, moraliter in se perseverans, concurrebat etiam ad formale, quatenus dicebatur principium proximum illius, moraliter perseverantis, ut egregiè explicant Salm. to. 4. disp. 14. dub. 1. num. 19.

Dices, quisque tenetur vitare malum alienum, quod est in sua potestate. Ergo cum parentes proximi possint vitare hoc malum filiorum, non vacando eorum generationi, si non vitent, peccant, quia faciunt contra charitatem.

Nego antecedens, quod non est universaliter verum; non enim tenetur femina e. g. abstinere à confessione suorum criminum, quamvis prævideat ex illa secuturum peccatum confessarii, à quo unice possit audiri: neque ægrotus abstinere à sumptione pharmaci, quamvis ex illo prævideat pollutionem &c. quia hæc censentur consequi per accidens ex talibus actionibus, cæteroqui de se licitis, propter bonum commune conservationis naturæ, individui &c. Illud ergo effectum de.

debet intelligi primò de actione per se illicita . Et deinde de actione illicita, non utcumque, sed per ordinem ad ipsum peccatum proximi, ut esset concubitus fornicarius, qui est formaliter illicitus, per ordinem ad fornicationem, quam traheret sui complicitis ad suam consentientis .

Ad 7. Nego consequentiam, quia quamvis semen non habeat in se formaliter animam nascituri, illam tamen habet virtualiter, quatenus in se continet virtutem naturæ humanæ, in qua est anima, & quatenus dispositivè movet ad ipsam animam, disponendo materiam ad illam recipiendam. Sicut ergo potest efficere naturam humanam, ita potest animæ in illa consistenti, communicare peccatum originale, eo modo, quo dictum est supra, quatenus videlicet illi præparat subiectum destitutum iustitia originali, per cuius informationem, etiam ipsa tali privatione inficiatur. Verùm de hoc fusiùs agemus inferiùs, ubi soluentes etiã aliam rationem antecedentis. Prò nunc sufficiat, semen esse principium generationis, quæ est proprius actus naturæ, ut propagetur. Cùm ergo anima inficiatur per actum naturæ infectæ, ideo potest infici à semine, licet ab illo non attingatur per contactum formalem immediatum, sed solum per virtualem, & mediatum, ut dictum est.

Ad 8. Nego maiorem, cùm non semper

per sit necessaria libertas ad peccandum, sed sufficiat voluntarietas. Cùm ergo inobedientia Adæ fuerit nobis omnibus voluntaria, modo infra explicando, fuit omnibus peccaminosa. Vnde sequitur, quòd nos non portamus iniquitatem primi parentis (vr obijciebatur in 2. argum.) sed propriam. Et ratio est, quia cum omniũ voluntates, in ordine ad illum actum, in vnum consenserint, vt membra consentiunt cum suo capite, ad actus corporales, ideo non fuit soliũs Adæ, sed omnium, qui proinde portant propriam iniquitatem, & non patris.

ARTICVLVS III.

An quidditas peccati originalis consistat in aliquo positiuo?

V Idetur quòd sic, Primò quia Matthias Flavius Illiricus (quem Gonnethus vocat Lutheranorum rigidorum, patrem) in quodam libello de peccato originali, ait, illud esse ipsam hominis animam, substantialiter ex Dei imagine, in Diaboli imaginem transformatam, vt referunt Canis. lib. 1. de B. Virgine, & Bellarm. lib. 5. de amiss. gratiæ c. 1.

2. Origenes lib. 2. periarcon. c. 9. supponens, omnes animas rationales fuisse simul creatas ante mundum corporeum, ne-

negat, peccatum originale per primum hominem in alios propagari, sed singulos homines habere suum proprium peccatum originale, nempe illud primum, quod patrarunt in statu separationis, ratione cuius patrarunt & alia, in quorum penam fuerunt detrusæ in talia corpora.

Vnde inferebat, hoc peccatum in singulis hominibus nihil esse aliud, quàm debitum illud positivum, relictum in tali anima, ut maneat tali corpori, velut carceri mancipata.

3. Lutherus, Kemnitius, alijque eiusdem scctæ hæretici dicebant, esse aliquod corporeum substantiale, nempe hominis cor, hepar, vel ipsum humanum compositum, quod dicitur humana natura, ut mordicus tuerentur, peccatum originale non esse in anima, ut refert ibid. Bellarm.

4. Alij ex Lutheranis, & Calvinistis dicunt, esse fomitem, & concupiscenciam. Alij esse ipsa peccata actualia; Et alij alia.

5. Greg. de Arim. in 2. d. 3. q. 1. ar. 2. ait, peccatum originale, saltem de materiali, includere quamdam qualitatem morbidam tam spirituales in anima, quàm materiales in corpore, progenitam in Adamo ex pomo vetito venenato, & ex afflatu serpentis tartarei, ad nos ex illo ductam per generationem libidinofam. Quam opinionem tuerentur etiam Henricus, Gabriel, Okam, Riccardus, Gugliel. Paris. Guliel. Antitiodoren, & alij penes Salm.

Salm. hic disp. 16. dub. 2. num. 32.

6. Albertus Pighius & Ambr. Catharin. (quibus concinunt Tolerus, Ouiedo, Salmeron, Arriaga, Curiel, Poncius, Vulpes, Delugo, Granatus, & alij) inquit, hoc peccatum nihil dicere nobis intrinsecum, eò quia putent, nihil esse aliud, quàm ipsum actuale Adami peccatum, commissum ab ipso, vt representante omnes posteros; adeòque in ratione culpæ, esse nobis penitus extrinsecum, vt refert, & confutat Vasq disp. 132. c. 2.

7. Durand. in 2. d. 30. q. 3. Rossensis ar. 2. con. Luther. & alij docent, peccatum originale nihil esse aliud, quàm reatum pænæ, siue æternæ, siue temporalis. cui sumus obnoxij, propter Adæ peccatum.

8. Nunno in 3. p. q. 86. ar. 2. Greg. Martinon hic ar. 1. dubio 1. Albertus Magnus, Burgensis, & Bonaventura docent, peccatum originale esse habitum, seu qualitatem aliquam positiuam. Quibus videtur accedere D. Tho. hic q. 81. ar. 1. in corp. vbi ait, *Originale peccatum est habitus, non quidem sicut scientia, sed sicut quedam inordinata nature dispositio, consequens originalis iustitiæ priuationem.* Munus autem, huius habitus dicunt, esse inclinare hominem ad bonum commutabile, vt ad vltimum finem.

Conclusio, *Peccatum originale non consistit formaliter in aliquo positivo, quod transfundatur ad posteros per Adæ peccatum, via seminaria,*

Pro-

Probatur, quia hoc positivum, vel esset nobis extrinsecum, vel intrinsecum? Primum repugnat Tridentino sess. 5. can. 2. quo definitur, peccatum originale, *in esse unicuique proprium*, adeoque esse omnibus per baptismum non renatis intrinsecum. Secundum sustineri non potest, ut mox patebit, cum reiiciemus præfatas opiniones. Ergo non potest esse aliquod positivum, ut plerique docent theologorum.

Ad 1. figmentum, quod solidissimis rationibus confutatur ab Aug, tamquam Manicheismus lib. con. ep. fundamenti c. 33. & seqq. Nego suppositum, primò quia admittit, malum esse substantiam, & naturam, quod nos toties reiecimus ut erroneum; aliter cum omnis substantia sit Deus, vel à Deo, cum hæc non possit esse Deus, in quo non cadit malum, necessario esset à Deo, qui pròinde esset author mali, quod est hæres Calvinistarum. Deinde quia cum anima sit spiritualis, & immortalis, non potest substantialiter immutari, & fieri mala, cum prius esset bona. Et demum quia definitur à Trident. sess. 5. can. 5. per baptismum tolli in renatis *totum id, quod veram, ac propriam peccati rationem habet*, quamvis non tollatur anima, à qua sit hæc ablatio. Ergo cum ratio peccati originalis sit seperabilis ab anima, non potest esse eius natura, seu substantia.

Neque obstat, quod ipse Aug. lib. 7. de gen. ad lit. c. 27. dixerit, Adam per peccatum perdidisse imaginem Dei, quam per

per creationem acceperat, Primò quia non loquitur de imagine quoad substantiam, sed quoad eius nitorem, & pulchritudinem, quorum Adam fecit iacturam, ut ipse se explicans loquitur lib. 2. retract. c. 24. his verbis, *Quod dixi Adam imaginem Dei, secundū quem factus est, perdidisse peccato, non sic accipiendum est, tamquam in eo nulla remanserit, sed quod tām deformis, ut reformatione opus haberet.* Ex quibus patet secunda solutio, nempe imaginem conditoris, expressam per animæ substantiam, non fuisse amissam, sed solam accidentalem, quæ resultauit in anima, per collationem iustitię originalis, quam abstulit præuaricatio.

Ad 2. Patet responsio ex dictis in 3. de an. disp. 2. ar. 3. ubi ex professo impugnavimus errorem Origenis. Et præterea ex Trid. sess. 5. can. 3. ubi definitur, peccatum originale esse vnum origine, & ab Adam in alios propagatum. Ergo non est primū peccatum, quod patrarunt animæ in statu separationis, quod esset multiplex, & diuersum in singulis, ab Adam non propagatum.

Ad 3. Pater responsio ex responsione primi.

Ad 4. Dico, concupiscentiam, & fornicem remanere in baptizatis, ad eorum exercitium, ut de se testatur Apost. c. 7. ad Rom. *Sentio aliā legem in membris meis, repugnantem legi mentis meæ.* Ergo licet possit dici effectus peccati originalis, non

tamen potest esse ipsum peccatum, à quo est separabilis. Neque obstat, quod idem Apostolus ibid. fateatur, *Iam non ego operor illud, sed quod habitat in me peccatum*; Si quidem ibi vocatur peccatum quod est effectus peccati, & sæpe causa peccati, ut explicat Trid. sess. 5. can. 5. Quod si vocetur peccatum ab Aug. lib. 5. con. Iul. c. 3 debet exponi, non de peccato, ut est offensa Dei, sed ut est vitium, & infirmitas naturæ, & ut inclinat ad peccatum, ut se explicat lib. 1. retract. c. 15 & lib. 2. de nuptijs c. 23. Ad alios, qui asserunt, esse ipsa peccata actualia singulorum, patet sponso ex supra allegatis definitionibus Tridentini, quibus habetur, originale esse unum, omnibus ut proprium inexistens, ab Adam diffusum.

Ad 5. Dico, huiusmodi morbidam qualitatem, siue solidam, siue fluentem communiter explodi ut fabulosam, Primò quia non haberet causam. Vel enim esset à Deo, & illum faceret authorem peccati; vel ab afluatu serpentis, & solam Euam infecisset, cum qua fuit confabulatus, & fieri non posset, ut tot seculorum decursu non cessasset. Deinde concupiscentia, habitus vitiosi, & fomes peccati, quamvis inclinent ad malum, non tamen proinde sunt formaliter peccata, ut diximus supra. Ergo licet admitteretur huiusmodi qualitas inclinans ad malum, non tamen ipsa esset quidditas peccati. Neque obstat quod Aug. lib. 4. hypognosticon

c. 2. doceat, corpus Adæ fuisse infectum venenoso sibilo tartarei serpentis. Siquidem nomine sibili intelligit, non flatum formaliter scaturiens virus, sed fraudulentam suasionem, qua induxit Adam, ad peccatum, quod est virus animæ. Multò minùs, quòd lib. 1. de nuptijs c. 25. dicat, originale peccatum esse languorem animæ, & habitudinem quamdam prauæ qualitatis, siquidem nomine peccati originalis, in tali loco intelligit effectum illius, nempe appetitum sensitium, ut rebellantem rationi, propter defectum iustitiæ originalis, ratione cuius inclinatur ad peccatum.

Ad 6. Dico, sententiã Pighij, & Catharini communiter ut erroneam, & sapientem Pelagianismum explodi, ut probat Vasq. disp. 132. c. 3. & ideo fuit ab rasa ab indice expurgatorio, ut docet Gonet disp. 7 ar. 5. §. 2. ubi eam vocat periculofam, & parum distantem ab errore Pelagij, circa hoc peccatum. Et ratio est, quia non solùm repugnat Apostolo c. 5. Ad Rom. *Per unum hominem peccatum intravit in mundum* (quod certè non potest intelligi de vetita comestione Adæ, quæ ut actus illi immanens, ad alios transfundi non potuit, sed de aliquo alio ex illo deriuante, quod inficiat posteros,) sed etiam Tridentino sess. 5. can. 3. ubi definitur, originale inesse omnibus proprium, & sess. 6. cap. 3. ubi dicitur, quòd omnes dùm concipiuntur, propriam iniustitiam con-

contrahunt . Ergo hæc sententia sustineri non potest. Neque obstat quod dicit Apostolus ad Rom. 5. *Per unius inobedientiam peccatores constituti sunt multi. Et In quo omnes peccaverunt* Nam primus locus debet accipi causaliter, & non formaliter, primò quia dicitur inobedientia unius, & non multorum. Ergo hoc ideo evenit, quia talis inobedientia fuit origo, ex qua multi deriuarunt peccatores proprio peccato . Deinde quia ibidem dicitur, *Sicut per inobedientiam &c. ita per unius obedientiam iusti constituuntur multi.* Sed nos non constituimur formaliter iusti per obedientiam Christi, sed solùm causaliter meritoriè. Ergo neque constituimur formaliter peccatores per inobedientiam Adæ. Et similiter debet exponi secundus locus, quòd videlicet prauitas Adæ non sit nostra formaliter, sed solùm quoad effectum, amittendi voluntariè iustitiam originalem.

Ad 7. Dico, reatum poenæ, siue explicetur per obligationem ad penam, siue per condignitatem poenæ, semper supponere culpam, cui soli debetur poena. Ergo in tali reatu non potest haberi quidditas peccati originalis, quod est eius causa .

Ad 8. Quamuis pateat responsio ex dictis, tamen placet huiusmodi sententiam speciatim paucis impugnare. Imprimis ergo displicet, quia peccatum originale de sua ratione formali, non dicit conuer-

uersionem ad creaturam, sed solam destitutionem animæ à iustitia originali, quæ æquiualeat auersioni à Deo, ut docet D. Tho. q. 5. de malo ar. 2. & ideo illi correspondet sola pœna damni, ut videbimus infra. Ergo non potest formaliter consistere in conuersione habituali, siue in habitu inclinante ad bonum commutabile. Deinde talis habitus non potest derivare ex peccato Adæ, quod neque physicè, neque moraliter potest illum efficere. Ergo non potest esse peccatum originale, quod necessariò derivat ex Adæ peccato. Probatur antecedens, causa physica debet necessariò existere. Sed Adæ peccatum nunc non existit. Ergo nihil potest physicè causare, præsertim cum nihil physicum produxerit in semine, per quod dicatur existere virtualiter; & quâuis produxisset, cum semen non sit virtus peccati Adæ, sed naturæ humanæ, adhuc tamen per illud, non existeret Adæ peccatum virtualiter. Sed neque potest causare moraliter, ex vi pacti initi à Deo cum Adam, primò quia actus peccaminosus Adæ non fuit physicè mutatus per tale pactum, ita ut acquireret vires ad operandum, quas ex se non haberet. Et deinde quia si aliquid nunc posset ex vi pacti, hoc tribueretur Deo, ut causæ particulari, adeoque Deus esset author peccati originalis, ut in posteros transfusi, quod est blasphemum. Ad auctoritatem D. Tho. patebit resp. ar. sequenti ad 3.

C

AR-

ARTICVLVS IV.

An formalis quidditas peccati originalis consistat in priuatione iustitiæ originalis?

Videtur quòd non , Primò quia omne peccatum debet constitui , per priuationem conformitatis ad legem, siue actualem, siue habitualem, prò diuersitate peccati, actualis, vel habitualis. Ergo non consistit in priuatione iustitiæ originalis. Probaturs antecedens, sicut enim rectitudo actus, consistit in conformitate cum diuina lege, ita & prauitas in eius difformitate, quæ nihil est aliud, quàm priuatio conformitatis.

2. Malitia cuiuscumque peccati est adæquatè positua, vt fusè probauimus in 1. de gener. disp. 3. ar. 4., eò quia necessario dicat auersionem à Deo, & conuersionem ad creaturam, quæ dicunt motum positium. Ergo etiam malitia peccati originalis est positua.

3. Peccatum originale est quædam inordinata dispositio, proueniens ex dissolutione illius harmoniæ, in qua consistebat ratio iustitiæ originalis, vt docet D. Tho. 1. 2. q. 82. ar. 1. vbi deducit, illud esse habitum, & languorem naturæ. Ergo est aliquod positium, vel saltem non est pura priuatio, sed est quidam habitus

cor-

corruptus, ut idem docet ibid. ad 1.

4. Potuit Deus non tribuere Adæ iustitiam originalem, vel saltem dare illi soli, ut singulari personæ, & non ut capiti morali. In tali casu, ipso peccante, transmitteretur in posteros peccatum originale, cuius quidditas non posset consistere in privatione iustitiæ originalis, quā vel Adam non habuisset, vel non habuisset in posteros transmittendam. Ergo huius peccati quidditas est separabilis a tali privatione, adeoque non potest in illa consistere.

5. Si hoc peccatum consisteret in privatione iustitiæ originalis, non posset auferri, nisi talis iustitia redderetur, eò quia privatio à subiecto tolli non possit, nisi per aduentum formæ positivæ oppositæ. Sed hoc est falsum, eò quia per baptismū tollitur peccatum originale, non restituta iustitia originali, ut infra probabitur. Ergo non consistit in eius privatione.

6. Privatio talis iustitiæ est pœna peccati originalis, ut docet D. Tho hic q. 85. ar. 5. & q. 5. de malo ar. 1. Sed est impossibile, quod pœna constituat culpam, cui rependitur; aliter effectus constituerat suam causam, quod est impossibile. Ergo privatio iustitiæ originalis, non potest esse formalis quidditas peccati originalis.

7. Peccatum originale, ut formaliter tale, non est à Deo, aliter non posset esse vltor illius. Sed privatio talis iustitiæ est

à Deo. Ergo talis priuatio non est formalis ratio peccati originalis. Maior, & consequentia sunt euidètes. Minor probatur, primò quia cùm hæc sit pœna culpæ originalis, à solo Deo infligitur. Et deinde quia Deus non potest purè omittere, vt probauimus in 1. phys. Ergo cùm Deus non habeat volitionem efficacem, dandi posteris Adẽ iustitiam originalem, habet volitionem efficacem, illam non dandi, quæ æquiualeat volitioni eius priuationis, seu nolitioni formę oppositę, respectu illorum, stante circumstantia culpæ originalis.

Conclusio, *Formalis quidãitas peccati originalis consistit in priuatione iustitię originalis, quatenus hac dicebat in Adam gratiam sanctificantem, in posteros transfundendam.* Ita D. Tho. 1. 2. q. 82. ar. 3. cum quo sentiunt ferè omnes alij.

Probatur 1. peccatum originale tollitur omninò per baptismum, vt definitur à Trid. sess. 5. can. 5. Ergo in eo solo debet illud formaliter consistere, quod tollitur per baptismum, vt definitur in Concilio Mileuitano can. 2. de peccato originali, his verbis, *Paruuli, qui nihil peccatorum in semetipsis committere potuerunt, ideo in peccatorum remissione veraciter baptizantur, vt in eĩ regeneratione mundetur, quod generatione traxerunt.* Atqui per baptismũ non tollitur priuatio iustitię originalis, nisi secundũ quod dicebat gratiam sanctificantem, quæ sola redditur. Ergo tota

ra-

ratio formalis culpæ originalis, habetur per solam priuationem iustitiæ originalis, vt dicebat gratiam sanctificantem; aliter per eius solam restitutionem, non tolleretur totum id, quod habet veram, & propriam rationem peccati, quod pugnaret cum Trid. loc. cit. definiente, Si quis per Iesu Christi gratiam, quæ in baptismo confertur, reatum originalis peccati remitti negat, aut asserit, non tolli totum id, quod veram, & propriam peccati rationem habet, anathema sit.

2. Peccatum originale non est actuale posteris Adæ, sed habituale. Ergo debet consistere in aliquo, vnde habeatur eius habitualitas. Sed hæc habitualitas habetur adæquatè formaliter per illud, quod remanet in illis, ex peccato actuale Adæ, in quo illud dicitur virtualiter permanere. Ergo quia ex peccato actuale Adæ, non remanet in posteris non baptizatis, nisi priuatio iustitiæ originalis, in illa sola consistit eius habitualitas, adeoque quidditas peccati originalis. Sicut enim iustus habitualiter, habetur formaliter per actum iustitiæ, virtualiter permanentem in gratia sanctificante, quam relinquit in subiecto talis actus; ita malus habitualiter, habetur per actum prauum, virtualiter permanentem in priuatione gratiæ, quam relinquit in anima. Quia ergo peccatum Adæ fuit omnibus posteris voluntarium, ideo perseverans in priuatione iustitiæ, quam induxit, facit omnes habitualiter

peccatores , desumpta malitia ex solo Ad peccato , præterito quidem secundum actum , tamen perseverante in suis effectibus , quorum primarius est privatio iustitiæ originalis , quatenus videlicet rectificabat animam , illamque Deo uniebat , ut ultimo fini , sicut etiam facit gratia habitualis . Et ideo diximus , tale peccatum consistere in privatione iustitiæ originalis , cum limitatione ad solum , eius effectum primum , ex quo deinde dimanant omnes alij , qui proinde dicuntur secundarij .

Ad 1. Nego consequentiam . Sicut enim conformitas habitualis ad legem diuinam , nihil est aliud , quam gratia sanctificans , cum perfectionibus ab ea diriuantibus ; ita difformitas habitualis nihil potest esse aliud , quam eius privatio . Vnde retorquetur argumentum , cum nomine privationis iustitiæ originalis , intellexerimus privationem gratiæ sanctificantis , ut primarij illius effectus .

Ad 2. Nego consequentiam , cum illa doctrina valeat solum de peccato commissionis actuali , non autem de habituali .

Ad 3. Nego consequentiam . Et ad doctrinam D. Tho. dico , vocari ab illo peccatum originale , dispositionem inordinatam improprie , & metaphoricè (ut hic obseruat Gonettus) quatenus videlicet partes humanæ naturæ , malè se habeant per tale peccatum , ob carentiam iustitiæ ori-

originalis , quæ benè dispositæ , sanitate fruebantur. Et ideo à sanitate decedentes, in ægritudinem, & languorem prolapsæ sunt, non quidem formaliter, sed causaliter. Quando autem appellat hoc peccatum habitum corruptum, non debet exponi de habitu positivo, consistente in corruptione, (vt hic glossat Caietanus) sed de ipsa habitus corruptione formali, quæ nihil est aliud, quàm priuatio iustitiæ Originalis; aliter cùm habitus corruptus sit habitus non habitus, ex doctrina D. Thomæ sequerentur contradictoria.

Ad 4. Dico, multa valere in hoc rerum ordine, quæ in alio non valerent. Sicut ergo si Deus non eleuasset hominẽ ad statum gratiæ, eius peccatum habituale non esset priuatio gratiæ, sed haberetur per puram denominationem extrinsecam à peccato præterito; ita accidisset, si Deus Adæ non dedisset iustitiam originale, posteris communicandam. Nam tunc peccatum originale haberetur per puram denominationem extrinsecam, à peccato Adæ non retractato. In tali autem statu, hoc dici non potest, quia posita eleuatione Adæ, & posterorum ad gratiam, & iustitiam originale, quæ fuerunt amissæ per Adæ peccatum, quod etiã posteris fuit voluntarium, quoadusque illud deleatur per baptismum, remanet vtriusque priuatio, intrinseca omnibus, & singulis, in qua possumus saluare eius ha-

bitualem permanentiam, nec possumus recurrere ad extrinsecam illam denominationem, quæ non saluat definitiones Conciliorum, asserentium, illud esse omnibus, & singulis proprium, & intrinsecum, ut videre est in Trid sess. 5. can. 3. Vnde sequitur, quod in tali statu, hoc peccatum sit diuersæ rationis, ac esset in alio statu, sicut est pœna damni in damnatis, quæ esset diuersa, si homo non fuisset eleuatus ad beatitudinem supernaturalem?

Ad 5. Nego minorem. Cùm enim dictum sit, talem priuationem non opponi iustitiæ originali, in tota sua latitudine sumpta, sed solum ut dicit effectum primarium, indistinctum ab effectu primario gratiæ sanctificantis, eò ipso quod reddatur hæc iustitia, secundum talem effectum, quo anima rectificatur, & vnitur Deo, ut ultimo fini, iam restituitur secundum oppositionem, quam habet cū tali priuatione; & per consequens illa redeunte, tollitur hæc priuatio, adeòque ipsum peccatum originale, licet remaneant aliæ eius pœnalitates, ratione quarum non redditur adæquatè iustitia originalis.

Ad 6. Dico, huiusmodi priuationem posse considerari dupliciter, nempe, ut prouenientem à vi demeritoria peccati Adæ, & ut prouenientem à Deo, qui non vult illud condonare, sed punire. Quatenus ergo prouenit à peccato, habet ratio.

tio.

tionem peccati habitualis originalis ; quatenus verò prouenit à Deo, habet rationem pœnæ. Neque est absurdum, quod idem secundum diuersa, possit habere rationem culpæ, & pœnæ, vt docet D. Tho. q. 1. de malo ar. 4. ad 1. licet non possit secundum idem, vt infra patebit.

Ad 7. Nego minorem, iuxta modificationem mox allatam. Et ad eius probationes respondebimus infra, cum agemus de duratione peccati originalis.

ARTICVLVS V:

An peccatum originale sit posteris voluntarium, & culpa?

V Idetur non esse, Primò quia quod est à principio extrinseco, non est voluntarium, vt patet ex eius definitione. Sed originale est à principio nobis extrinseco, nempe à voluntate Adami, eiusque primo actuali peccato. Ergo non est nobis voluntarium.

2. Posteris se habent merè passiuè ad originale, quod solùm patiuntur, absque proprio consensu, eò modo quo ab alio percussi patiuntur vulnus. Sed vulnus nō imputatur vt culpa ipsi percusso. Ergo neque posteris Adæ eius peccatum.

3. Omni peccato debetur increpatio ex 3^a ethic Sed pueris non debetur increpatio ob Adæ peccatum. Ergo non

fuit illis voluntarium, adeòque illis non imputatur in culpam.

4. Peccatum actuale Adæ non fuit capitale, sed personale, & ideo priùs infecit eius personam, & deinde naturam, ut docet D.Tho. 3 p.q 8. ar.5. ad 1. & q. 69. ar.3. ad 5. cùm oppositum debuisset accidere, si fuisset capitale. Ergo non fuit posteris voluntarium, qui non consenserunt ad actus personales Adæ, adeòque non potuit in illos propagari.

5. Peccatum Adæ non potest esse nobis voluntarium, nisi quatenus in illo cõtinebamur. Atqui in illo non contenebamur in actu, sed in potentia. Ergo non potest esse nobis voluntarium, nisi in potentia.

6. Transfusio nostrarum voluntatum in Adam, à solo Deo facta fuit, absque nostra cognitione, & consensu. Ergo per illam nõ potest eius peccatum nobis imputari, ut voluntarium. Antecedens patet, quia tunc non eramus, adeòque non poteramus præbere nostrum consensum. Probatur consequentia, cùm peccatum insit peccatori, intrinsecè eius animam, maculans, non potest fieri, absque proprio consensu, per quem voluntas deordinetur à lege Dei; & ideo neque pupillus punitur propter delictum tutoris, neque filius propter iniquitatem patris.

7. Non potest transferri voluntas vnius in voluntatem alterius, absque consensu illius, & facultate reclamandi; aliter

ter esset iniusta translatio, præcipuè cum extensione ad culpam, utpoteque exponeret alium ad evidens periculum peccandi, & damnationis, absque proprio consensu. Sed Deus non potest iniuste operari. Ergo non potuit transferre in Adam omnium voluntates.

1. *Concl. Quamvis peccatum originale sit omnibus per se, & intrinsecè voluntarium, non tamen est voluntarium physicè, & formaliter, sed solum moraliter, & terminatiuè. Est ferè communis inter catholicos.*

Probatur prima pars, illud est per se, & intrinsecè alicui voluntarium, quod dicit intrinsecè, & per se ordinem ad aliquod eius voluntarium formale, à quo causatur. Sed peccatum originale dicit in omnibus, & singulis hominibus ordinem intrinsecum, & per se ad actuale peccatum Adæ, à quo causatur, quod fuit omnibus, & singulis voluntarium formale. Ergo est omnibus, & singulis voluntarium intrinsecè, & per se.

Probatur secunda pars, nostra voluntas non consensit peccato Adæ, ut erat physicè nostra voluntas, sed ut erat voluntas Adæ. Ergo non est nobis voluntarium, per ordinem ad nostram liberam voluntatem physicè talem, eò quia nostra voluntas fuerit semper physicè distincta à voluntate Adæ, cum qua numquam fuit physicè alligata.

Probatur tertia, Non est nobis volun-

tarium hoc peccatum, nisi quatenus voluntas Adæ, ut erat primum caput morale omnium, continebat in se moraliter nostras voluntates - Ergo non est nostrum, nisi quatenus voluntas Adæ censetur nostra. Non censetur autem, nisi moraliter, propter connexionem cum illo, ut capite morali. Ergo non est voluntarium, nisi moraliter.

Probatur quarta, Voluntarium definitur communiter cum D. Tho. 1. 2. q. 6. ar. 1. *Quod est ab intrinseco, cum cognitione finis* ex Phil. 3. ethic. c. 1. dicente, *voluntarium est illud, cuius in se principium continet is, qui scit res singulas, in quibus actio versatur.* Hoc autem aliud est voluntarium formaliter, & consistit in actuali exercitio voluntatis, siue positivo, siue privativo: aliud voluntarium terminativum, & consistit in termino, seu effectu prædicti exercitij, quatenus dicit respectum ad voluntatem, ut sui causam, mediante voluntario formali. Quia tamen hic respectus aliquando convenit his effectibus per se, & intrinsecè, ut sunt actus ab ea elicit, & aliquando extrinsecè, & per accidens, quatenus videlicet de facto ab illa producuntur, cum tamen possent ab alio produci, vel absque eius influxu conservari, ut sunt habitus virtutum, & vitiorum, ideo voluntarium aliud est intrinsecè, & per se, & aliud extrinsecè, & per accidens. Hoc posito, quia peccatum originale non est actuale
exer-

exercitium nostræ voluntatis, ideo non est formaliter nobis, voluntarium. Quia tamen pendet essentialiter à peccato Adæ, quod fuit nobis moraliter voluntarium, ideo moraliter terminatiuè est nobis voluntarium, quatenus consistit in priuatione iustitiæ originalis, quæ vt ab illo causata, est eius effectus, vt dictum est, & ita est eius effectus, vt sit etiam effectus nostræ voluntatis, quatenus videlicet alligata moraliter cum voluntate Adæ, elicit cum illa moraliter primum Adæ actuale peccatum.

Dices, peccatum hoc, est formaliter peccatum. Ergo est formaliter voluntarium. Nego consequentiam, quia peccatum constituitur formaliter, per ordinem ad legem Dei, & ideo dicitur *Factum, dictum, concupitum contra legem æternam Dei*; voluntarium autem per ordinem ad voluntatem. Quia ergo potest aliquid esse formaliter contra legem Dei, licet formaliter non oriatur à voluntate, prout est in se, sed solum prout fuit in sui causa, sicut est originale, ideo est formaliter peccatum, quamuis non sit formaliter voluntarium, sed solum terminatiuè. Præterquamquod posset etiam negari antecedens, quia quidquid sit de originali originante, certè originatum non est formaliter contra legem Dei, sicut neque est peccatum habituale, sed potius est terminus, & effectus operationis, diuinæ legi contrariantis. Ergo non est formaliter

ter

ter peccatum, sed solum terminatiue, si loquamur in rigore scholastico. Et ratio est, quia homo non solum fit formaliter inuisus Deo, & dignus pena, per id quod est formaliter contra eius legem, sed etiam per illud, quod est effectus, & terminus talis contrarietatis. Ergo non totum illud, quod reddit inensum Deo, & dignum pena, est formaliter peccatum, sicut non est formaliter voluntarium totum illud, quod quomodocumque procedit à voluntate.

2. Concl. Quamuis peccatum originale insit omnibus, & imputetur singulis ut proprium, non tamen imputatur singulis, seu habet rationem culpa, proprietate persona, sed solum natura, quatenus videlicet ab instanti conceptionis, omnes sunt membra humane nature, ab Adam propagata. Est communis.

Prima pars patet ex Trid. sess. 5. can. 3. ubi dicitur, *Ad peccatum, quod origine unum est, & propagatione, non imitatione transfusum omnibus, inest unicuique proprium.* Secunda probatur, non potest imputari, nisi in quantum est culpa, & voluntarium. Cum ergo sit solum culpa secundum naturam, & solum terminatiue voluntarium, non potest esse proprium, proprietate personali, sed sola proprietate nature, ut melius mox patebit.

Probatur tertia, ratio culpa sequitur rationem voluntatis. Sed originale non est voluntarium, nisi quatenus singuli ho-
mi-

mines, ut membra eiusdem corporis mystici, subduntur Adamo, tamquam eius capiti morali, cuius proinde voluntas dicitur voluntas omnium, eo modo quo actus communitatis dicitur actus omnium illam constituentium, quamvis proprio arbitrio, & per se ipsos illum non faciant. Ergo originale non est in singulis culpa, ut sunt personæ priuatæ, per priuatam, & propriam deordinationem à lege Dei, sed per deordinationem communem, quæ facta à capite, tribuitur toti naturæ, & à D. Tho. peccatum Adæ, dicitur commune omnium peccatum, ac si omnes homines essent vnus homo, vel conuenirent in vnum, ad illud patrandum.

Vnde patet responsio ad 1. Quamvis enim voluntas Adæ sit nobis physicè extrinseca, tamen est intrinseca moraliter, quatenus fuit voluntas capitis, & naturæ, cuius nos membra sumus. Et ideo peccatum Adæ fuit moraliter nostrum, & nobis imputabile, non quidem ut personale Adæ, sed ut naturæ, modo mox explicato.

Ad 2. Nego maiorem. Et ratio est, quia non purè patimur quod actiue moraliter facimus. Vnde corrumpitur paritas passivæ percussione, ad quam percussus nullatenus influit. Quod autem actiue influamus moraliter, ad priuationem iustitiæ originalis, adeoque ad ipsum originale, facile probatur ex eo, quia consensimus cum capite ad peccatum, posito quod
Adam

Adam acceptauerimus in nostrum caput morale, vnde nobis facta est debita iustitia originalis, quæ solo peccato poterat impediri, & ideo eius carentia in nobis est priuatio formæ debitæ.

Ad 3. Salmaticenses negant minorem, cum D. Tho. q. 4. de malo ar. 1. Eorum fundamentum est, quia licet de facto verbis contumeliosis, nulli à nobis exprobretur peccatum originale, quod omnes contraximus, tamen posset exprobrari; immo dicunt, penam positiuam morborum, ærumnarum, & mortis esse exprobrationem, à Deo nobis assiduè factam. Sed hæc doctrina mihi non probatur, quia exprobratio non potest cadere, nisi supra id, quod ita fuit sub nostra libera potestate, vt potuisset liberè omitti. Peccatum autem originale, neque fuit formaliter sub nostra libera potestate, neque potuit à nobis liberè omitti. Ergo non est nobis exprobrabile. Et ideo D. Tho. in loco cit. ait, quòd si hoc peccatum referatur ad personam, ex defectu voluntarij, non habet increpationem, sicut habet, si referatur ad naturam, quod idem est, atq; esse increpabile tantum in capite, in quo fuit cum actuali, & formali voluntario, non autem in membris, in quibus inest, vt purus illius terminus, cum solo merito pænæ damni. Relicta igitur huiusmodi responsione, distinguo maiorem, omni peccato debetur increpatione, si sermo sit de actuali, concedo: si de habituali, & sub-

subdistinguo, si sermo sit de eo quod dicit respectum ad actuale prateritum, formaliter liberum, & physicè voluntariū, concedo: si de eo, quod dicit respectum ad actuale, moraliter tantum voluntariū, nego maiorem. Et admissa minori, distinguo consequens, non fuit voluntarium physicè, & formaliter, concedo: moraliter, & terminatiuè, nego consequentiam. Et hæc est ratio, cur non transfundatur in posteros, ipsum actuale Adæ peccatum, sed solum eius habituale, ut dictum est.

ARTICULVS VI.

Soluuntur reliqua argumenta contraria.

AD 4. Nego antecedens. Ad cuius probationem dico, in Adamo per prius fuisse esse tale suppositum, quam esse caput morale; & ideo quia actiones suat suppositorum, eius peccatum actuale prius infecit personam, quam naturam, ita ut quatenus inficiens naturam, esset capitale. Peccatum verò originale, quod est eius terminus, prius inficit naturam, quam personam, quia non est aliquid positium per modum actus, sed priuatium per modum habitus, per quod ipsa natura malè disponitur habitualiter, ex vi carentiæ iustitiæ originalis, per rebellionem carnis à spiritu.

Ad

Ad 5. Distinguo minorem, non continebamur in Adam in actu, physicè loquendo, concedo: moraliter, nego minorem, & consequentiam. Quamvis enim purè physicè, solàm virtualiter continebamur in Adam, quatenus videlicèt eramus in eius virtute generatiua; moraliter tamen ita continebamur, ac si præsentes illi consensissemus, adeòque in actu, & non in potentia. Et ratione huius moralis continentiae, actio Adæ, quæ fuit in se physicè formaliter immanens, & solàm virtualiter transiens, facta est formaliter transiens, transeundo ad omnes, & singulos posteros, moraliter loquendo; non quòd ille actus numero sit in nobis, vt sumus in nobis extra Adam, sed quòd eius terminus sit in nobis, nempe carentia iustitiæ originalis, ratione infectionis totius naturæ in capite, quæ proinde non potest, nisi infecta, ad membra descendere. Hæc autem infectio, quando membra erant solàm virtualiter in capite, in eo solo producebat suum terminum; quando verò hæc membra, per realem discretionem à capite, sunt in seipsis, producit etiã in illis talem terminum, qui cùm sit priuatiuus, vt omnibus communicetur, satis est, quòd iustitia originalis, quæ est perfectio illi opposita, per caput posteris communicanda, auferatur ab ipso capite.

Ad 6. Nego consequentiam. Ad cuius probationem dico, verum esse, requi-

iri ad proprium peccatum, aliquem
oprium consensum inordinatum, in
tamen genere, in quo est peccatum.
um ergo peccatum originale non fue-
t proprium personale, sed naturæ, non
quiritur ad eius contractionem con-
sus proprius personalis, per volunta-
m individuum, sed sufficit consensus
pitis, in quo quia fuerunt alligati con-
sus omnium membrorum, omnia hæc
ossunt moraliter suum proprium con-
sum recognoscere, & censentur cum
lo consensisse. Ad paritatem tutoris, &
ij, respondeo hic non valere, quia
im homines non habeant potestatem,
si ad actus externos, non possunt vnire
iorum voluntates, in ordine ad pecca-
um, aliosque actus internos, sicut habet
Deus, qui cum sit perfectissimus dominus
nnium voluntatum, quarum motus, &
ctus eminenter in se continet, potest pro
o libito eorum aliquas in vnum collig-
re, etiam in ordine ad peccatum, quod
im fiat per auersionem ab ultimo fine,
re formali, vt est mortale, siue disposi-
uè, vt est veniale, potest à Deo fieri, vt
tratum ab vno, tamquam aliorum ca-
te, etiam alijs imputetur, eo quia ad ip-
m spectet ordinare omnium voluntates
vltimum finem, & disponere quidquid
luerit circa talem ordinationem.

Dices, ergo potest Deus alligare meā
lūtatem, cum voluntate cuiuslibet ma-
ni peccatoris, meque cum illo peccan-

te,

te, etiam nescium, & inuitum damnare, propter illius peccata mihi imputata, eò quia Deus sit perfectissimus dominus omnium voluntatum, quas eminenter continet, & hæc alligatio non sit aliquid physicum, sed morale.

Nego consequentiam. Ad cuius probationem dico, verum esse, hanc alligationem esse aliquod morale, utpote dependentem ex libera Dei ordinatione, non tamen esse purè morale, sed includere etiam aliquod physicum, ut fundamentum ipsius, nempe quòd illę voluntates, quę cum alia alligantur, aliquo modo in illa physicè contineantur, ita ut vnum suppositum physicè loquendo sit aliud, saltem, virtualiter, sicut effectus aliquo modo est causa, in quo virtualiter continebatur, & per cuius esse participationem existit. Vnde sequitur, non posse nunc Deum, alligare meam voluntatem cum voluntate Caij, quia cum non sit meus pater, eius voluntas neque formaliter, neque virtualiter est physicè mea. Contra verò voluntas Adę, ut primi capitis physici, est virtualiter mea voluntas, quatenus in illo continetur virtus physica, mihi communicandi suam naturam, in qua est talis voluntas.

Urgebis, voluntas est in anima, & non in carne. Cum ergo anima non communicetur, neque potest illa voluntas communicari, & per consequens physicè loquendo, neq; virtualiter voluntas Adę est mea voluntas.

Resp.

Resp. voluntatem esse immediatè in potentia animæ, & mediatè in carne. Cùm ergo caro communicetur, communicatur atura, per quam ego aliquo modo sum Adam, adeòque virtualiter communicatur voluntas, per virtuales identitates aturæ communis utrique. Verùm de hoc infra, cum agemus de modo, quo propagatur originale.

Dices 3. Ergo saltem potest Deus cōnectere filiorum voluntates, cum voluntate patris, ut huius crimina illis impuntur.

Concedo consequentiam de potentia, soluta, aduersus Salmaticenses illam, negantes. Et ratio est, quia ita se habent filij respectu proximorum parentum, sicut omnes homines respectu Adæ. Sed in ratione originis, potuerunt cum illo moraliter alligari. Ergo & filij cum proximis parentibus, quos potuit Deus conituere caput morale filiorum.

Dices 4. Si valeret hæc ratio, etiam peccata Adæ transfunderentur in poteros, qui cùm sint virtualiter Adam, cōnitiunt cum illo ad omnes eius actiones. Ilego sequelam, quia cùm Adam in ordine ad alia, non fuerit caput morale, peccata fuerunt suppositi, & non naturæ. Cùm ergo suppositum non communicetur, neque illa communicantur.

Ad 7. Nego consequentiam. Et dico, ad talem voluntatum translationem, in voluntatem Adæ, fuisse virtualiter,

liter, & interpretatiuè consensum omnium posterorum; & ideo non solum non fuisse iniustam, ratione maleficij, sed potius fuisse iustissimam, & prudentissimam, ratione maximi beneficij, ex illa posteris deriuantis. Si enim fingamus, omnes posteros tunc tali pacto fuisse presentes, utique ad illud consensissent, in quo omnibus proponebatur, eleuatio ad ordinē supernaturalem, & possessio iustitiæ originalis, omnibus transmittendæ, sub ea sola conditione, quòd Adam obediret præcepto facillimo, cum erat remotus ab omni occasione peccandi, & adutus tot auxilijs, etiam supernaturalibus, illi cum iustitia originali communicatis, per quam ratio subdebatur Deo, inferiores vires rationi, & corpus animæ, vt obseruat D. Thom. q. 4. de malo ar. 1. Deus ergo vt supremus omnium voluntatum arbiter, potuit supplere defectum talis formalis consensus (quem omnes utique libentissimè præstitissent, si fuissent presentes) per eorum consensum virtualem, & interpretatiuum, adeoque tamquam ab omnibus approbatam, huiusmodi facere voluntatum alligationem, cum voluntate Adæ, & habere pro approbato, quod non solum omnes approbassent, sed vt prudenter operarentur, debuissent approbare.



DISPVATIO II.

De Propagatione peccati originalis.



Isputandum hic esset, an omnes deriuantes ab Adam, contrahant peccatum originale? Sed quia in I. ar. huius disputationis probauimus, omnes Adæ filios illud con-

trahere, videndum hic esset, an detur aliqua exceptio ab hac lege vniuersali? De Christo Domino non potest esse quaestio, quia cum non fuerit conceptus per coniunctionem seminum viri, & feminae, sed virtute Spiritus sancti, superuenientis in Beatissimam Virginem, ideo tota quaestio reducitur ad ipsam Dei Genitricem, scilicet qua quaeri primò possit, an contraxerit peccatum originale? Et deinde in saltem habuerit debitum, illud contrahendi? super quibus paraueram hic specialem disputationem, in qua vtramque

que quæstionem enodare sufficienter conabar. Quia tamen in earum exactione, ingentes, &que subtiles, & prolixæ occurrunt difficultates, quæ longiorem requirunt indaginem, ideo illam remitto ad proprium tractatum, quem hac super re, Deo fauente, præstabo suo tempore, si per vitam li-
cuerit, à quo prò nunc,
iustis de causis abstinendum iudicaui.





DISPV TATIO III.

De Causis peccati originalis.



EXaminabimus primò, an primum peccatum actuale Adæ, fuerit causa physica nostri peccati originalis? Deinde, an etiam fuisset, si seruato præcepto de pomo verito, ad peccatum patrasset? 3. An si sola peccasset, transfudisset in posteros originale peccatum? Vbi an transfunderetur in genitos miraculosè? 4. An peccata proximorum parentum transfundantur in filios?



D

AR.

ARTICVLVS I.

*An primum peccatum actuale Adæ
fuerit causa physica nostri pecca-
ti originalis ?*

V Idetur non fuisse, vt propugnant Vasquez, Curiel, Zumel, & alij dicentes, esse solùm causam moralem. Primò quia peccatum Adæ nunc non existit. Ergo non potest physicè aliquid in nobis efficere, cum non ens nihil possit efficere. 2. Effectus moralis non potest à causa physica deriuare. Sed peccatum originale, cùm nihil sit aliud, quàm priuatio iustitiæ originalis, est aliquid purè morale. Ergo non potest fieri à peccato Adæ, vt causa physica. 3. Quod procedit ab alio, mediante eius liberà voluntate, est effectus moralis, & non physicus, qui solùm procedit ex principijs intrinsecis, & essentialibus naturæ operantis. Sed originale procedit ex Adam peccato, mediante eius voluntate, qua voluit spoliare omnes suos posteros iustitia originali. Ergo procedit ab illo, tamquam à causa morali, & non physica. 4. Non potest aliter traduci peccatum, quàm traduceretur iustitia originalis, si Adam non peccasset. Sed ad illam traducendam non fuisset Adam causa physica. Ergo neque ad traductionem origi-
na-

alis. 5. Causa moralis est illa, quæ peratur demeritoriè, mouendo voluntatem alterius. Sed peccatum Adæ mouit Deum, ad auferendam ab illo, & postea iustitiam originalem. Ergo est causa moralis talis priuationis, in qua consistit formaliter peccatum originale. 6. Peccatum Adæ est solum causa nostri peccati originalis, ex diuina ordinatione. Ergo non est causa physica, sed moralis.

Prò resolutione, aduertendum est, dupliciter posse considerari peccatum originale, nempe quatenus habet rationem culpæ, & quatenus habet rationem pœnæ. Hic ergo agemus de illo, ut est culpa, & in alio articulo, ut est pœna.

Concl. Peccatum originale, quatenus est culpa, prouenit à peccato Adæ, tamquam causa principali physica efficiente, & non morali. Est in terminis Salmat. disp. 14. ub. 2. n. 61. D. Bonau. in 2. d. 31. ar. 1. q. 1. Aluarez de auxilijs lib. 6. disp. 44. n. 18. & aliorum, cum D. Tho. 1. 2. q. 83. ar. 1. in corp.

Probatur 1. Quidquid existit in rerum natura, quod prius non erat, debet habere suam causam principalem, à qua uenit. Ergo etiam peccatum originale. Sed talis causa non potest esse puer, in quo fit, neque proximi parentes, ut omnes fatentur. Ergo solum est Adæ peccatum, ut docet Aug. lib. 2. de nupt. & concup. cap. 26. dicens, *voluntarium pec-*

catum primi hominis, est causa peccati originalis. Quod autem hæc sit causa physica, & non moralis, probatur, quia causa moralis non causat, nisi mouendo alterius voluntatem; peccatum verò Adam per suam vim intrinsecam, præbet concursum, & influxum sufficientem in posterorum originale. Ergo est causa physica illius, & non moralis.

2. Omne voluntarium est ab aliqua voluntate, tamquam à causa efficiente physica principali, ut patet ex eius definitione. Sed originale est posteris Adæ voluntarium, saltem terminatiuè, ut dictum est disp. i. ar. 5. Ergo est à voluntate Adæ, tamquam à causa physica, operante per suum actum prauum, veluti per voluntarium formale, cum alia voluntas nobis intrinseca assignari non possit.

Dices, hoc originale est aliquod priuationum, connotans peccatum Adæ, unde nobis resultat. Ergo ad illud sufficit influxus moralis. Nego consequentiam, quia cum tale peccatum non gignat in nobis culpam originalem, mouendo alterius voluntatem, à qua physicè fiat, per se ipsum illam efficit, quod sufficit ad rationem causæ physicæ. Quod autem etiam priuationes habeant suam causam physicam efficientem, saltem indirectam, patet ex eo, quia priuatio caloris fit à producente frigus, & priuatio lucis fit à ponente obijcem irradiationi solari, &c.

de

e quo infra. Peccatum ergo Adæ non est purum connotatum extrinsecum, sicut est respectu penitentiae ipsius, sed est etiam causa physica, quia verè influit, eo modo, quo potest influi in priuationes.

Urgebis, peccatum Adæ non fuit nobis physicè voluntarium, sed solum moraliter, quia non fuit à voluntate nobis physicè inhaerente, sed solum moraliter, uatenus videlicet reputata est nostra, & vi pacti diuini. Ergo non influit in nostram culpam, nisi moraliter. Nego consequentiam. Hoc enim nostrum voluntarium morale, physicè procedit à voluntate Adæ, tamquam capitis, respectu cuius est voluntarium physicum, & non morale, quia est verus actus ipsius, utatus noster.

3. Ita se habet peccatum actuale capitis moralis, ad originale membrorum, sicut in ipsis membris actuale ad habituale. Sed in nobis peccatum actuale physicè causat habituale, per physicam expulsionem gratiæ. Ergo etiā illud physicè causat in nobis peccatum originale, per physicam expulsionem iustitiæ originalis, sicut & in ipso Adamo, tamquam in capite, causauit eius originale personale.

4. Sicut in naturalibus perfectio, seu effectus principij proximi physicè communicantur effectui (nam oculus prauus communicat prauitatem visioni, & crus laudum facit claudicationem) ita se-

men Adæ vitiatum peccato, communicat physicè proli tale vitium, nempe priuationem iustitiæ originalis, ex contracto defectu illius virtutis supernaturalis, per quam posset iustitiam communicare.

Ad 1. Distinguo antecedens, peccatum Adæ non existit moraliter in diuina abominatione, quoadusque à nobis per baptismum retractetur, nego: non existit physicè, & subdistinguo, non existit formaliter, concedo: non existit virtualiter in semine infecto, & priuato virtute illa supernaturali, communicandi iustitiam originalem, nego antecedens, & cum illo consequentiam. Siquidem, hæc existentia virtualis actualis sufficit, ad hoc vt possit in nobis physicè causare peccatum originale. Quod si quæras vbi illud existat, antequàm formetur semen? Dico, existere in ipsa carnis infectione, & concupiscentia habituali parentum proximorum.

Ad 2. Nego maiorem. Nam sicut gratia, & gloria, quæ sunt aliquid physicum, possunt à meritis moraliter causari, & pœna à demeritis; ita aliquid morale potest ab alio physicè causari, vt defecto malitia peccati actualis, quæ est aliquid morale, physicè causatur à voluntate peccantis. Præterquamquod nō ita facile concesserim, priuationem iustitiæ originalis esse aliquid purè morale. Cū enim excludat iustitiam, quæ erat forma aliqua physica positiua, licet
su-

supernaturalis, utique eius priuatio debet esse physica, & non moralis.

Ad 3. Nego maiorem, alioquin neque peccatum actuale physice à nobis causaretur, quod est contra omnes.

Ad 4. Nego minorem, cum ipsis Salnat. disp. 14 lib. 3. n. 119. dicentibus, *Etiā iustitia originalis traduceretur aliquo modo efficienter physice, per seminalem propagationem, descendentem ab Adam.*

Ad 5. Distinguo minorem, peccatum Adæ mouit Deum, ad auferendam iustitiam originalem, quatenus hæc ablatio licet rationem culpæ, & voluntarij respectu nostri, nego: quatenus dicit rationem pænæ, & negationem diuini concursus, ad traducendam iustitiam, concedo. Et distinguo consequens, peccatum Adæ est causa moralis nostri peccati originalis, ut est nostra culpa, nego: et est pænâ nostræ culpæ in Adamo parata, concedo consequentiam, ut melius patebit ar. sequenti.

Ad 6. (quod tanti fit à Gibbone, ut lo solo conuictus, abierit in aduersam opinionem.) Nego antecedens. Quamvis enim ex diuina ordinatione factum est, ut omnes haberemus voluntatem alligatam in Adam, non tamen ex illa habuimus, ut peccaremus in Adam. Quia ergo à sola voluntate Adæ, per quam ipse peccauit, habuimus ut posita alligatione nostrarum voluntatum in ipso, peccaremus in ipso, ad summum diuina

ordinatio fuit causa remota, & per accidens propagationis peccati originalis, quæ vnā agnoscit causam physicā, proximā, nempe Adæ peccatum, quod si non fuisset, non obstante qualibet ordinatione diuina, vt eius primum peccatum transfunderetur in posteros, hæc transfusio sequi non potuisset, sicut non est secuta transfusio iustitiæ originalis, quia Adam sibi illam non conseruauit.

ARTICVLVS II.

An peccatum originale, vt est pena peccati Adæ, sit eius effectus moralis?

Videtur 1. non esse, quia meritum, & demeritum versantur circa idem obiectū. Ergo sicut Adam per obseruantiam diuinæ legis, non meruisset nobis iusticiam originalem, in statu innocentiae, ita neque nobis demeruit eius priuationem, in statu naturæ lapsæ, per eius inobseruantiam actuale. Ergo non est causa demeritoria poenalitatum; vel si concedatur esse, videtur concedendum, quod fuisset etiam causa meritoria nostræ iustitiæ originalis.

2. Ita nostra iusticia depēdebat ab obseruantia Adæ, sicut nostrum originale ab eius inobseruantia. Sed eius inobser-

antia fuit causa demeritoria nostri originalis, quantum ad penalitatem. Ergo ius obseruantia fuisset causa meritoria nostræ iustitiæ originalis. Quod si ne-
etur, neque eius inobseruantia fuit cau-
sa moralis nostri peccati originalis, vt
sit eius pœna.

3. Inobseruantia fuit nostra, etiam vt
emeritoria. Ergo etiam debuisset esse
nostra obseruantia legis, vt meritoria;
alioquin alligatio nostrarum voluntatum
um voluntate Adæ, fuisset nobis iniu-
iosa, quia per illam potuissimus deme-
eri, non tamen mereri, quod videtur
absurdum. Vel ergo, quia demeruimus,
potuissimus mereri per actum oppositum,
vel quia non potuissimus mereri per ob-
seruantiam, neque demeruimus per in-
obseruantiam Adæ.

Concl. *Peccatum nostrum originale,*
inatenus est pœna peccati Adæ, est quidem
ius effectus, non tamen physicus, sed mora-
lis. Ita D. Tho. 3. p. q. 19 ar. 4. Scotus in
4. d. 32. ar. 2. q. 1. Durand. Suar. Vasq. Al-
varez, Salm. &c.

Probat^{ur} 1. Sicut præmium non da-
tur, nisi propter meritum, ita pœna non
infligitur, nisi propter demeritum. Sed
pueri decedentes absque baptismo, pu-
niuntur pœna damni, quæ est verissima
pœna. Ergo cum in illis non detur de-
meritum personale, debent puniri, prop-
ter demeritum originale, videlicet prop-
ter peccatum Adæ, quod fuit illis inter-

pretatiue voluntarium. Sed hoc non habet rationem causæ physicae, respectu penalitatum, quæ illi correspondent, quia in illas non influit physicè, sed moraliter. Ergo habet rationem causæ moralis tantum, nempe demeritoriae.

Dices, ergo pueri non puniuntur, propter actuale peccatum Adæ, sed propter peccatum habituale originale, quod habent in se; adeoque hoc, & non illud est causa demeritoria penalitatum. Nego consequentiam. Sicut enim per habitum non possumus mereri, ita nec demereri. Pœna ergo debet correspondere peccato actuali Adæ, non autem nostro habituali originali, quod habet rationem puri termini, respectu demeriti, seu causæ demeritoriae talium penalitatum, moraliter permanentis in diuina abominatione.

2. Non potuisset Adam, ut nostrum caput morale, nobis peccare, nisi etiam nobis demerisset. Ergo sicut fuit causa moralis, nempe demeritoria sui peccati originalis, ita fuit, & nostri. Sed suum originale induxit in illum, non solum priuationem iustitiæ originalis, sed etiam passionum rebellionem à ratione, & passibilitatem, mortalitatem &c. Ergo etiam in nobis.

Ad 1. Nego consequentiã Sicut enim possumus nobis demereri primam gratiam, quam tamen mereri non possumus; ita potuit Adam nobis demereri iustitiam

tiam

iam originalem, quam nobis mereri non potuisset.

Ad 2. Nego maiorem. Nam nostra iustitia originalis, dependebat ab observantia Adæ, tamquam à conditione remouente prohibens, seu formam impossibilem, videlicet peccatum inobservantiæ; nostrum autem originale pendebat ab eius inobservantia, tamquam à causa illud efficiente, per remotionem iustitiæ originalis. Ergo non pendebat eodem modo.

Dices, Omnis actus virtutis est meritorius, sicut omne peccatum est demeritorium. Sed observantia, ut erat actus virtutis, fuisset etiam nostra, sicut fuit inobservantia, quatenus fuisset primi capitis moralis. Ergo per illam meruissimus nobis iustitiam originalem.

Nego minorem. Et dico, Adamum, fuisse solum constitutum caput morale, in ordine ad traducendam physicè iustitiam originalem, non peccando, vel ad traducendam eius priuationem, si peccaret. Illa ergo observantia diuinæ legis, non fuisset ipsius, ut primi capitis moralis, nisi inquārum erat vitatio, seu prohibens peccatum, non autem quatenus erat actus virtutis, bonus, & meritorius, quia quoad hoc erat actus personæ, & non naturæ. Ergo, quia secundum moralitatem, non fuisset noster actus, non potuissemus per illum nobis mereri iustitiam originalem, ut melius infra præbit.

Dices, Potuit Adam sibi mereri iustitiæ conseruationem, qua posita, statim nos habuissimus ius ad iustitiam originalem, posito pacto, sub conditione eius innocentiae. Ergo potuit Adam nobis mereri iustitiam originalem.

Distinguo antecedens, potuit mereri de congruo, concedo: de condigno, nego antecedens, & sub eadem distinctione, etiam consequentiam. Cum enim, plures sancti meruerint alijs dona supernaturalia, vt alibi probauimus, cur, & Adā nobis non potuerit mereri iustitiam, ? Quod autem Adam nō potuerit hoc mereri de condigno, probatur, quia donum perseuerantiæ non cadit sub meritum, saltem quoad actum primum, vt probauimus in tr. de prædest., aliter non esset donum Dei, quod gratis datur. Ergo neq; perseuerantia in iustitiā originali, quæ traheret finalem perseuerantiam, licet posset remouere prohibens, vt dictum est.

Ad 3. Nego consequentiam. Tunc enim fuisset nobis iniuriosa hæc alligatio, quando inobseruantia induceret priuationem iustitiæ, & obseruantia non induceret iustitiam, eò quia sicut negatio est causa negationis, ita affirmatio debet esse causa affirmationis. Cum ergo Deus ita alligauerit nostras voluntates cum Adam, vt illo peccante, daret nobis iustitiam originalem, quam non daret illo peccante, licet non datio esset, solum
in

in pēnam peccati, & datio non esset in
præmium innocentia, sed ex mera libe-
ralitate ipsius Dei, hæc alligatio non
uit nobis iniuriosa. Et ratio est, quia
sicet observantia Adæ non fuisset nobis
meritoria, non proinde illa posita, pri-
uaremur aliquo bono, quod si esset meri-
toria, habere possemus, quia adhuc per
illam consequeremur iustitiam origina-
lem.

Dices, nulla est ratio, cur observantia
diuini præcepti, non fuisset Adæ, ut pri-
mi capituli moralis, etiam secundum mo-
ralitatem, fuerit autem inobservantia.
Ergo vel vtraque, vel neutra.

Nego antecedens. Et dico, in pacto
seu quasi pacto diuino cum Adam, non
fuisse consideratum explicitè, & formaliter,
nisi iustitiam originalem, traducen-
dam sub conditione innocentia, vel re-
nouendam sub conditione peccati, nulla
facta mentione, quod innocentia conser-
uaretur, per actum meritorium positium,
vel per puram negationem, seu per actum
non meritorium. Ergo esse meritorium
in tali innocentia, se haberet in tali inno-
cētia, ut aliquid purè materiale, quod nul-
lo modo ingrederetur purificationem
conditionis, sub qua erat per traducem
iustitia propaganda. Exemplum sumitur
ex principe terreno, qui donans castrum
alicui subdito, sub conditione, quod non
rebellet, nihil aliud ab illo quærit, ut
eius dominium transferatur in posteros,
nisi

nisi negationem rebellionis, siue hæc fiat per actum meritorium, siue per puram omissionem, quæ proinde materialiter se habent, ad talis castri manutentionem in tali viro, & translationem in posteros. Moralitas autem peccati, non potuit se habere purè materialiter, quia cùm sit forma impossibilis cum innocentia, sub qua solùm traduceretur iustitia, habet suapte natura virtutem nociuam, per quam demereatur tale donum. Ergo diuersimode se habent.

Quæres, an Adam, seruato præcepto de pomo vetito, si aliud peccatū patrafset, traduxisset illud in posteros? D. Bouau Aegid. Columna, Curiel. Zumel. Gonettus, Durand. & alij respondent affirmatiuè, putantes, quodcumq; primum Adæ peccatum transfundendum in posteros. Ego tamen respondeo negatiuè cum Suar. Amico, Salmerone, Lorca, Gibbone, & alijs. Et ratio est, quia transfusio peccati non poterat fieri, nisi à primo capite morali. Atqui Adam non erat primum caput morale, nisi in ordine ad seruandum, vel violandum præceptum de esu pomi vetiti. Ergo eius tantum inobedientiam poterat in alios transfundere. Probatur minor, institutio Adæ in caput morale, fuit facta à Deo. Sed in sacris litteris non apparet, fuisse factam, nisi in ordine ad pomum vetitum, vt habetur Genes. 2. *In quacumque die comederis ex eo, morte morieris, iuxta*
vna.

unanimem expositionem patrum. Ergo non fuit facta, nisi in ordine ad hoc peccatum. Et hæc est ratio, cur licet commiserit, ante esum pomi vetiti, alia peccata, vt docent D. Tho. 2. 2. qu. 163. Iuarius lib. 4. de opere sex dierum, & Scotus in 2. d. 2. penès Gibbonem disp. 4. dub 3. non tamen fuit punitus, nisi propter esum pomi, vt habetur Genes. 3. Vnde inferitur, quòd si Adam genuisset filios, ante hoc peccatum, illi non contraxissent originale, sicut nec filij ex illis nascituri, post eius peccatum, quia non fuissent in eius lumbis, quando peccauit.

Quæres 2. Quod sit subiectum peccati originalis? Respondeo, subiectum renotum esse omnes homines, per viam seminariam descendentes ab Adam, excepta sola Deipara, & subiectum proximum esse substantiam animæ, vt docet D. Tho. 2. 2. q. 110. ar. 4. Quomodo autem id fiat, patebit infra.

Quæres 3. An alia peccata Adæ commissa post esum pomi, transfundantur in posteros? Respondeo negatiuè, eò quia in ordine ad hæc non habuit dignitatem primi capitis moralis. Sicut ergo non transmisit virtutes morales, quæ illi conueniebant personaliter, ita neque peccata personalia.

ARTICVLVS III.

An si sola Eua peccasset, transfunderetur in posteros originale ? Vbi de genitis miraculose .

Videtur transfundendum, Primò quia dicitur Ecclesiastici 25. *A muliere initium factum est peccati, & per illam omnes morimur.* Sed hoc assimilatur illi, quod ait Apost. ad Rom. 5. *Per unum hominem peccatum in hunc mundum intrauit.* Ergo sicut solo Adam peccante, fuisset originale, ita & sola Eua peccante. 2. Præceptum de non comedendo pomo, factum est utrique. Ergo uterque constitutus est caput morale posterorum. 3. Sola Eua peccante, venisset mors in mundum, docente Apostolo ad Rom. 6. *Stipendium peccati mors.* Ergo & originale, ratione cuius fuit mors comminata. 4. Ideo filij contrahunt originale, quia præfuerunt in Adam peccatore. Sed in tali casu præfuissent in Eua peccatrice. Ergo par ratio. 5. Mater suppeditat materiã in filiorum procreatione, immo ad illam concurrit actiue, ut docuimus in 1. de gener. disp. 3. ar. 10. Sed posito Eua peccato, non posset ab illa suppeditari, nisi materia infecta, & passibilis. Ergo filij nascerentur infecti, passibiles, & mortales, qui sunt effectus peccati originalis. Con.

Concl. *Eua sola peccante, filij non contraherent peccatum originale.* Ita D. Tho. 2. q. 81. ar. 5. & est ferè communis.

Probatur, Eua non fuit constituta, ut morale filiorum. Ergo non potuisset aducere suum peccatum in filios. Consequentia est euidens ex dictis. Antecedens probatur primò, quia vir est caput mulieris, ut dicitur ab Apost. Ergo si ex se non habet caput morale, non potest esse filiorum. Deinde non decuit constitui duo capita moralia. Ergo cum dignior esset Adam, ipse solus fuit. 3. Femina non est primus motor in generatione filiorum, cum debeat ipsa à viro moueri, ut diximus loc. supra cit. Ergo non decuit constitui eorum caput, quod dicitur primum mouens in generatione. 4. Quia prius peccauit, quam Adam. Ergo illa sola peccante, contraheretur originale, dicendum esset, omnes in Eua peccasse, & non in Adam, quod contradicit Apostolo ad Rom. 5. *Per unum hominem peccatum intrauit in mundum, in quo omnes peccauerunt*, denotando virum, & non feminam. 5. Peccatum Adæ non nocuisset, sed tantum sibi, eo quia per peccatum Eux amissemus iustitiam originalem, quod est hæreticum, definiente Triden. sess 5. can. 2. *Siquis soli Adæ prauaricationem suam, & non alijs asserit nocuisse &c. anathema sit.* Ergo solus Adam fuit caput morale omnium.

Ad 1. Nego minorem. Siquidem dictum

cum Ecclesiastici debet exponi de initio secundum tempus, quatenus Eva prius tempore peccauit, non autem secundum causalitatem, quatenus Eue peccatum fuerit causa transfusiva illius in posteros. Dictum verò Apostoli debet exponi de causa transfusiva peccati Adæ, ut primi capitis moralis in posteros. Ergo non assimilantur. Neque obstat, quòd in primo dicatur, nos omnes mori peccato mulieris; nam debet exponi, non secundum physicum influxum, quem præstet in talem mortem, sed solùm secundum occasionem, quam præbuit Adæ, illum suadendo exemplo, & verbis ad esum vetiti pomi, unde omnes morimur. Quare Eva peccauit ut singularis persona, Adam verò ut caput physicum, & morale totius naturæ humanæ.

Ad 2. Nego consequentiam, ex diuersitate modi, quo præceptum respexit vtrumque, cum Euam respexerit ut singulare indiuiduum, & Adam ut caput naturæ. Sicut ergo si vterq; fuisset obediens Deo, solus Adam transfudisset iustitiam originalem, ita cum vterque peccauit, solus Adam transfudit peccatum. Immo si solus Adam peccasset, non tamen Eva innocens transfudisset iustitiam originalem, quam sibi soli conseruasset.

Ad 3. Distinguo antecedens, venisset mors pro Eva, transeat, pro eius filijs, nego. Siquidem potuisset Deus in tali casu sanctificare animas filiorum, & donare
eo-

rum corporibus iustitiam originalem, de haberetur eorum immortalitas, per infusionem utriusque ex Adam innocentem. Neque obstat quod utrique fuerit mors comminata; siquidem uni fuit comminata ut singulari personæ, & alteri ut parti morali.

Ad 4. Dico, non ideo solum filios continere peccatum originale, quia utcumque præsuerunt in Adam, sed quia præsuerunt tamquam in principio activo principali, quod non verificatur de Eva.

Ad 5. Nego consequentiam. Quamvis enim Eva in tali casu, suppeditaret materiam per se infectam, tamen per aditionem seminis virilis purgaretur, sicut ut in actu infusionis animæ rationalis, fœtus quoad animam reciperet gratiam, & quoad corpus iustitiam originalem, prævalente innocentia Adæ, supralicitiam uxoris, in ordine ad prolem. Et ratio est, quia immortalitas, & impassibilitas primi status, non erant ex coactione materiæ (ut docet hic D. Tho.) sed ex iustitia originali. Cum ergo hæc non fuisset amissa, propter solum Eux peccatum, non potuissent deriuare ex illo mortalitas, & passibilitas, nisi forte in ipsam Evam peccatricem, cum filij essent à matre accepturi iustitiam originalem, ut dictum est.

Quæres I. An si aliquis generaretur miraculosè, absque semine decedente, ex lumbis filij Adæ, contraheret peccatum originale.

originale? Respondeo negatiuè, cùm D. Tho. hic q. 81. ar. 4. Et ratio est, quia cùm Adam non concurreret actiue ad generationem talis hominis, non haberet respectu illius, rationem capitis moralis, & ideo non transfunderet in illum peccatum originale, vt probaui de Christo D. in tr. de Incarnatione.

• Quæres 2. An si aliquis generetur humano semine, non tamen per coitum, sed per artem Dæmonis immittentis illud in vuluam feminae, contrahat originale? Respondeo affirmatiue cum Salm. q. 81. ar. 4. Et ratio est, quia talis generatio esset solum miraculosa quoad modum, videlicet quoad applicationem talis seminis, non tamen quoad substantiã, quia tale semen in se esset ab Adam, qui proinde per illud actiue concurreret via seminaria, ad generationem talis hominis. Ergo transfunderet in illum peccatum originale.

Quæres 3. An si femina conciperet virtute alicuius bestiae, eius filius contraheret originale? Resp. quod in tali casu (qui tamen physicè repugnat, vt probaui in 2. de an. disp. 1. ar. 6. concl. 3.) cùm talis filius non esset filius Adæ, non contraheret peccatum originale. Et ideo etiam ex isto capite, loco nuper citato, non admitto physicam, possibilitatem casus.

Quæres 4. An si Deus miraculosè auferat ab aliquo concupiscentiam habitua-

tualē restituendo iustitiam originalem, eius filij contraherent peccatum originale? Resp. negativè cum D. Thom. in 2. d. 31. qu. 1. ar. 2. ad 5. Et ratio est, quia privatio iustitiæ originalis, non est composibilis cum ipsa iustitia. Sed hic homo communicaret filio iustitiam originalem, posito quod esset constitutus caput morale posterorum; aliter in illo sisteret hæc iustitia, vt advertunt hic Salmant. Ergo non posset illis communicare eius privationem, in qua consistit quidditas peccati originalis. Quòd si supponamus, auferri ab illo solam concupiscentiam actualem, eius filius nasceretur cum originali. Et ratio est, quia materiale peccati originalis, non est concupiscentia actualis, sed habitualis. Ergo quamvis illa fuerit ablata, tamen potest hæc remanere in posteros transfundenda; adeoque cum hæc sit effectus privationis iustitiæ originalis, præsupponit in patre peccatum originale, cum ea in filium transfundendum.



ARTICVLVS IV.

*An peccata proximorum parentum
transfundantur in filios ?*

Videntur transfundi, Primò quia quod est proprium causæ proximæ & est ab ipsa, est magis in posteros traducibile, quàm illud, quod est ab alio in illa, & ideò magis calefacit ignis, quàm aqua calefacta. Sed originale est in proximis parentibus ab Adam, & actuale à se ipsis Ergo si possunt illud traducere, multò magis poterunt hoc.

2. Dicitur Exodi 20 *Ego sum Deus zelotes, visitans iniquitatem patrum in filios, in tertiam, & quartam generationem.* Sed nisi traducerentur, non possent à Deo in filiis visitari. Ergo traducuntur. Et ideo videmus in humanis, puniri filios, propter scelera patrum.

3. Non minùs filij præexistunt in proximis parentibus, quàm in Adam. Sed propter præexistentiam in Adam, contrahunt eius peccatum. Ergo etiam propter præexistentiam in proximis parentibus, contrahunt eorum peccata actualia.

Concl. *Peccata proximorum parentum non transfunduntur in posteros.* Est communis, cum D. Tho 1.2.q.81. ar.2.

Probat, quia non traducitur in filios, nisi quod spectat ad constitutionem,
vel

vel perfectionem naturæ, seu speciei, & è conuerso. Sed peccata actualia non spectant ad naturam specificam hominis, sed ad eius indiuiduationem. Ergo non traducuntur. Contra verò quia peccatū originale, cū sit priuatio iustitiæ originalis, eodem modo se habet ad hominem, sicut se habuisset iustitia originalis, cū hac vt afficiens totam speciem, fuisset traducta, etiam eius priuatio traducitur, quia totam inficit speciem. Et hæc est ratio, cur esse musicum, pictorem, &c. non traducatur in filios, quia videlicet est aliquid purè personale, proprio labore partum. Ergo non spectat ad naturam specificam, sicut spectauit obseruantia, vel inobseruantia Adæ, vt primi capitis moralis.


Ad 1. Nego maiorem. Et ratio est, quia quod est proprium causæ proximæ, spectat ad eius indiuiduum, & ideo non est traducibile. Ad eius probationem, nego paritatem; nam calor non spectat ad ignem, secundum indiuiduum, sed secundum speciem, & naturam, quod nō conuenit peccatis actualibus proximorum parentum, quibus peccantibus, non peccat natura humana.

Ad 2. Nego minorem. Et dico cum D. Tho. hic ad 1. filios non puniri, propter peccata parentum, nisi hæc participatur ab ipsis, vel per originem, vel per imitationem; & in hoc sensu debet exponi locus allatus. Ad paritatem de iudicio

dicio humano, Dico, in quantum filios puniri pena priuatiua, propter delicta parentum, nempe exilio, spoliatioue bonorum &c. in quantum hi fuerunt constituti capita moralia illorum, in ordine ad possessionem, & manutentionem talium bonorum; siquidem fuerunt illis collata hæc bona, & omnibus eorum posteris, sub conditione quod non delinquerent. Non purificata autem conditione, & sibi, & posteris illa amittunt, quia censentur omnes consentire tali delicto, posito quod omnium voluntates fuerint alligatæ, cum patrum voluntate quoad hoc.


Ad 3. Nego maiorem, quia in Adam filij præexistunt, non solum ut in primo capite physico, sed etiam ut in primo capite morali. In proximis autem parentibus non præexistunt, nisi ut in capite physico, & ideo non censentur alligasse cum illis suas voluntates. Ergo non est par ratio. Quod si dicas, si filij solum physicè præexisterent in proximis parentibus, non possent ab illis contrahere originale, eò quia contraherēt solum quæ spectant ad physicum, & non ad morale. Distinguo antecedens, non possent ab illis contrahere originale, tamquam à causa principali, concedo: tamquam à causa instrumentali, nego antecedens, & consequentiam. Causa ergo principalis huius translationis est solus Adam, qui media generatione per proximos parent,

rentes, traducit in posteros originale.
Sicut ergo ignis potest calefacere, mediante calore à se producto, existente subiectiuè in aqua, ita & Adam potest inficere naturam posterorum, mediante infectione à se inducta, existente subiectiuè in semine proximorum parentum, tamquam eius causa materiali instrumentali.



E

DI-



DISPUTATIO IV.

De Modo propagationis illius.



Idimus, peccatum actuale Adami esse causam efficientem principalem nostri peccati originalis (eo modo quo priuationes causari solent,) physicam in ordine ad culpam, & moralem in ordine ad eius poenalitatem. Videndum nunc superest an, & quomodo utrumque per semen praestet.



AR-

ARTICVLVS I.

*An semen Adæ attingat, ut causa
peccatum originale ?*

Videtur quòd non, Primò quia per hoc quòd semen Adæ post eius peccatum, amiserit illam virtutem supernaturalem, per quam poterat communicare iustitiam originalem, non sequitur, nisi quòd non habeat talem virtutem. Ergo cum non adquisierit oppositam virtutem, non sequitur quòd possit propagare originale, eò quia amissio vnius, non sit acquisitio alterius.

2. Semen est aliquod purè materiale. Ergo cum peccatum originale sit macula spiritualis, non potest vllò modo fieri à semine.

3. Nullum extrinsecum potest agere in substantiam spirituales, nisi per illapsu. Sed hic est proprius solius Dei Ergo cum semen Adæ sit extrinsecum animabus posterorum, non potest per illud effici in anima peccatum originale.

4. Si semen Adæ esset causa originalis in posteris, etiam hoc conueniret semini proximorum parentum. Hoc autè non potest asseri; aliter per illud transfunderentur etiam eorum peccata, quod supra reiecimus. Ergo nullo modo est causa transfusionis peccati originalis.

E 2

Con-

Concl. *Quamuis Ada semen attingat originale, in genere causa instrumentalis, nō tamen illud attingit vera causalitate physica, sed solum indirecte, & per resultantiam.*

Probatur prima pars (quam expressè tenent D. Tho. q. 4. de pee. orig. ar. 1. Salmat. disp. 14. dub. 3. n. 69. & communiter alij) quia intantum Adam per generationem propagat in posteros originale, inquantum amisit in suo semine virtutem illam supernaturalem, per quam propagaret iustitiam originalem. Ergo sicut per semen, tamquam per instrumentum, propagasset talem virtutem, ita per idem, tamquam per instrumentū, propagat originale. Probatur antecedens, quia Adam ut primum caput physicum, & morale, habuit à Deo iustitiam originalem, posteris communicandam, sub conditione conseruationis innocentiae. Non potuisset autem illam communicare, nisi per semen, per quod communicaret naturam humanam. Ergo semen attigisset illius iustitiae propagationem, per modum causae instrumentalis. Et ideo ait D. Thom. ibidem *Sicut anima diuinitus infusa, pertinet ad naturam humanam, ab Adam derivatam, propter carnem, cui coniungitur; ita & defectus praedictus pertinet ad animam, propter carnem, quae ab Adam propagatur, non solum secundam corpulentam substantiam, sed etiam secundum rationem seminalem, idest non solum materialiter, sed sicut*

*cut ab ætino principio ; sic enim filius acci-
pit à patre naturam humanam.* Probatur
consequentia, quia Adam vt causa prin-
cipalis , non potuit , nisi medio semine,
tamquam instrumento , alterutrum pro-
pagare .

Probatur secunda (quam propugnant
ijdem Salm. ibid. n. 79.) quia non fit per
semen , causando aliquid in anima , sed
potiùs auferendo aliquid ab ea , nempe
iustitiam originalem , non quidem spo-
liando illa iam habita in se, sed post exi-
stentiam habitam in capite, cùm illam
deberet ponere in anima, loco illius po-
nit eius priuationem, eò quia ipsum se-
men, per quod corpori vnitur sit infectũ,
destitutione illius virtutis supernatura-
lis, per quam propagaret iustitiã origina-
lem. Semen ergo nulla alia ratione pro-
pagat peccatum, quam taliter disponen-
do materiam, informandam ab anima, vt
in ipso primo actu informationis illius,
resultet in anima priuatio iustitiæ origi-
nalis, vt meliùs infra patebit.

Dices , Hæc praua dispositio , quæ in-
ducitur in materiam per semen , per cu-
ius contactum resultat in anima peccatũ
originale , vel est aliquid positium, vel
priuatiuum ? Non primum, quia in pue-
ro nihil est positium, physicè expellens
gratiam, & iustitiam originalem . Neq;
secundũ , quia de eius inductiuo redi-
ret argumentum , cùm priuatio non in-
ducatur, nisi per formæ positivæ expul-

sionem factam per aliquid cum illa impossibile. Ergo non potest explicari propagatio originalis, per talem prauam materię dispositionem.

Resp. talem prauam dispositionem, formaliter sumptā, nihil esse aliud quā priuationem illius perfectionis positiuę, quę resultaret ex iustitia originali, per quam caro perfectē subderetur animę quantum ad esse, & potentię sensitiuę subderentur animę, quantum ad operari. Si verō sumatur materialiter, nihil est aliud, quā ipsum humanum corpus, suapte natura inclinans ad corruptionē, & ad rebellandum ab anima, ratione compositionis intrinsecę ex contrarijs. Posito enim vtroque hoc, resultat in anima priuatio iustitię originalis, sicut resultaret ipsa iustitia originalis, ex opposita corporis dispositione.

Urgebis, perfectio illa, per quam corpus subdebatur rationi, & ratio Deo, erat effectus iustitię originalis. Ergo ex eius priuatione non potest in anima resultare priuatio talis iustitię, cum potius ex huius priuatione, deberet sequi eius priuatio, vt effectus ex causa.

Aliqui cum Salm. dicunt, illam perfectionem non esse effectum iustitię originalis, sed dispositionem ad illam, quam iustitia originalis pręexigit. Sed hoc sustineri non potest. Siquidem redderetur inutilis ipsa iustitia, si antecedenter ad illam, daretur perfecta subiectio corpo-

ris animæ, & huius Deo, ad quam solam admittitur iustitia originalis. Resp. igitur, huiusmodi perfectionem futuram, fuisse dispositionem iustitiæ originalis, quatenus afficiebat naturam humanam, & esse eiusdem effectum, quatenus afficiebat naturam atomam, seu indiuiduam. Sicut enim peccatum originale naturæ, est veluti dispositio ad originale suppositi, quod illud non contraheret, nisi fieret ex natura illo infecta, ita perfectio iustitiæ originalis totius naturæ, præcedit, ut dispositio ad perfectionem suppositi, quod illam non acquireret, nisi fieret ex natura taliter perfecta. Vnde sequitur, quod illius priuatio, ut afficiens naturam, est dispositio, ex qua resultat priuatio iustitiæ, afficiens suppositum, & ut talis, est eius peccatum originale.

Ad 1. Nego antecedens. Quāvis enim per defectum talis virtutis, non acquisierit semen Adæ, vllam virtutem positiuā de nouo, quæ terminetur ad oppositum, tamen acquisiuit aliquam quasi virtutem priuatiuam, per quam potest propagare talis iustitiæ priuationem. Sicut enim, affirmatio est causa affirmationis, ita priuatio est causa priuationis. Sicut ergo perfectio positiuā seminis, erat causa perfectionis positiuæ in effectū, ita eius defectus, est causa defectus, seu imperfectionis in effectū. Atque adeo per tale semen imperfectum, potest indirectè, &

per resultantiam propagari peccatum originale.

Ad 2. Nego consequentiam. Quamvis enim originale non fit formaliter in semine, tamquam in subiecto, tamen est in illo virtualiter, ut in causa, non quidem principali, sed instrumentali, eo modo, quo in illo continetur natura humana, & in statu innocentiae contineretur iustitia originalis, ut docet D. Tho. 1.2.q.81.ar.1.ad 3. inquit, *Est culpa non sit actu in semine, est tamen ibi virtute humana natura, quam concomitatur talis culpa.* Et ad hoc probandum, in 2.d.30 q.1.ar.2.ad 4. utitur exemplo leprosi generantis filium leprosum, *Quamvis enim (inquit) in ipso semine non sit lepra in actu, est tamen in semine virtus aliqua deficiens, per cuius defectum contingit defectus lepra in prole. Similiter ex hoc ipso quod in semine est talis dispositio, qua priuatur illa impassibilitate, & ordinabilitate ad animam, quam in primo statu corpus humanum habebat, sequitur quod in prole, qua est susceptiva originalis peccati, efficiatur in actu peccatum originale.*

Dices, si peccatum esset virtualiter in semine, faceret illud peccaminosum, sicut ignis dicitur calidus, quia habet virtualiter calorem. Consequens est falsum, cum denominatio peccaminosi, non possit cadere supra subiectum irrationale. Ergo & antecedens.

Ne-

Nego sequelam maioris, propter rationem adductam in argumento, quod videlicet denominatio peccaminosi, non possit cadere, nisi supra subiectum capax culpæ, & pænæ. Et ideo D. Tho. in 2. d. 31. q. 1. ar. 1. ad 4. docet, *Quia per peccatum primi hominis, infectio subsecuta est in tota natura humana, ideo ubi inuenit subiectum susceptivum culpæ, habet rationem culpæ in actu, sicut in puero iam nato; ubi verò hoc non inuenit, sicut in semine, manet in tali infectione virtus culpe, ut sic causa culpæ esse possit.* Vnde non desunt qui admittant, semen taliter infectum, posse verè dici peccaminosum virtualiter, seu causaliter, sicut sol est virtualiter calidus,

Ad 3. Nego maiorem, quæ non potest habere locum, nisi in ordine ad effectum positivum, qui efficiatur directè, & propriè, tamquam verus effectus, per veram causalitatem. Ergo non est vera, in ordine ad effectum privativum, qui non fit vera, & propria actione, sed potius indirectè excludendo formam oppositam, & per resultantiam. Quia ergo potuit Adam suo peccato, priuare totam naturam iustitia originali, & per influxum sui seminis, facit quod anima formaliter, & actu fiat pars talis naturæ, illam trahit in partem communis corruptionis, cum fieri non possit, quod fiat pars naturæ, quæ tota est corrupta, & illa non corrumpatur

Ad 4. Nego sequelam maioris. Et dico, semen proximorum parentum attingere quidem originale purè materialiter, non tamen effectiue. Et ratio est, quia hoc semen ita concurrit ad originale, sicut aqua feruens ad calefaciendum. Sed hæc neque concurrit effectiue, vt causa principalis, neque vt causa instrumentalis, sed solum vt pura causa materialis, quatenus videlicet recipit in se calorem, per quem ignis calefacit. Ergo neque semen ad hoc peccatum. Minor, & consequentia sunt euidentes. Maior probatur, quia hoc semen non concurrit, nisi vt subiectum illius infectionis, per quam Adam propagat peccatum originale, eo modo, quo esset subiectum illius virtutis supernaturalis, per quam in statu innocentie propagaret iustitiam originalem. Hoc ergo semen habet quidem rationem instrumenti, si referatur ad Adam, non autem si referatur ad suum principium proximum, in ordine ad quod habet solum rationem cause subiectiue, & purè materialis, vt diximus de aqua, respectu caloris ignis.



AR-

ARTICVLVS II.

An semen attingat peccatum originale per unionem animæ cum corpore?

Videtur non attingere, Primò quia antequam anima uniatur cum corpore, non habet iustitiam originalem; adeoque habet eius priuationem. Ergo illam non accipit per unionem cum corpore.

2. Pro eo instanti, quo anima creatur, non potest inquinari, aliter inquinatio refunderetur in creantem; & ideo probabiliter asseritur, angelum in primo instanti non potuisse peccare, quia eius peccatum incæpisset cum eius primo esse. Sed in primo instanti, in quo creatur, unitur corpori. Ergo in primo instanti talis unionis, non potest contrahere peccatum originale; atque adeo illud non contrahit per contactum corporis.

3. Si anima inficeretur per unionem ad carnem infectam, tamdiu anima remaneret infecta, quamdiu remaneret cum illa unita. Sed hoc est erroneum, quia post baptismum, remanet unita, absque infectione originali. Ergo & antecedens.

Concl. Semen non attingit peccatum originale, nisi per unionem animæ cum corpore.

pare, & ideo anima illo non deturpatur, nisi cum primò unitur corpori. Est ferè communis inter catholicos.

Probatur prima pars, eodem modo semen Adæ propagat originale, sicut propagasset iustitiam, si non peccasset. Atqui non propagasset iustitiam, nisi vniendo animā corpori integro, virtute sibi diuinitus superaddita. Ergo neque propagat originale, nisi vniendo animam corpori, destituito tali integritate, per cuius vnionem resultat animæ macula originalis. Anima ergo non vnitur corpori, nisi vi habens talem maculam, nō quidem antecedenter, sed per ipsam vnionē, tamquam per actionem maculatiuam, eo modo, quo per vnionem cum vestibus, resultat corpori denominatio vestiti, & per consequens semen non attingit hoc peccatum, nisi per talem actum vnitiuum, per quem ultimò disponit materiam, vt per eius vnionem, inficiatur eius forma.

Probatur secunda, tunc anima inficitur, cum primum terminat actionem seminalem, per quam constituitur actu hominis membrum. Sed hoc fit per primum contactum, seu vnionem cum corpore infecto. Ergo in illo primo vnionis instanti, anima inficitur, resultando in illam originale peccatum.

Ad 1. Distinguo consequens, illum, non accipit, vt est priuatio formæ sibi possibilis, concedo: vt est priuatio formæ debitæ, nego consequentiam. Et dico.

co, animam non deturpari per puram priuationem iustitiæ sibi possibilis, sicut habebat in statu illo obiectiuo, in quo concipiebatur vt vnibilis corpori, & sicut habuisset in statu puræ naturæ, sed per priuationem illius, vt sibi debitæ, sicut habuit in statu vnionis, in quo facta est membrum, seu pars humanæ naturæ, propagatæ per semen Adæ. Ex quo sequitur, non posse sustineri aliorum responsionem, dicentium ante vnionem inesse animæ negationem iustitiæ, quæ per vnionem transit in priuationem, quæ sola illam deturpat. Siquidem alibi sæpe probauimus, negationem non esse in subiecto. Ergo omnis carentia formæ in subiecto, est priuatio, quæ si sit formæ debitæ, deturpat subiectum, non autem, si sit carentia formæ indebitæ, cuiusmodi sunt gratia habitualis, lumen gloriæ &c. Ergo hoc argumentū soluendum est, non ratione priuationis, & negationis, sed ratione priuationis formæ debitæ, vel indebitæ.

Ad 2. Nego antecedens. Ad cuius probationem nego sequelam, quæ non valet, nisi in ijs, quæ proueniunt homini naturaliter, nō autem in his, quæ illi accidunt liberè, & contingenter, cuiusmodi fuit peccatum originale, quod licet contrahatur in primo vnionis instanti, non tamen potest refundi in creatam animā, neque ad proximè vnientem, sed ad insufficientem liberè corpus, cui fit vnio, sicut est

cui est solus Adā, & posterī illi consen-
tientes. Vnde intulimus in tr. de angelis,
quod etiam in primo suæ creationis in-
stanti peccare potuerint. Neque obstat,
quòd hæc macula incipiat cum primo
hominis esse, quia semper præcedit debi-
tum culpabile in Adam, illam contrahē-
di. Quamvis ergo posset Deus hoc debi-
tum impedire, vt impediuit in Deipara,
quia tamen ad hoc non tenetur, ideo eius
effectus non refunditur in Deum, sed in
eum, qui sua culpa hoc debitum con-
traxit.

Dices, debitum non potest afficere, nisi
suppositum. Ergo non potest intelligi
formaliter inesse, nisi cum primò sit sup-
positum, nempe in primo instanti anima-
tionis fatus. Ergo non præcessit contra-
ctionem culpæ.

Distinguo antecedens, debitum perso-
næ, concedo: debitum naturæ, nego ante-
cedens, & cum illo consequentiam. Cum
enim debitum originalis, contractum,
fuerit per peccatum capitis moralis, to-
tam naturam fecit debitoricem. Atque
adeo inest formaliter in tota natura, qua-
tenus hæc tota virtualiter continetur in
primo supposito, tamquam primo capite
physico, & morali totius naturæ. Quia
ergo suppositum pueri A antequam sit
formaliter in se, præintelligitur esse vir-
tualiter in capite, ex quo per semen de-
fluxit ad suum esse personale, & parti-
culare, ideo præhabuit debitum naturæ,
per

per quod inficeretur, cum primum inciperet esse formaliter in se. Hæc ergo infectio prò primo instanti sui esse, resultat ex debito sui esse in capite, siue quod contraxit in capite.

Urgebis, non potest assignari terminus actionis peccati Adæ, per quam traducitur peccatum originale. Ergo hæc doctrina non subsistit. Nego antecedens. Et dico, eius terminum primarium esse infectionem carnis, ex qua decidit semen infectum, in quo virtualiter continetur priuatio iustitiæ originalis, quæ proinde habet rationem termini secundarij. Ergo peccatum actuale Adæ, immediatè inducit infectionem, in totam massam corpulentam, & deinde per eius propagationem, medio semine ex illa deciso, cum sua infectione, vniendo animam tali carni corruptæ, per aliam quasi actionem, seu resultantiam, efficit in tali anima infectionem spiritualem, nempe priuationem iustitiæ originalis, & hoc propter animæ colligantiam cum corpore, vt docet D. Bonau. in 2. d. 31. ar. 1. q. 3. Et huius rationem affert D. Tho. in 2. d. 30. q. 1. ar. 2. ad 5. quia videlicet anima, vt actus corporis, debet recipi in illo per modum ipsius, hoc est iuxta dispositionem ipsius, vt verificetur illud, *quidquid recipitur, ad modum recipientis recipitur*. Cum ergo in corpore inueniat defectum iustitiæ, qua illud perfectè subijceretur animæ, debet ani-

anima in illo recipi, cum defectu eiusdem iustitiæ.

Ad 3. Nego maiorem, Primo, quia leprosus natus à patre leproso, potest curari à lepra, in quo casu variarentur dispositiones in eius carne, ita ut ubi prius exigebant lepram, deinde exigant eius priuationem. Ita merita Christi, inducendo per baptismum gratiam in animam, cum habitibus virtutū supernaturalium, retundunt deordinationem passionum animæ, & ponunt formā impossibilem cum peccato originali. Deinde ablata causa, remouetur effectus. Cum ergo causa perseverantiæ talis peccati, sit moralis perseverantia peccati Adæ, in diuina abominatione, posita eius retractatione, cessat hæc perseverantia, adeoque peccatum. Demum, peccatum originale dicit, & reatum culpæ in anima, & deordinationem in carne. Reatus tollitur per baptismum, non autem passionum inordinatio. Ergo secundum quod erat in carne, vel in anima in ordine ad carnem, semper remanet, & dicitur fomes peccati, eius remanente vitione cum carne, nisi speciali aliqua prerogatiua, communicetur alicui perfectio iustitiæ originalis, ut docet D. Th. 2. 2. q. 81. ar. 3. ad 2. & mox videbimus, r. seq.

AR.

ARTICVLVS III.

An semper duret in anima peccatum originale ?

V Idetur semper durare , Primò quia cùm peccatum originale consistat in priuatione iustitiæ originalis, non potest auferri, nisi per introductionem talis iustitiæ , tamquam per formam oppositam. Sed iustitia originalis numquam reponitur. Ergo neque tollitur hoc peccatum , adeòque semper durat.

2. Si tolleretur per baptismum , non possent baptizati , illud generando traducere in posteros , cùm nemo det , quod non habet . Consequens est erroneum , quia repugnat Trid. sess. 5. can. 4. Ergo & antecedens.

3. Non potest auferri culpa voluntaria, nisi retractetur . Sed pueri non possunt retractare culpam originalem, quia non habent vsum rationis . Ergo semper manet in illis, etiam post baptismum.

4 Quod non est nobis voluntarium, retractari non potest . Sed originale non est nobis voluntarium , quibus accidit vt furca latroni . Ergo retractari, adeòque tolli non potest.

Concl. Quamuis peccatum originale, non duret in baptizatis , quoad culpam , tamen durat quoad eius poenalitatem.

Pro-

Probatur prima pars ex Trid. sess. 5. can. 4. in quo dicitur, *Siquis per Iesu Christi gratiam, qua in baptismo confertur, reatum originalis peccati remitti negat, aut etiam asserit, non tolli totum id, quod veram, ac propriam peccati rationem habet, anathema sit.* Deinde quia macula, seu culpa peccati originalis, nihil est aliud, quam priuatio iustitiæ originalis, ut nobis terminatiuè voluntaria, resultans nobis ex peccato Adæ, sicut supra statui-
mus. Sed per iustificationem baptismalem, hæc priuatio amittit rationem voluntariæ, quatenus amittit esse terminum, alicuius nobis formaliter voluntarij, cò quia retrahetur consensus in primum peccatum actuale Adæ. Ergo amittit rationem culpæ habitualis. Quia tamen amissa ratione voluntarij, adhuc remanet sub ratione priuationis iustitiæ originalis, ideo hoc peccatum non remittitur quoad totam penam, saltem regulariter loquendo. Unde remanet probata secunda pars.

Dices, non potest eadem priuatio iustitiæ, habere simul rationem culpæ, & penæ, quia penæ ut à Deo inflictæ, est bona, & à Deo volita, non autem culpa. Ergo nō potest in tali priuatione distinguī ratio voluntarij, in qua habeatur formaliter ratio malitiæ originalis, à ratione priuationis iustitiæ, per quam habeatur formaliter ratio penæ, quæ remaneat post culpæ ablationem.

Di-

Distinguo antecedens, nō potest eadem priuatio eodem modo considerata, habere simul rationem culpæ, & pænæ, concedo : diuerso modo, nego antecedens, docente **D. Tho.** q. 1. de malo ar. 4. ad 1. *Idem secundum diuersa, potest esse & culpa, & pœna, non tamen secundum idem.* Et q. 4. de malo ar. 2. ad ult. assignat quomodo in re nostra id possit verificari his verbis, *Quod si carentia originalis iustitiæ, compareretur ad istum hominem, prout est persona quadam, non habito respectu ad naturam, sic est pœna; si autem compareretur ad principium, in quo omnes peccauerunt, sic habet rationem culpæ, videlicet quod hæc priuatio materialiter, & secundum se præcisè considerata, quatenus purè priuat animam opposita perfectione, habet rationem pænæ; formaliter verò considerata, ut voluntaria, seu ut dicens ordinem ad Adæ peccatum, tamquam ad sui causam, habet rationem culpæ.* Atque adeo est à Deo volita, secundum primam formalitatem, non autem secundum alteram.

A 1. Resp. primò negando minorem, cum **D. Tho.** q. 4. de pec. orig. ar. 2. ad 2. *Nam iustitiæ originalis (ut inquit) restituitur in baptismo, quantum ad hoc, quod superior pars animæ coniungitur Deo, per cuius priuationem inerat reatus culpæ; sed non quantum ad hoc, quod rationi subijciantur inferiores vires; ex huiusmodi enim defectu, est concupiscentia, quæ manet post baptismum.* **Resp. 2.** Quod sicut illa priuatio
tio

tio est virtualiter duplex, ita opponitur duplici formæ, quarum vna est iustitia, & alia est gratia. Restituta igitur gratia per baptismum, tollitur eius priuatio, quantum ad hoc, & remanet quantum ad aliud. Resp. 3. iustitiam originalem esse necessariam, ad auferendam hanc priuationem, quoad substantiam suo modò negatiuam, non autem quoad modum, secundum quem habet formaliter esse peccatum originale. Cum ergo per baptismum tollatur solùm ratio peccati, ideo tollitur ab illa ratio voluntarij, remanente ratione priuationis, vt purè talis, sub quo conceptu, est formaliter pœna.

Ad 2. Nego minorem, quia parentes proximi non traducunt originale, nisi purè materialiter, hoc est sub ratione præcisè priuationis iustitiæ originalis, quæ deinde accipit ab Adamo, mediante tali semine, rationem voluntarij, adeòq; rationem culpæ. Hæc autem ratio voluntarij, ita afficit singulos, vt non possit in illis tolli, nisi per propriam retractionem. Quamuis ergo parentes proximi illam à se abstulerint, adhuc tamen illam propagant, in propagatione naturæ, in qua omnes peccauerunt.

Ad 3. Dico, puerum non quidem formaliter, sed virtualiter retractare peccatum, quatenus videlicet virtute baptismi, infunduntur illi gratia, & charitas, quibus eius voluntas, manet habitualiter conuersa in Deum, tamquam in vltimum

munum finem, à quo erat auersa. Est autem impossibile, quòd voluntas habitualiter vnita cum Deo, remaneat in eius abominatione, alioquin simul amaretur à Deo, & odio haberetur. Ergo cum tali virtuali retractatione, non potest in illo remanere culpa originalis.

Ad 4. Nego minorem, cum sua paritate. Disparitas est, quia priuatio iustitiæ, ex vna parte est effectus physicus peccati Adæ, & ex alia, saltem apparenter, dicit hoc bonum, quòd illa priuatus nulli sit subditus, adeoque neque Deo subiectus, & quasi sui iuris, quo bono licet apparenti, potest moueri voluntas ad illam volendam. At furca non potest esse voluntaria latroni, nisi in quantum vult potius illam, quam omittere latrocinia. Hoc verò non sufficit ad rationem voluntarij. Primò quia hæc voluntas quæcumque sit, non influit physicè ad suspensionem illius, quæ est ei omninò ab extrinseco, & violenta. Et deinde quia nullam habet amabilitatem, & appetibilitatem, vnde possit moueri voluntas ad illam volendam, cum potius habeat rationem odibilitatis, ad voluntatem à se retrahendam. Ergo non est par ratio.

ARTICVLVS IV.

*An peccatum originale extinctum
baptismo, peccato actuali
reuiuiscat?*

V Idetur reuiuiscere, Primò quia si tale peccatum semel extinctum non reuiuisceret, nullus contraheret illud, quod fuit extinctum à penitentia. Adz. Consequens est erroneum. Ergo reuiuiscit.

2. Si Deus recens natum infantem non baptizatum redigeret ad nihilum, utique destrueret eius peccatum originale, quod remanere non potest, sine subiecto. Si ergo fingamus, reproduci à Deo talem infantem, utique ut filius Adz. esset filius iræ, adeoque cum originali. Ergo hoc in illo reuiuisceret.

Concl. Originale deletum per baptismum, non redit deinde per culpam actuale. Est communis inter catholicos.

Probatur, quia peccatum originale per baptismum, non solum mortificatur, sed omninò extinguitur, adeo ut homo ex inimico, fiat verus amicus Dei, ut docet Trid. sess. 5. can. 4. vbi damnatur ut hæreticus, quicumque asserit, non tolli totum id, quod veram, & propriam peccati rationem habet. Et asserit rationem quia nihil est damnationis ijs, qui verè con-
se-

sepulti sunt cū Christo per baptisma in mortem. Quod autem est omninò extinctum, non potest reuiuiscere, nisi per vires omnipotentis Dei. Cū ergo Deus non possit producere peccatum, vt est formaliter tale, nempe secundū culpam, neq; potest illud reproducere, vt de actuali probaui in tr. de pēn. disp. 16. ar. 1. Neque valet instantia meritorum, quæ ibidem diximus redire per iustificationem. Siquidem illa peccato non extinguuntur, sed solū mortificantur.

Deinde, tota ratio, quare peccatum Adæ sit nostra culpa, est quia per voluntatem nostram illi consentientem, factum est nobis voluntarium, vt probauimus disp. 1. ar. 5. Cū ergo per retractationē fiat nobis inuoluntarium, nō est ampliū nostrum, & ideo in nobis amittit rationem culpæ. Quamuis ergo per actuale peccatum amittamus gratiam Dei, quia tamen iterum non consentimus cum Adam ad illud peccatum, ideo simus quidem peccatores, per peccatum actuale, non tamen per originale.

Ad 1. Nego maiorem. Ratio est, quia Adam non fecit penitentiam, vt persona publica, & caput morale, sed vt persona priuata, eò quia per primum suum peccatum, amiserit dignitatem primi capitis moralis. Ergo eius penitentia deleuit illud, vt erat ipsi personale, illique soli profuit, cū respectu aliorum remanserit irretractatum, & per consequens eorum

rum culpa, docente D. Tho. lect. 3. in c. 5. ad Rom. *Pœnitentia Adæ delere non potuit peccatum posterorum, quia eius pœnitentia fuit per actum personalem, qui ultra eius personam, non se extendebat.*

Ad 2. Nego antecedens. Et ratio est, quia permanentia habitualis peccati originalis, nō est aliquod physicum, sed morale, quatenus videlicet hoc peccatum permanet in diuina abominatione. Ergo quamvis physicè destruaturs actus peccaminosus, & suppositum, quod dicitur peccator, non tamen perit moralis permanentia talis peccati, in diuina abominatione, quæ adhuc permanet. Atque adeo ut iterum afficiat suppositum reproductum, non est necesse, quod physicè reproducatur, sed per talem permanentiam numquam interruptam, potest in illo physicè producere priuationem gratiæ, & iustitiæ originalis, quatenus potest auertere Deum à collatione vtriusque, donec formaliter, vel saltem virtualiter ipsum retractetur.

Dices, Peccatum Adæ non induceret puero, in casu illo reproductionis, priuationem gratiæ, & iustitiæ originalis, nisi secundum permanentiam moralem in diuina abominatione. Ergo non esset illius causa physica, sed moralis, cum fieri non possit, ut per existentiam moralem causæ, aliquid physicè causetur.

Nego consequentiam. Cum enim existentia causæ non sit eius causalitas, sed

sed conditio ad causandum, potest esse moralis, etiam in ordine ad eius effectum physicum, non quidem positivum, sed privativum. Et ratio est, quia ad physicè causandam aliquam privationem in aliquo subiecto, satis est quòd detur in illo, utcumque, aliquod physicè impossibile, cum forma positiva illi opposita. Sed posita existentia illa morali peccati in diuina abominatione, datur aliquod physicè impossibile, cum gratia, & iustitia originali in tali subiecto. Ergo physicè ab illo expellitur utraq; forma, quia ex natura rei sequitur utriusque privatio.

Urgebis, non potest aliquid morale causare effectum physicum. Ergo cum hæc permanentia sit moralis, non potest physicè causare has privationes. Nego antecedens, cum gratia, & gloria possint moraliter à meritis causari, licèt sint entitates physicę: & malitia peccati, licèt, sit aliquod formaliter morale, physicè causat in voluntate peccatoris, privationem actus virtuosì illi oppositi. Ergo etiam huiusmodi moralis permanentia peccati originalis, potest physicè causare privationes dictas, modo explicato.



ARTICVLVS V.

An, & quandiu detur in nobis debitum contrahendi peccatum originale?

Videtur durare semper in nobis, debitum contrahendi originale, ut contendit Vasq. to. 2. in 3 p. d. 116. c. 5. Primum quia debitum peccati originalis, nihil est aliud, quam relatio passiva ad peccatum Adæ, fundata in natura, seminaliter ab illo propagata, ex se impotente ad non contrahendum originale, & ad non perseverandum sub illo, posita semel eius contractione, nisi obstat gratia. Sed haec relatio durat per totam vitam. Ergo etiam debitum peccati originalis.

2. Posterius Adæ, quantum est ex se, ex vi demeriti illius, sunt obnoxij, non solum contractioni, sed etiam perseverantiae sub peccato originali. Ergo quandiu in illis abest gratia, tamdiu remanet in illis debitum contrahendi illud, & sub illo perseverandi.

3. Debitum pœnæ fundatur in debita culpa, eò quia pœna non possit correspondere, nisi culpæ. Atqui per totam vitam durat debitum pœnæ, debitum originali peccato. Ergo durat etiam debitum ipsius originalis peccati.

Con-

Concl. *Debitum physicum contrahendi originale, non remanet post instans conceptionis, licet remaneat debitum morale, usque ad instans iustificationis exclusivè.*

Probatur prima pars I. debitum physicum consistit formaliter in connexione physica, seu necessitate illationis effectus ex sua causa, ut est illud, quod resultat ex essentia ad suas proprietates, & ex materia disposita ad formam, quod potius dicitur exigentia. Debitum morale consistit formaliter in actione, seu iure, quod acquirit creditor in debitorum, ut est illud, quod resultat ex merito ad primum, & ex demerito ad penam, & ex offensa ad satisfactionem. Hoc posito, post instans conceptionis, tollitur quidem physicum debitum ad peccatum originale, quia cessat vis, & necessitas illud inferendi, quæ in solo primo instanti potest fungi suo munere, eo modo quo transacto primo instanti generationis physice, cessat in materia disposita, exigentia, seu vis illatiua formæ generandæ, quam habuit ex præcedentibus dispositionibus, quamvis defacto non ponatur talis forma, sed alia, impediens Deo formam exigentiam. Cum ergo hæc physica connexio nostri cum Adam, exigat, ut cum primo communicatur nobis eius natura, communicetur ut erat in illo, tanquam in primo capite, transacto generationis instanti, siue de facto illa taliter communicetur, siue mundata,

jam habuit suum intentum, adeoque non
exigit ampliùs illam communicare ; &
per consequens quicumque non incurre-
ret illam maculam talis naturæ, in primo
instanti conceptionis, ob aliquam formam
cum illa impossibilem, nullum aliud
haberet debitum physicum, illam con-
trahendi, eò quia hoc debitum cesset ex
natura sua, transacta illa duratione, per
qua sola habet vim nocendi, & inferen-
di tale peccatum.

Deinde, tamdiù durat debitum phy-
cum in posteris, quamdiù durat vis ac-
tua physica Adæ, ut primi capitis, in
hominibus. Sed hæc non durat, nisi usque ad in-
stanti conceptionis, seu animationis
conclusiue. Ergo illo transacto, non potest
remanere hoc debitum. Consequens
est euidens. Maior patet, eò quia pos-
sunt non connectantur cum Adam, nisi per
generationem physicam, per quam in
dijs proximis parentibus, accipiunt
illo naturam humanam. Minor pro-
bat, Adam non agit physicè in posteris
nisi quamdiù fiant homines, & suæ pa-
triciæ naturæ, disponendo per semen
materiam, quoadusque exigit informari
anima rationali. Ergo infusa anima
rationali in talem materiam, cessat eius
fluxus physicus, & linquit fœtum in
esse singulari, & indiuiduo.

Probatur secunda pars, debitum mor-
tale nihil est aliud, quàm actio illa, quam
Deus acquirit, seu ius procedendi ad
sibi

sus aliquam personam, tamquam sibi infensam, & peccatricem, ex vi primi peccati Adæ, non retractati prò tali persona, adeoque permanentis in diuina abominatione, vt nobis voluntarij, exigentis nobis imputari, donec retractetur. Ergo tamdiù durat, quoadusque prò tali persona retractetur Adæ peccatum. Sed hoc retractatur per iustificationem, saltem virtualiter, cum fieri non possit iustificatio, nisi de peccato retractato. Ergo cessat, & ideo infunditur gratia cum illo impossibilis. Cessante autem peccato, ex quo consurgit hoc debitum, non potest ipsum debitum remanere, vt patet. Ergo hoc debitum non durat, nisi vsque ad instans iustificationis exclusiue.

Dices, debitum morale fundatur in physico. Ergo cum physicum non duret, extra instans conceptionis, neque durat morale. Nego consequentiam. Et ratio est, quia non fundatur in illo, tamquam in subiecto, sed solum tamquam in causa illatiua, & exigitiua. Sicut ergo transacta actione physica, per quam Petrus abstulit à Paulo decem aureos, manet in Petro debitum morale, restituendi ex illa relictum, ita transacta seminali actione Adæ, relinquitur ius in Deo, ad imputandum fœtui, vt proprium tale peccatum.

Urgebis. Ergo quicumque per actionem seminalem deriuat ab Adam, con-

trahit defacto debitum physicum, trahendi originale, adeoque contra ipsum originale. Nego consequens quoad ultimam partem. Sicut enim pis violenter in aere detentus, licet beat debitum physicum descendendo facto non descendit; ita quamvis instanti animationis Deiparæ, fuerit debitum contrahendi originale, non contrahit illud contraxit, quia fuit præservatus consensu ad primum peccatum actum. Adq, ad quem præstandum physicè pellebatur.

Dices 3. Omne debitum remittitur per solam solutionem. Sed ante invocationem, non fit solutio. Ergo neque tollitur debitum physicum. Distingue maiorem, debitum physicum, nego reale, concedo. Et ratio est, quia debitum physicum non est propriè, & rigore debitum, cum sit potius necessitas, & solutio necessaria, & ideo non tollitur per solutionem, sed per naturalem cessationem. Morale autem, quia est verum debitum, ideo non tollitur sine solutione. Ad cuius evidentiam dico, peccatum Adæ, posito quòd abstulerit ab illa stitiam originalem, per semen in poros transfundendam, necessariò reliquit se totum eius semen infectum, & vitium, cui proinde debetur, ut quicumque per illud generatur, contrahat maculam originalem, in instanti conceptionis. que adeo quia hoc debitum non conficitur

in alio, quàm in illa necessitate, quæ resultat in singulis, ad contrahendum originale, ideo est potius illatio necessaria, ex necessaria connexione huius cum illo, quàm verum debitum. Et ideo non debet per solutionem extinguì, sed per elongationem à suis causis, quæ non habent vim nocendi, nisi quando sunt in via generationis, per seminalem actionem, ut dictum est.

Ad 1. Nego maiorem. Quamvis enim talis relatio requiratur, tamen illa non sufficit, sed requiritur etiam vis activa, in ipsis causis, ad inferendum originale. Cum ergo hæc vis extinguatur per iustificationem, extinguitur etiam hoc debitum. Præterquamquòd cum extinguitur Adæ peccatum, solum quantum ad hoc indiuiduum, non potest terminare relationem illam, quam adstruit Vasquez, ut fundatam in tota natura humana.

Ad 2. Concedo totum, quod aliud non probat, nisi quod tale debitum non duret, nisi usque ad instans iustificationis exclusivè, quod ultro concedimus, & est formaliter nostra conclusio.

Ad 3. Distinguo minorem, per totam vitam durat debitum pænæ æternæ, nego: pænæ temporalis, concedo minorem. Cum enim præcipua pænarum temporalium sit mors, non potest eius debitum extinguì, nisi per mortem. Contra verò, quia debitum pænæ æternæ, est pec-

catum Adæ non retractatum, non potest extinguí, nisi per retractationem, siue formalem, siue virtualem, ut dictum est. Ergo posita retractatione illius, cessat eius debitum.

Dices, Remissa culpa, remittitur tota pœna illi correspondens; alioquin adhuc culpa imputaretur ad pœnam, quod pugnat cum eius remissione. Ergo vel non remittitur originale, vel nullum remanet ex illo debitum pœnalitatis.

Nego antecedens. Ad cuius probationem dico, remissionem culpæ consistere, in recuperatione diuinæ amicitiae, amissæ per peccatum. Hæc autem tollit quidem pœnam æternam, impossibilem cum statu felicitatis, debitæ amicæ Dei, non autem debitum satisfaciendi pœnæ temporalibus. Sicut enim Christus Dominus, potuit esse filius Dei naturalis, & mul flagellari, & crucifigi, ob aliena delicta, ita possunt filij Adæ, fieri filij Dei adoptiui per iustificationem, & simul temporalibus pœnis, satisfacere pro suis delictis iam remissis. Prætequamquod pœna temporalis potest etiam exigí, non contracta culpa, ut accidit in B. Virgine in qua fuit exigita mors, ob solum debitum physicum remotum, contrahens peccatum originale.

ARTICVLVS VI.

An si Adam non peccasset, transfunderet physicè in posteros iustitiam originalem?

V Idetur quòd non, vt putant Salm. hic disp. 14. dub. 2. nu. 77. dicentes, Adamum futurum fuisse solùm causam moralem talis transfusionis. Fundamenta possunt esse, Primò quia si Adam per suum semen, tamquam per instrumentum physicum, vt vera causa physica, communicasset posteris iustitiam originalem, eius semen in statu innocentiae, fuisset verum sacramentum. Est autem absurdum, constituere in tali semine rationem sacramenti. Ergo non fuisset vera causa physica talis communicationis. 2. Semen Adæ vel causasset hanc virtutem iustitiæ originalis, per virtutem aliquam naturalem, vel supernaturalem? Non, primum, quia cum talis iustitia fuerit supernaturalis, non potuisset attingi à virtute naturali. Neque secundum, quia hoc non potuisset fieri, nisi per elevationem ipsius seminis, ad modum operandi sibi indebitum, vt accidit aquæ in baptismo, in ordine ad causandam gratiam, quod iterum illud traheret ad rationem

sacramenti, modò impugnata. E nullo modo physicè causasset.

Concl. Si Adam permasset in innocentia, transfudisset physicè in posteros iustitiam originalem. Est ferè communis catholicos.

Probatur, sicut semen Adæ per virtutem naturalem, habet communicandam naturam eiusdem Adæ, ut primi capitis physici, ita per virtutem supernaturalem tamquam instrumentum Adæ, ut primi capitis moralis, communicasset posteris iustitiam originalem, quatenus communicasset eius naturam, ut illa decorata. Ergo sicut posito peccato, transfudisset suam naturam physicè, ut viciatam privatione iustitiæ originalis, ita in statu innocentiae, transfudisset eandem naturam, ut tali iustitia decoratam. Aliter non propagasset suam naturam, eo modo, ut illam sibi conseruasset, vel integram, vel viciatam. Et quia talis virtus supernaturalis, quamvis fuerit gratiosè Adamo collata, tamen posito pacto, fuisset omnino posteris, ut debita communicanda, quam eorum semina, iustitiam originalem generando proli communicarent, non ut instrumenta propria, sed ut instrumenta Adæ, ideo posita eius privatione, et peccatum inducèta, debetur singulis ferè illa affectum, per quod generando communicent proli naturam, destitutam iustitia, adeoque infectam macula originali.

nali. Cùm ergo tale semen physicè propagetur ab Adam in posteros, etiam physicè cum illo propagatur talis priuatio, adeoque peccatum originale in illa consistens, & propagaretur ipsa iustitia originalis, si per peccatum non fuisset expulsa à tali semine, vt sibi repugnantes concludunt Salm. hic disp. 14. dub. 4. n. 131. his verbis, *Adam fuit constitutus caput, in ordine ad illam disjunctiuam, nempe, vel peccando amittere iustitiam originalem, vel non peccando physicè illam traducere.*

Ad 1. Nego sequelam maioris, quamuis non desint, illam, vt verissimam admittentes, de quo suo loco. Et ratio est, quia sacramenta nouæ legis causant gratiam simpliciter, & quoad substantiam; semen verò Adæ in statu innocentia, causasset solum iustitiam originalem secundum quid, & quoad modum vnionis ipsius cum corpore, illam scilicet vniendo cū corpore, quatenus per generationem physicam vnisset animam, non vtrumque, sed vt affectam iustitia originali. Sicut ergo semen non attingit animam quoad substantiam, sed solum quoad modum vnionis cum corpore, ita attigisset iustitiam originalem, & ideo non habuisset rationem sacramenti.

Dices, semen Adæ simpliciter causat peccatum originale, vt eius instrumentum. Ergo etiam causasset simpliciter iustitiam. Nego consequentiam. Primò quia

in ordine ad peccatum originale, quatenus est culpa, non potest Deus habere rationem causæ principalis, & ideo tota habetur ab Adamo. Respectu verò iustitiæ originalis, quia potest Deus habere rationem causæ principalis, non est, & ad illam Adami influxum quæramus. Cuius ergo Adam non eleuauit suum semine ad illam virtutem supernaturalem, quæ nullatenus continebat in se, ita nequaquam ad eius effectum concurrisset, per physicum influxum, sed solum moraliter, quatenus per conseruationem pacti, mouit Deum, ad communicandam posteris, mediante suo semine, iustitiam originale. Deinde quia ad producendum physicum peccatum originale, sufficit quod possit aliquid impossibile cum iustitia, sicut est eius primum peccatū actuale, per cuius præsentiam, tamquam per formam contrariam, repellitur physice ipsa iustitia. Ad ponendam verò physicam iustitiam, requiritur virtus actiua, æqualis perfectionis cum ipsa iustitia, ratione cuius possit præcontineri in ipsa causæ principali, per cuius defectum non posset Adam per modum causæ principalis illam physicè causare.

Urgebis, ergo non est verum, quod Adam in statu innocentie, communicasset physicè iustitiam originalem. Neque consequentiam. Sicut enim Adam non potest physicè concurrere, ad vniendam animam corpori, quam non habet in sua

sua virtute generatiua, ita potuisset ad
 vniendam iustitiam cum corpore, docen-
 te D. Tho. q. 4. de malo ar. 1. ad 9. Ex pecca-
 to primi parentis, destituta est caro eius il-
 la virtute, ut ex ea posset decidere semen, per
 quod originalis iustitia in alios propagare-
 tur, non quidē moraliter, ad quod nō fui-
 set necessarius, ille vigor supernaturalis.
 Ergo physicē, saltem secūdū esse vnionis
 ipsius iustitiæ cū corpore, mediāte anima.

Ad 2. Dico, quòd semen Adæ causaf-
 set physicē hanc iustitiam, per virtutem
 illam supernaturalem, quam tradidit illi
 Deus, ut alijs communicandam, sub con-
 ditione innocentiae conseruandę ab ipso
 Adam; non tamen proinde fuisset eleua-
 tum ad rationem sacramenti, quia non ef-
 fecisset illam iustitiam, neque gratiam,
 inde cōsequentem, nisi secundum modum
 vnionis cum corpore, ut dictum est.

Dices, quia anima non fit à generante
 quoad substantiam, sed solū quoad v-
 nionem, non est ex traduce, neque pro-
 pagatur per semen. Ergo neque illa iu-
 stitia, si solū fieret per semen quoad v-
 nionem. Nego consequentiam. Dispari-
 tas est, quia ad animas posterorum, neq;
 habet Adam virtutem naturalem, ueque
 supernaturalem, cū sint extra terminum
 adæquatum rerum generabilium. At ex
 vi patti cum Deo initi, quia erat caput
 morale posterorum, habebat virtutem
 supernaturalem, ad illam iustitiam poste-
 ris transfundendam, vel loco illius, pec-
 ca-


catum originale. Deinde anima, cum aliquid in se indiuiduum incommunicabile, non potest alijs communicari ea numero, sed debet in singulis multiplicari, adeoque vt communicetur pluribus debet effici quoad substantiam. Iustitiam verò originalis habebat rationem cuiusdam veluti metaphysicè vniuersalis, omnibus participabilis, adeo vt eadem essentialiter, absque sui multiplicatione poni posset in pluribus, & ideo quia tenebatur ad naturam, continebatur in carne, vt aliquid ab illo membrum communicabile. Demum, vnio animæ cum corpore, solum fit ad exigentiam dispositionis, ex parte materiæ. At vnio iustitiæ cum corpore, fit ad exigentiam ipsius Adæ, minis, quod vt pote proueniens ab ipso tamquam à primo capite morali, exigat vt per ipsum non transfundatur natura nisi quatenus affecta iustitia, vel eius participatione. Atque ideo alterutra communicetur cum natura, per traducem communicatur, licet animæ hoc non conueniat.

Urgebis, Tota hæc doctrina fundatur in hoc, quòd Deus pepigerit cum Adam vt si permaneret in statu innocentie, non solum conseruaret sibi iustitiam originale, illi gratiosè collatâ, sed etiam posteris, quibus illam per semen communicaret. Hoc autem nullum habet fundamentum in sacris paginis. Ergo est fictitiu-

Nego minorem. Siquidem Osee 7. dicitur. *Ipsi autem sicut Adam, transgressi sunt*

sunt pactum meum, quod utique aliud non potuit esse, nisi de non comedendo pomo vetito, sub conditione conseruandi, vel amittendi sibi, & posteris iustitiam originalem. Et ideo clementissimus Deus, posita Adæ transgressione, nè ipse cum posteris irremissibiliter periret, statuit mittere suum filium Redemptorem, ante cuius aduentum, in figuram baptismi ab illo instituendi, aduersus peccatum originale, iussit masculorum circumcisionē, vt legitur in lib. Genes. c. 17. *Masculus cuius caro circumcisa non fuerit, delebitur anima illa de populo suo, quia pactum meum iritum fecit.* Ex quo apparet, secundum pactum, quod Deus iniit cum Abraham de circumcisione (de quo fit expressa mentio in toto illo capite 17.) fuisse à Deo factum, in remedium prauaricationis Adæ, de primo pacto, ratione cuius omnes homines facti sunt in Adam, vnus homo, vt omnes censerentur facere, quod ille faceret. Bene ergo exclamat Basil. hom. 1. de ieiunio, *Quia non ieiunauimus in primo parente, ideo exulamus à Paradiso.*





DISPVATIO V.

De Effectibus peccati originalis.



PX peccato originali derivantur ingētia mala derivarunt alterum videlicet privativum, nempe carentia iustitiæ originalis, gratiæ sanctificantis, aliorumque donorum supernaturalium, quæ dicuntur gratuita, aliud positivum, nempe cæcitas intellectus, prauitas voluntatis, licentia in irascibili, dissolutio in concupiscibili, necessitas moriendi, reatus maculæ, & pœnæ & alia huiusmodi vulnera in naturalibus, unde homo dicitur spoliatus gratuitis, & vulneratus in naturalibus. Quia tamen potissima difficultas versatur circa infantes, ideo postquam breuiter statuerimus quid sit dicendū de assignatis, quæ

re.

remus primò, an infantes decedentes sine baptismo, puniantur pœna ignis? Et deinde an aliqua tristitia afficiantur ex pœna damni? Quorum occasione, nonnulla dicemus de eorum comparitione ad finale iudicium, & statu post illud.

ARTICVLVS I.

An mors, alieque ærumnæ sint effectus peccati originalis?

Videntur non esse, Primò quia in 5. p. nostræ summæ philosophicæ lib. de misto hum. disp. 1. ar. 1. asseruimus, hominem fuisse conditum ab initio, intrinsecè corruptibilem. Ergo quia etiam in statu innocentiae fuisset mortuus, mors est illi connaturalis, & non pœna peccati.

2. In Christo D. & in Sanctissima eius Genitrice, non fuit peccatum originale, & tamen fuere dolor, ærumnæ, & mors. Ergo non possunt esse effectus talis peccati, cum sit impossibile, dari effectum proprium alicuius causæ, sine tali causa. Quod idem militat de baptizatis, in quibus ablato peccato originali, remanent huiusmodi pœnalitates. Ergo quia ablata causa, aufertur effectus, non possunt ab illo deriuare, tamquam à causa.

3. Si

3. Si peccatum originale esset causalium miseriarum, esset causa necessaria illarum, adeoque illas in omni causaret. Hoc autem repugnat expectatæ, qua videmus, non omnes subiacere omnibus miserijs humanæ conditionis licet subiaceant, non subiacent eodem modo, cum unus citius alio moria iuxqualiter subsint morbis, ignorantia paupertati, &c. Ergo non est earum causa.

4. Tale peccatum non corrumpit intussecè naturam humanam, sed illam relinquit in sua naturali conditione, cum libertate arbitrij, contranitentia appetitus sensitivi ad rationalem, cum compositione ex elementis contrarijs, & ex animæ & corpore, &c. unde oriuntur corrumpibilitas, ignorantia, rebellio passionum, dolores, morbi, alique miseriæ, quæ mutantur humanam conditionem. hoc non esset, si huiusmodi ærumnæ essent solum effectus peccati, eò quia tunc intrinsecè vitiaisset naturam humanam, quam dimouisset à statu sibi naturaliter debito, ad indebitum. Et non sunt effectus talis peccati, quod solum proinde induxit carentiam indebitorum.

5. Inclinatorio ad bonum honestum non fuit ablata per peccatum, sicut non fuit inducta inclinatio ad inhonestum. Ergo utraque est naturalis.

Conclusio, *Peccatum originale fuit causa*

sa

sa moralis indirecta, & per accidens mortis, aliarumque miseriarum, quas patimur in statu naturæ lapsæ, quas non pateremur in statu innocentia. Est communis inter catholicos, aduersus Pelagianos.

Probatur ex multiplici loco sacrorum codicum, ut ad Rom. 5. *Per unum hominem peccatum intravit in mundum, & per peccatum mors. Et Eccl. 25. A muliere factum est initium peccati, & per illam omnes morimur.* Quibus adhærens Conc. Mileuitanum 1. ait, *Qui dixerit, Adam mortalem factum, ita ut siue peccaret, siue non peccaret, moreretur in corpore, non peccati merito, sed necessitate naturæ, anathema sit,* cui concinunt Arauxican. 2. can. 1. & Trident. sess. 5. decreto de peccato originali per totum. Quia tamen Adæ peccatum, non induxit huiusmodi pœnalitates, influendo in illas physicè, per positivam causalitatem, sed solum moraliter, quatenus videlicet reddidit Adam cum posteris Deo infensum, à quo meruit spoliari, non solum gratia sanctificante, alijsq; habitibus virtutum supernaturalium, sed etiam iustitia originali, perfecte subijciente corpus animæ, & animam Deo, unde hæ miseriæ impediabantur, & quod caput est, priuavit Adam usu ligni vitæ, quo mors ab eo expellebatur, ideo non fuit causa directæ, & per se, sed solum indirectæ, & per accidens talium miseriarum, quas proinde non pateremur in statu

statu innocentia, vt melius patebit o
tionum solutione.

Ad 1. Nego consequentiam. Qu
uis enim homo, ex naturali sui status
ditione, traheretur ad mortem, ob in
secam corruptibilitatem, numquam
men fuisset mortuus, si conseruasse
nocentiam, eò quia fuisset à Deo pr
uatus, non solùm vsu ligni vitæ, qu
uentam ad libitum protraxisset, vt
expēdimus ibid. ar. 2. cum Augustin
cente lib. 23. de ciu. cap. 23 *Ligno vi
mortis necessitate prohibebatur, atque in
tuis flore tenebatur homo; sed etiam
sticia originali, & speciali assistent
tām intrinseca, quàm extrinseca, q
propulsis assiduò causis, & qualitate
corruptiuis, non solùm à morbis, se
ipso etiam interitu vindicasset.*

Ad 2. Nego consequentiam. Et
quòd Christus D. quia venit ad red
dum hominem, captiuum ob pecca
sicut factus est homo, ita voluit app
peccator, licèt esset impeccabilis, &
biacere peccati panalitati, quæ licèt
non deberetur ex proprijs delictis, ta
debeatur ex alienis, quæ vt sua po
bāt, vnde de se ipso dicebat, cum P
*Supra dorsum meum fabricauerunt p
tores: & Isa. 53. Attritus est propter s
ra nostra.* Quoad sanctissimam eius
tricem, dico, illam fuisse veram fili
Adæ, vtpote quæ ex seminum cōmi

ne genita fuit per traducem ex Adam, adeoque habuisse debitum remotum, contrahendi peccatum originale, quod utique contraxisset, nisi fuisset à Deo specialiter præservata. Ergo quia non decuit, illam præservari à talibus pœnalitatibus, quibus voluit succumbere eius filius, ideo etiam illam, non propter peccatum proprium, sed primi parentis, ex quo derivavit, subiit huiusmodi pœnalitates. De alijs non potest esse difficultas, quia cum nati fuerint in peccato, debent subiaccere illius effectibus, qui non semper omnes tolluntur per baptismum, ut fusè probavi in trac. de pœn. disp. 15. ar. 2. Ex quo sequitur, non semper ablata causa, auferri eius effectum, cum non semper causa effectiva, sit eadem cum conservativa, ut ibid. probauimus.

Ad 3. Nego maiorem, quæ solùm est vera de causis directis, & per se, non autem de indirectis, & per accidens, cuiusmodi est peccatum originale, de cuius causalitate hac habet D. Thom. 1. 2. q. 85. ar. 5. ad 1. *Remota originali iustitia, natura corporis humani relicta est sibi, & secundum hoc iuxta diversitatem complexionis naturalis, quorundam corpora pluribus defectibus subiacent, quorundam verò paucioribus, quamvis existente originali peccato aequali, ut mox explicabitur.*

Ad 4. Nego Minorem. Cum enim originale non fuerit causa talium miseriorum, nisi quatenus fuit remouens prohi-

hibens; nempe virtutem illam supernaturalem, qua arcebantur, ideo ad hoc, ut causaret in natura humana tales miseriae, non fuit necesse, quod illam intrinsicè corrumpere, & dimoueret è suo statu, sed satis fuit, quod illam spoliaret iusticia originali, & arceret ab usufructu ligni vitae, quibus ab illis præservabatur, posito quod ita Deus cum illa gratiosè statuerit.

Ad 5. Distinguo antecedens, inclinatio ad bonum nõ fuit penitus per peccatum extincta, concedo: non fuit immitata, & subdistinguo, non fuit intrinsicè imminuta, concedo: extrinsece, nego: recedens. Et distinguo consequens, naturalis quoad substantiam, concedo: quoad modum, nego consequentiam. Explico distinctionem, inclinatio ad bonum fuit indita à natura; adeòq; vel accipitur radicaliter, & est ipsa substantia animæ, vel proximè, & formaliter, & intellectus, & voluntas, quatenus inclinatio habet à natura dictare voluntati, malum esse fugiendum, & bonum amplectendum, & hæc habet ex se ordinari ad promotionem boni, & fugam mali, quæ faciliè, & voluptuosè fiunt, dedit Deus habitus virtutum supernaturalium, quibus voluntas propellatur ad tales motus ferendo, vel saltem minuendo diffinitatem, quæ oritur ex subiecto per facilitatem, & reluctanti, sicut dedit intellectus lumen rationis, quo discernens bo-

malo, alliciat potius voluntatem ad bonum, quam ad malum. Hoc posito, per peccatum sicut non fuit ablata substantia animæ, ita nec eius voluntas, & liberas, & multò minùs lumen naturale, intellectus, sed solùm fuere accidentaliter immutata, quatenus priuata gratuitis, fuerunt in se ipsis relicta, vt docet S. Prosper lib con. Collatorem cap 19. *Natura enim humane* (inquiens) *in illa vniuersalis prauaricationis ruina, nec substantia erepta est, nec voluntas, sed lumen, decusq; virtutum, quibus fraude inidētis exuta est.* Quatenus ergo per talium virtutum spoliationem, asserta in libertatem concupiscentia, quæ priùs veluti frano coerceretur, trahit animam ad bonum delectabile, siue consonum, siue dissonum rationi, hinc illa magnam sentit difficultatem, in prosecutione boni honesti, cùm potius voluptatis illicio trahatur ad inhonestum, vnde oritur bellum illud intestinum virium inferiorum cùm superioribus, de quo ait Apostolus ad Roman. 7. *Videō aliam legem in membris meis, repugnantem legi mentis mee, & captiuantē me in lege peccati, quæ est in membris meis:* In quo conflictu, nisi Deus specialiter adsit, infallibiliter cadimus, præfocante ignorantia lumen rationis, orta ex grauiamine corporis supra animam, quo redditur illi difficile iter virtutum, sicut ex conflictu elementorum, quibus componitur corpus, oriuntur illi ægritudines, do-

dolor, ærumna, ipsiusque compositi dissolutionis, per illius ab anima separationem. Quod idem aduertens, ibidem exclamat, *Infelix ego homo, quis me liberabit de corpore mortis huius?* Et concludit, *Gratia Dei per Iesum Christum Dominum nostrum.*

ARTICVLVS II.

An infantes morientes in peccato originali, puniantur pœna sensitua ignis æterni?

Gregor. Arim. in 2. d. 30. qu. 3. Driedo lib 1. de gratia trac. 3. c. 2. cum nōnullis alijs, quibus nuperrimè accessit Henricus de Noris in vindic. c. 32 §. 5. respondent affirmatiuè. Primò qui Fulgentius c. 17. de fide ad Petrum inquit, *Nullatenus dubites, non solum homines ratione utentes, verum etiam paruulos, si sine sacramento baptismi, de hoc seculo transeunt, ignis æterni supplicio puniendos.* Et D. Aug ser. 14. de verbis Apostoli, & alibi sæpe, cōsiderās illud Matth. 25. *Ite maledicti in ignem æternum* ait, hanc sententiam definitiuam esse fulminandam, aduersus omnes extituros ad sinistram, in die finalis iudicij. Quia ergo hi pueri non erunt ad dexteram cum electis, neque dabitur tertius locus, erunt

cum

cum reprobis ad sinistram, adeòque cadet in illos hæc sententia ignis æterni.

2. Qui non est in libro vitæ, est in libro mortis, cum non detur tertius liber pro neutris. Sed hi pueri non sunt in libro vitæ, in quo soli electi ad cælum continentur. Ergo sunt in libro mortis, adeòque illis debetur ignis æternus, ut dicitur Apoc. 20. *Vidi mortuos magnos, & pusillos stantes in conspectu throni, & libri aperti sunt, & apertus est liber vitæ, & qui non est inuenitus in illo, missus est in stagnum ignis.*

3. Nullus peccator potest esse melioris conditionis in termino, quam sit in via. Sed hi pueri, ratione originalis sunt peccatores, & ideo dicuntur filij iræ. Ergo non possunt in termino esse melioris conditionis, quam sint in via. Sed in via puniuntur pæna sensus, eò quia affliguntur doloribus, morbis, & morte. Ergo etiam puniuntur pæna sensus in termino.

4. Dictum est in trac. de penit. veniale coniunctum cum mortali, puniri in æternum pæna ignis. Sed originale est grauius veniali. Ergo à fortiori puniri debet pæna ignis. Aliter decedens cum originali, & actuali, non puniretur maiori pæna, quam si decederet cum solo actuali, quod est absurdum.

Concl. Pueri decedentes cum solo peccato originali, solam penam damni patientur. Est D. Th. in 2. d. 33. q. 2. ar. 1. cum Magi-

G

stro

Aro, Bonaventura, Scoto, Aegidio, Vasq. Amico, Gonet, Argentina, Gibbone, & communiter alijs.

Probatur primò ex cap. *Maiores de baptismo*, ubi hæc habentur, *Pena originalis peccati est carentia visionis Dei, actualis verò peccati pena, est gehenna perpetua cruciatus*. Ergo iuxta definitionem Pontificis, qui fuit Innocentius Tertius ex nobilissima, & antiquissima Comitum familia, pena sensus non correspondet peccato originali, aliter nō potuisset discerni tamquam propria peccati actualis, ut condistincti ab originali. Et confirmatur ex ipso oraculo veritatis. Nā lib. 5. reuel. S. Brigittæ interrog. 6. q. 1. quæsitur *cur alius infans moritur intra viscera matris?* Respondit Christus D. post assignatam physicam rationem. *Nec tamen propter hoc anima, quamvis ad vivificandū corpus, longius tempus non acceperit, durissimis appropinquat supplicijs, sed magis misericordia mihi cognita*. Sicut enim Sol irradians domum, nō videtur ut est in pulchritudine, nisi à respicientibus celum, sed solum radij; sic anima talium, quamvis propter baptismi carentiam, non videant faciem meam, viciniùs tamen appropinquant misericordie, quam pœna, sed non sicut electi. Neque obstat, quòd carentia visionis, licet dicatur propria culpæ originalis, tamē retribuatur etiam culpæ actuali; unde videtur posse idem asseri de pena sensus. Siquidem peccatum actual-

le,

le, cū sit personale, & propriæ voluntatis, non solum dicit conuersionem ad creaturam, sed etiam auersionem à Deo. Ergo ratione primæ meretur pēnam sensus, & ratione secundæ, priuationem visionis Dei. At peccatum originale, quia dicit solam auersionem à Deo, eò quia cum sit peccatum naturæ, & non propriæ voluntatis, non dicit conuersionem ad creaturas, ideo non debet habere pēnam debitam tali conuersioni. Præterquamquòd cū peccato actuali debeat æternus cruciatus, qui non est cōpatibilis cum æterna felicitate, ideo non est separabilis à pēna damni. At pēna damni est separabilis à pēna sensus, vt patet in viatoribus. Ergo illam non trahit necessariò.

2. Pēna debet proportionari culpæ (& est argumentum D. Tho. loc. cit.) aliter reus non puniretur ad mensurā delicti, quod iustitiæ repugnat. Ergo pēnalis passio debet correspondere operationi peccaminosæ. Sed operatio peccaminosa talium infantium, non fuit per propriam actionem ipsorum. Ergo neque pēna debet esse per propriam ipsorum passionem.

3. Peccatum originale, quatenus habet rationem culpæ, non traducitur in posteros, per corruptionem, seu subtractionem alicuius, quòd esset debitum humanæ naturæ, sed per solam subtractionem.

tionem iustitiæ originalis indebitæ, dictū est disp. I. ar. 4. Ergo nulla alia illi debetur, nisi priuatio illius finis ad quē talis iustitia conducebat, & quā habens talem naturam assecutus fuisse tale donum superadditum, per innocentiam capitis conseruasset. Cū ergo illis finis esset sola visio Dei, carentia eius visionis, est propria, & sola pœna illis peccati, vt infert ibid. **D. Thomas**

4. Quod non est increpabile, & vituperabile, non est punibile pœna positua, quæ est multò grauior, quàm illa, & flagella, quibus cruciantur malefactores, sunt veluti eorum exprobrationes. originale peccatum non est increpabile, & vituperabile, vt emphaticè asserit ab Aug. lib. de duab. an. c. 11. eò quod puniri non possit. Ergo non est punibile pœna positua. Et hæc est ratio, cur quando infideles baptizantur, nulla illis ponatur pœna prò originali.

5. Nullus princeps punit filios duellum pœna positua, nisi & ipsi prò voluntate cōsenserint delicto parentum, quamuis per alligationem voluntati cum illis, censeantur illorum voluisse peccasse. Ergo multò minùs puniuntur filij Deo, cuius misericordia super omnia opera eius. Ergo licet ipsi parentes puniantur, filij tamen non subeunt nisi pœnam priuatiuam, nempe priuatiuam feudi, &c. Idem dic in casu no-

in quo pueri Adamo propria voluntate non consenserunt, licet non potuerint eius voluntate non consentire.

Ad 1. Nego consequentiam. Et ad auctoritatem Augustini, & Fulgentij sub eius nomine, respondent Scotus, & D. Bonaventura cum Mastrio in 2. disp. 4. q. 6. ar. 2. n. 165. *Augustinum ibi de pœnis paruulorum esse excessiuè locutum; idque fecisse ad extirpandam illam hæresim, quæ dicebat, paruulos nullam culpam habere.* Quare non est absolutè intelligendus, nam lib. 5. in Iulianum c. 8. non audet dicere, quanta, & qualis sit futura pena puerorum: & ep. 28. ad Hyeron. ait, cum ad pœnas ventum est paruulorum, mihi crede coarctor angustijs, nec quid respondeam prorsus inuenio. Modestius respondet D. Thom. in 2. d. 33. qu. 2. ar. 1. ad 1. Dicendum, quod supplicium non nominat in auctoritate illa panam sensibilem, sed solum penam damni, quæ est carentia diuinæ visionis; sicut etiam nomine ignis frequenter in scriptura, quælibet pena figurari consuevit, ut probat q. 5. de malo ar. 2. ad 1. Tertram responsionē habemus in cap. Nulla de consecrat d. 4. ubi glossa inquit, *Et hæc carentia (nempe visionis Dei, quam solam statuit pro pena talium infantium) est pena ignis, de qua intelligendus est canon, firmissimè, desumptus ex Fulgentio.* Quibus adhærens Gonetius hic disp. 7. ar. 7. §. 4. n. 188. inquit, *iuxta phrasin Scriptura, & SS. Patrum, nomine ignis quamlibet penam significari, ut*

docet August 9. 9. in Iosue, & patet ex illo psalm 65. *Transiimus per ignem, & aquam, & eduxisti nos in refrigerium. Unde quando idem S. Doctor, & alij Patres docent, pueros sine baptismo decedentes torqueri igne, metaphoricè loquuntur, & nomine ignis penam damni significant.* Quintò respondet noster Gibbo hic disp. 15. dub 2. ad 3. *Augustinum voluisse tantum, hos pueros esse mittendos in locum ignis, seu in infernum, non ut ab igne torqueantur, sed ut ibi tamquam in carcere detineantur.* Et affert rationem, Agebat enim contra Pelagium, qui cum non admitteret in paruulis peccatum originale assererat, eos non esse collocandos in calo, neque in inferno, sed in tertia quadam mansione infima, in domo Dei, quod refutabat Augustinus. Omnes hę responsiones sunt probabiles, sed magis arridet secunda D. Thomę.

Ad illud de Iudicis finali sententia, Dico primò, esse quidem tales pueros vocandos in iudicium, iuxta testimonium illud 2. ad Cor. 5. *Omnes nos manifestari oportet, ante tribunal Christi, non tamen illos esse iudicandos, iudicio discussionis, cum nihil egerint iudicandum, neque iudicio approbationis, quatenus ab ipsis cum omnibus alijs, approbabitur ut iustissima, sententia Christi Io: 3. Qui non credit, iam iudicatus est, hoc est reprobatus à regno eius, ut docet Massrius loco cit. (Hoc enim non esset iudicari, sed iudicare) sed solo iudicio determina-*
tio-

tionis, quatenus illis assignabitur certus locus, in quo perpetuam sentiant penam damni, modo infra explicando, vel ad summum iudicio comparitionis, ut docet Aug 14. de verbis Apostoli, inquit, *Comparebunt autem paruuli, ut cognoscant Christum uniuersalem iudicem à Deo constitutum*; vel iudicio submisionis, & adorationis, ut dicitur Actor. 10. *Vt coram illo genuflectant.* Deinde dico, etiam pueros comprehendi sub illa sententia, *Ita maledicti in ignem aeternum*, non tamen quoad secundam partem, sed solum quoad primam, in qua exprimitur pena damni. Cum enim illis competere non possit illa exprobratio, *Esuriui, & non dedistis mihi manducare &c.* neque potest competere pena illi correspōdens. Dico tertio, pueros non esse trahendos ad gehennam ignis, & multo minus esse Dēmonibus subiiciendos, sed esse ituros ad limbum, ut docet D. Tho. 1. 2. q. 89. ar. 6. in lit. *Sed contra est, quia pro peccato originali puniuntur homines in limbo puerorum, ubi non est pena sensus.* Et hic est tertius locus, prater infernum, & celum, quod confirmat alibi, ut mox videbimus. Præterquamquod non desunt qui dicant, post finale iudicium, hos pueros esse collocandos, non quidem in loco aliquo subterraneo, qui dicitur limbus, sed in aliqua extrema terræ parte, ubi vitam perpetuam degant extrinsecè incorruptibiles, absque ulla spe, assequendi cælestem beatitudinem,

nem, non tamen doloribus, & pœnalitatibus obnoxij de quo plura infra.

Ad 2. Nego postremam consequentiam. Primò quia nomine ignis, exprimitur etiam pœna damni, vt dictum est. Deinde quia aliquando per synecdochē nomine contenti, exprimitur continens, vt cum dicitur à Marone, *ia proximus ardet Vcalegon*, hoc est domus ipsius. Ergo per stagnum ignis, intelligitur locus subterraneus, in quo est ignis, licet non denotet locum loci, cū ignis non occupet omnem locum subterraneum, sed solum infimum circa centrum terræ, destinatum ad carcerem damnatorum.

Ad 3. Nego vltimam consequentiam. Primò quia pueri in via, per accidens puniuntur doloribus, & miserijs, quia nus videlicet contraxerunt naturam spoliatam iustitia originali, qua ab eis fuissent liberati. Deinde quia cū via sint generationes, & corruptiones, non potest, vt luctantibus inter se trarijs, ex quibus constant, dū trahuntur ad interitum, corruptiuis non subiceant. In termino autem quia cessabunt generationes, & corruptiones, ideo corruptiuis non subiacebunt, sed erunt mortales, & impassibiles, non quidem intrinsecè, per virtutem aliquam sibi datam, vt erunt corpora beatorum, priuatiuè ex defectu agentium extrinsecorum, quæ virtute naturæ nihil perire possunt.

runt in illos, & si quid possent, id fieret ex ordinatione diuinæ iustitiæ, in vindictam scelerum actualium, quæ in illis non sunt. Tertiò post finale iudiciũ, omnes demones trudentur in gehennam, vnde amplius exire non poterunt. Ergo cessabunt eorum tentationes, & vexationes. Non tamen hi pueri erunt melioris conditionis, quia in viâ simul cum pœnalitatibus, habebant aptitudinem, & capacitatem proximam supernaturalis felicitatis, quam in termino non habebunt, quæ capacitas præponderat omnibus ærumnis, & miserijs temporalibus.

Ad 4. Nego minorem, cum D. Tho. in 2. d. 33. q. 2. ar. 1. ad 2. Quod quia videtur durum, refero fideliter eius verba, & sunt hæc, *Inter omnia peccata, minimum est originale, eò quia minimum habet de voluntario; non enim est voluntarium voluntate istius personæ, sed voluntate principij naturæ tantum. Peccatum autem actuale, etiam veniale, est voluntarium voluntate eius, in quo est, & ideo minor pena debetur originali, quàm veniali. Neque obstat, quòd originale non compatitur secum gratiam; priuatio enim gratiæ non habet rationem culpe, sed pene, nisi in quantum ex voluntate est; vnde ubi minus est de voluntario, minus est de culpa.*

Dices, veniali non debetur, nisi pœna temporalis; originali verò debetur pœna damni, quæ est æterna. Sed leuiori peccato non potest esse debita maior pœna.

Ergo originale non est leuius veniale.

Nego maiorem, cum eodem ibid. dicente, *Non obstat, quòd peccato actuali veniali temporalis pœna debeatur, quia hoc est per accidens, inquantum decedens in veniale, tantam habet gratiam, virtute cuius pœna purgata est. Si autem veniale peccatum sine gratia in aliquo esset, perpetuam pœnam haberet, vt nos probauimus in tr. de pœn.* Ad illationem respondet Gonetius, hic quòd moriens cum originali, & actuali lethali, habet maiorem pœnam damni intensiuè, eò quia illam habeat ex duplici titulo totali, quod putat in moralibus augere pœnæ intensiorem. Sed quia pœna damni est aliquod physicum, licèt priuatiuum, ideò hæc doctrina sustineri non potest, sicut non valet in materia de præmio beatitudinis, quod ex multitudine præcisa titulorum, non augetur intensiuè, vt alibi sæpe probauimus. Dico igitur, pœnam damni, licèt materialiter sit vna, & eadem in omnibus, quatenus dicit carentiam beatitudinis, secundùm puram extensionem duratiuam, non tamen formaliter sumptam, esse omnibus æqualè, quatenus dicit annexam tristitiam, ex cognitione boni amissi, eò quia cùm hæc cognitio possit esse inæqualiter determinatiua ad tristitiam, ex maiori, vel minori boni amissi viuacitate cognitionis, ideo est inæqualiter cruciatiua; adeòque decedens cum duplici peccato lethali, non solum duplici-

pliciter puuitur pēna sensus, sed etiam pēna damni, duplo magis cruciatiua. Et in hoc sensu posset etiam castigari doctrina allata, quatenus cūm hac diuersitas habeatur solūm ex parte intensiōis, pēna damni in casu allato esset intensiue maior, non quidem ex duplici titulo, sed ex maiori tristitia, quam pareret. Quod si aliquis velit considerare pēnam damni, vt est formaliter carentia visio-
nis beatificæ, dico, in illa non dari gra-
dus. Sicut enim æqualiter punirentur per annihilationem, qui illam inæqua-
liter mererentur, ita & in casu allato de
pēna damni.

ARTICVLVS III.

*Soluntur argumenta Patris Magi-
stri Henrici de Noris.*

DOCTISSIMUS hic Pater, vt tueatur, D.
Patrem Augustinum nullo modo
excessisse, cum asseruit, pueros deceden-
tes cum solo originali, puniendos in in-
ferno à Dēmonibus pēna ignis æterni, li-
cēt mitissima, in suis Vindicijs c. 3. S.
5. conatur probare, hoc fuisse Catholica Ec-
clesiæ probatum dogma, communem antiquo-
rum Patrum sententiam, & opinionem op-
positam, Pontificum Romanorum, Synodo-
rum, ac Patrum statutis planè aduersari,

ut ipse loquitur. Eius argumenta reducuntur ad hæc, Primò quia etiam hi pueri venient ad finale iudicium. Ergo cùm non possint ad dexteram collocari, erunt ad sinistram. Sed omnibus existentibus in sinistra, dicetur à Christo, *Ite maledicti in ignem æternum*, vt habetur Matth. 25. Ergo & hi pueri punientur pœna ignis æterni.

2. Paruuli per originale peccatum, sunt traditi sub Dæmonum potestate, à qua non eruuntur, nisi per baptismum, & ideo consuevit Ecclesia, antequàm pueros baptizet, exorcismis, & exsufflationibus, Dæmones ab eorū corporibus eijcere. Cùm ergo taliter morientes, remanserint sub Dæmonum potestate, ab illis trahuntur ad ignem æternum.

3. Pueris datur in via pœna sensibilis, propter solum peccatum originale. Ergo quia hoc remanebit in termino, dabitur etiam pœna sensibilis æternum duratura, eò quia pœnæ temporales huius vitæ, non sint sufficientes, ad satisfaciendum prò macula originali.

4. Peccatum originale est causa, vt homines nascantur filij iræ, & Deo infensi. Sed non possunt esse filij iræ, nisi sint filij vindictæ, pœnæ, & gehænæ, vt gradatim intulit Aug. tract. 44 in Io. Ergo nascitur filij pœnæ, & gehennæ, quam illationem exaggerans supra laudatus auctor, inquit, *Pueri sunt rei eiusdem omninò peccati, quod commisit Adam, ita vt crimen, quod in Adamo fuit actuale, euaserit*

rit in posteris originale . Ergo sicut in Adamo peccatum actuale punitum fuit, inflictione pene sensibilis , etiam in posteris poterit eodem supplicio castigari .

5. Pueri ex meritis Christi habebunt in termino bona corporis , si moriantur in gratia . Ergo si moriantur in peccato, habebunt pœnam corporis ex demeritis Adæ , cùm sit utrobique par ratio .

6. Ipsa carentia visionis beatificæ est per se dolorifera , cùm sit priuatio sũmi boni, & debiti. Ergo etiã ex hoc capite, puniẽtur pueri, pœna sensus, eò ipso quòd exulabunt in æternum e sede beatitudinis .

Sed hæc argumenta, quæ magno cum apparatu, proferuntur in medium, ut auferant locum medium puerorum , non tenent locum medium veritatis ; atque adeo cùm trahant secum excessum, in præsuppositis , non possunt vindicare ab excessu , assertores pœnæ sensibilis puerorum . Ut autem appareat, quàm longè distent à medio veritatis, bona venia viri mihi amicissimi , & summo præcio habiti, ob singularem eius doctrinam, & omnigenam eruditionem , auctoritate insignium theologorum, & præcipuè D. Thomæ, qui fuit additissimus Augustino, & quem iure dixeris eius secretarium , omnia singillatim solo prosternam, postquàm breuiter ostendero quid senserint Patres de hac difficili quæstione , & quis fuerit sensus Romanorum Pontificum, ut hinc appareat, vtra sententia, spectet ad

dog-

dogma Catholica Ecclesia, vel aduersetur
statutis Pontificum, Synodorum, ac Patrum,
vt ipse pro sua protestatur.

Agmen ducat D. Thomas Aquinas,
qui ob excellentiam doctrinæ, dicitur
scholarum angelus, prima 2. q. 89. ar. 6.
in littera inquiring, *Sed contra est*, quia
pro peccato originali puniuntur homines in
limbo puerorum, ubi non est pena sensus. In
inferno autem detruduntur homines, prop-
ter solum peccatum mortale. Ergo non erit
locus, in quo possit puniri ille, qui habet pec-
catum veniale, cum solo originali. Ex quo
concludit, fieri non posse, vt aliquis mo-
riatur in originali, cum solo actuali ve-
niali. Et quia saepe ab aliquibus Patri-
bus dicitur, huiusmodi pueros detruden-
dos in infernum, ideo sanctus Doctor in
3. d. 22. q. 2. ar. 1. ad 2. quæst. ait, *Quadru-*
plex est infernus, unus est infernus damna-
torum, in quo sunt tenebrae, & quantum ad
carentiam diuinæ visionis, & quantum ad
carentiam gratiæ, & est ibi pena sensibilis,
& hic infernus est locus damnatorum. Alius
est infernus supra illum, in quo sunt tene-
brae, & propter carentiam diuinæ visionis,
& propter carentiam gratiæ, sed non est ibi
pena sensibilis, & dicitur limbus puerorum.
Alius supra hunc est, in quo sunt tenebre
quantum ad carentiam diuinæ visionis, sed
non quantum ad carentiam gratiæ, sed est
ibi pena sensus, & dicitur purgatorium.
Alius magis supra est, in quo est tenebra
quantum ad carentiam visionis, sed non
quan-

quantum ad carentiam gratiae, neque est ibi
 pena sensibilis, & hic est infernus sanctorum
 patrum. Vtrumque hoc testimonium est
 adeo clarum, ut non indigeat expli-
 catione.

Illi concinunt Gregorius Nyssenus in
 orat. de infantibus, inquit, *Immatura*
mors infantium demonstrat, neque in dolo-
ribus, & maestitia futuros esse eos, qui sic vi-
vere desierunt : D. Bernardus ser. 3. de
 resur. dicens, *Tolle propriam voluntatem,*
 & non erit infernus. Nihil ardebit in in-
 ferno, præter propriam voluntatem, quæ
 in his pueris non fuit : Ambros. in ep. ad
 Rom. 5. Est & alia mors, quæ secunda di-
 citur, quam non peccato Ade potimur, sed
 eius occasione, proprijs peccatis acquiritur.
 Idem sensere Magister, & Chylostomus
 penès Gonettum, qui proinde hic disp.
 7. ar. 7. §. 2. in fine exclamat, *Ex his san-*
ctorum patrum testimonijs, & unanimi ferè
theologorum scholasticorum consensu, hoc
argumentum evidens, in fauorem nostræ sè-
tentia potest deduci. Damnatio infantium
ad ignem æternum, tam repugnans videtur
clementiæ Dei, & rationi, ut non sit asseren-

si euidenter ex diuina traditione ha-

Sed nullam fuisse talem traditionem,

ostendunt testimonia Innocëtij III.

Gregorij, Bernardi, Nysseni, Chrysosto-

adducta, necnon v-

theologorum schola-

entis circiter annis

His

His accedit Scotus in 2.d. 33. q. vn. quē sequuntur turmatim eius discipuli, & plurimi alij, vt refert Mastrius in 2. disp. 4. q. 6. in procemio n. 155. dicens, *Tertia sententia media, & communissima inter catholicos est, pueros ob originale peccatum puniendos esse pena damni, nulla tamen pena sensus. Ita D. Bonauentura, Scotus, & D. Th. cum alijs antiquioribus utriusque scholę, & recentiores passim, Suarez, Vasquez, Becanus, Turrianus, Salas, Auerfa, Lezana, Hacquetus, Arriaga, Ouiedus, Amicus, Vulpes, Gauatius, & alij passim. Et articulo primo, postquam statuit hanc conclusionem n. 159. Dicendum secundò, paruulos in limbo nullam pati penam ignis, nec post diem iudicij passuros alias corporis afflictiones, inquit, Hęc est communis apud auctores tertię sententię medię, quam inquit D. Bonauentura, omnes Magistros magis approbare communiter, & Scotus illam sententiam magistrorum appellat. Ergo sententia opposita non fuit communis antiquorum patrum, & multo minùs catholice Ecclesię probatum dogma, ut asserit Noris.*

Postremum non tenet locum noster doctissimus Augustinus, Gibbo, qui disp. 15. in 1. 2. dub. 2. n. 4. hęc habet *Tertia sententia communior, & probabilior asserit, tales pueros nulla pena ignis, aut interna tristitię de amissa beatitudine esse affligendos. Ita Magister in 2. d. 33. Bonau. ar. 3. q. 1. & 2. D. Tho. ibid. q. 2. an. 1. & q. 5. de malo ar. 2. & 3. Scotus q. vn. Aegid. q. 2. ar. 2. Capreol. q. vn.*

q. vn. ar. 1. Argentina ar. 3. Azor. c. 37. qu. 2.
 Vasq. Curiel, Lorca, Salas, Amicus, Ouiedo,
 noster mag. Bernardinus, & alij. Ergo ex
 capite auctoritatis, est multò probabilior,
 & communior nostra sententia, quàm
 opposita. Atque adeo non video, quo-
 modo possit sustineri, quòd nostra sen-
 tentia aduersetur statutis Pontificum, Sy-
 nodorum, ac Patrum, præsertim cùm
 Augustinus, qui magnum pondus adde-
 ret sententiæ oppositæ, facillimè traha-
 tur ad nostrum sensum, vt vidimus ar. 2.
 cum D. Tho. D. Bonau. Scoto, Aegidio,
 & alijs, quorum doctissimis expositi-
 onibus facilè etiam trahuntur Africanæ Sy-
 nodi, Gelasius, Gregorius, Auitus, Isi-
 dorus, Anselmus, & quicumque alij re-
 censentur ab Aduersario. Siquidem no-
 mine ignis, & cruciatus, exprimitur ali-
 quando etiam pœna damni, vt supra con-
 siderauimus. Nec mirum, quòd pœna ne-
 gatiua exprimat per positiuam, cùm
 æquè vtraque conduceret ad intentum.
 Cùm enim Pelagiani negarent quamli-
 bet pœnam, decedentibus absque pecca-
 tis actualibus, vt expungerent peccatum
 originale, sola pœna damni sufficebat, ad
 illud reponendum, vt simul euanesceret
 fictitijs ille felicitatis æternæ locus, què
 illis Pelagiani statuebant. Quamuis ergo
 non admittam quod dicunt Scotus, & Bo-
 nauentura, penès Mastrium hic nu. 167.
*Augustinum de pœnis paruulorum esse ex-
 cessiuè locutum, sicut frequenter faciunt sã-
 cti;*

Hic tamen admitto quod addit, nempe
vsurpasse hæc nomina positina, ad extir-
pandam illam heresim, quæ dicebat, par-
vulos nullam culpam habere, & ita nullam
pœnam.

Ad 1. Nego postremam consequen-
tiam. Rationem affert D. Tho. in 4. d. 47.
q. 1. ar. 3. ad 3. his verbis, *Dicendum quod*
etiam pueri ante perfectam ætatem deceden-
tes, in iudicio comparebunt, non autem ut
iudicentur, sed ut videant gloriam Iudicis.
Nisi velimus respondere cum Mastrio
hic n. 166. tale iudicium esse faciendum
prò solis adultis, damnatis ob proprias culpas
actuales, ut ex ipso textu colligitur; reddens
enim ibi causam Christus Dominus, cur qui
sunt à sinistris, in ignem æternum sint ieu-
ri, inquit, esurivi, & non dedisti mihi man-
ducare &c. quæ pueris convenire non po-
test. Quòd si Adversarius contendat, hoc
sustineri non posse, propter celebres au-
ctoritates, quòd omnes ad iudicium sint
vocandi, respondet idem ibidem inferiùs
n. 167. pueros non esse vocandos ad iudi-
cium discussionis, sed solùm ad iudicium
approbationis, ut videlicet ab omnibus,
ut iustissima, approbetur sententia Chri-
sti, in qua quoad priores partes, *discedite*
à me, quæ exprimunt pœnam damni, in-
quit omnes comprehensum iri, qui sunt à
sinistris, non autem quoad aliam partem,
in ignem æternum, quæ exprimit pœnam
sensus, quæ solùm infligetur adultis, ob
actuale peccatum.

Ad 2.

Ad 2. Nego consequentiam. Et ut euidenter appareat eius falsitas, considero quænam fuerit potestas dæmonum in Adam post peccatum, & quæ remanserit in pueros non baptizatos. Hæc autem non potuit esse per physicam Dæmonum inhabitationem, ut accidit obsessis, & ænergumenis, aliter non solum Adam, fuisset ænergumenus, sed omnes infideles essent tales, quod ut absurdum etiam ab Aduersario exhibilatur. Neque potuit esse per physicam traditionem ad cruciandum, eo modo quo damnati fuerunt traditi Dæmonibus cruciandi, vel à Principibus traduntur carnifici rei, ut morte, seu verberibus puniantur. Siquidem cum Dæmones acerbissimo odio homines prosequantur, & Aduersario teste, *sint Phalaride, Dyonisio, Maxentio, & quocumque alio tyranno crudeliores*, numquam cessarent à cruciandis infidelibus, illosque etiam occiderent, ut secum raperent, quod experientia discimus esse falsum, cum plerumque infideles, præ Christianis, sensibilibus voluptatibus perfruantur, & nunquam sentiāt huiusmodi dæmoniacas pænalitates. Quod si infideles adulti, qui peccato originali tot actualia superaddunt, non traduntur Dæmonibus taliter affligendi, quantò minus pueri, qui soli originali sunt obnoxij? Neque potuit homo subijci ut mancipium, seu ut captiuus in bello. Quamuis enim verè fuerit victus primus homo; quia tamen bellum

lum fuit iniustum, & insidiosum, ideo Dæmon victor, non acquisiuit plenum ius in illum, vt de illo despoticè disponderet, sed solum limitatum, vt fusè expendimus in tr. de Incarnatione. Neque vt subditus Principi, quia cùm Deus sit supremus dominus omnium creaturarum, nec possit spoliari dominio, potest quidem Dæmon, vt Dei minister, & ad eius imperium, vexare hominem, sicut sæpe vexauit etiam sanctos, non tamen ad suū libitum, & iure propriæ potestatis. Neque demum vt filius Patri, seu vt vxor viro, seu vt effectus causæ, vt per se patet. Ergo superest, vt hæc dæmonis potestas in hominem, sit veluti legalis, quatenus homo deuiando à Deo, se spontè fecerit Dæmonis famulum, in cuius pænam iustissimè Deus permittat, vt eius deceptionibus subiaceat, quoadusque scelera sceleribus cumulando, infensus Deo moriatur, & ab eodem in tartarum trahatur, vt explicatur à Io. Baccono in 2. d. 39. q. 1. quem ibidem laudat Adversarius.

Neque obstat, quòd per exorcismos dicatur expelli Dæmon, quod videtur sonare inhabitationem præuiam. Sicut enim cum dictū fuit de Magdalena, quòd Christus eiecerit ab illa septem Dæmonia, debent intelligi septem capitalia vitia pro Demonibus; ita peccatum sæpe numerò Dæmon nuncupatur, quatenus ab illo traxit originem, & per illū dilata-

ta -

tatur : Et ideo per exorcismos curat Ecclesia , vt eijciatur à pueris peccatum originale, dispositiuè quidem per ipsos exorcismos , & formaliter per gratiam baptismi conferendam . Præterea cum pueri numquam propria voluntate peccauerint, non potuerunt se liberè tradere Dæmonis famulatui; adeòque aliam sub illo seruitutem non patiuntur , nisi quatenus propter culpam originalem , à cælo exclusi , & Deo infensi, extrinsecus vexantur à Dæmone , non verberibus, & cruciatibus , sed agitatione parèrum, nè ab illis, vel per illos baptizentur, sicut adulti vexantur temptationibus , vt actualiter peccent, docente D. Gregorio lib. 26. moralium cap. 20. *Nunc homines non tenendo possidet , sed tentando persequitur . Nam quia non in eis intrinsecus regnat, contra eos pugnat extrinsecus; & quia intus dominium perdidit , bella molitur foris, vt explicui in tr. de incarnatione.*

Ad 3. & 4. Respondimus ar. 2. ad 3.

Ad 5. Nego consequentiam , cum bonum possit ad libitum liberaliter tradi , etiam intuitu alieni meriti, non verò malum positium , vt ibi probauimus .

Ad 6. Patebit responsio ex mox dicendis ar. sequenti .



AR-

ARTICVLVS IV.

An pena damni sit pueris dolorifera ?

V Idetur esse, vt inter alios, acerrimè contendit supra impugnatus Henricus De Noris, qui vt suam opinionem propugnet de pœna positiua puerorum, decedentium absque baptismo, etiam ex pœna damni, argumenta deducit, quorum primum trahit ex Aug. qui lib. 3. operis imperfecti c. 99. aduersus Pelagianos hæc habet, *In regnum Dei non intrare imaginem Dei, nullam esse contumeliam putatis, ipsum regnum etiam sic amatis, ut non ibi esse, non saltem leuem penam credatis hominis esse, sed nullam.* Quod idem repetit lib. 3. con. Iul. c. 3. & lib. 5. c. 1. & lib. 6. c. 4.

2. Tales pueri decedunt in peccato, & sunt verè peccatores, & filij iræ, & cognoscent, se in æternum permansturos in tali statu. Ergo vel amabunt talem statum, vel non? Si primum, ergo assiduò peccabunt, cùm amare peccatum, sit peccatum; adeòque per hoc ipsum merentur pœnam positiuam. Si secundum, ergo coguntur inuiti, permanere in statu, quem oderunt, quod est illis molestissimum, & pœnale.

3. Vel habent aliquem finem naturalem, in cuius possessione quiescant, vel non?

non? Non potest dici primum, quia hic finis vel erit creatura, vel Deus? Non creatura, quia per hoc ipsum auerterentur à Deo, adeoque peccarent, quod illis auerget motuum tristani. Neque Deus, quia illum amarent, & amarentur ab illo, quod de inimicis Dei verificari non potest, super quibus manet ira Dei. Ergo est verum secundum, quod nullum habeant finem naturalem, adeoque erunt in æternum exclusi, à possessione ultimi finis, sibi naturaliter debiti, quod pariet illis summam tristitiam, & miseriam.

4. Hi pneri, resumptis corporibus habebunt potentiam visuam expeditam ad visionem, quam numquam poterunt ad actum reducere, propter defectum lucis, eò quia sint detrudendi, tamquam in carcerem, in locum tenebrosus. Sed necessitas carendi actu, sibi naturaliter debito, est valde molesta, & constatiua. Ergo habebunt tristitiam, & dolorem, quibus cruciabuntur.

5. Habebunt etiam effrænem concupiscentiam, propter defectum iustitiæ originalis. Ergo cum illam explere non possint, ex defectu obiecti concupiscibilis, assiduò cruciabuntur, ad mensuram delectationis, quam perciperent, si expleant, cum fieri non possit, ut carentia boni delectabilis amati, non sit molesta, ut patet experientia.

6. Habuerunt in Adamo aptitudinẽ, ad assequendam æternam beatitudinem.

Ergo

Ergo eius amissio, ut boni debiti, erit illis contristatiua, docente Chrysostomo, hom. 33. in Matth. Excludi à bonis eternis, & alienum esse ab ijs, quæ preparata sunt iustis, tantum generat cruciatum, tantum dolorem, ut etiamsi nulla extrinsecus pena torqueret, hæc sola sufficeret.

Conclusio, Pena damni nullam pariet tristitiam, aut dolorem pueris decedentibus in originali. Est in terminis D. Thomæ in 2. d. 33. q. 2. ar. 2. quem sequuntur Gonettus, Gibbo, & communiter Thomistæ, quibus accedunt D. Bonau. Scotus, Vasq. Suar. Lessius, Arriaga, Mastrius &c.

Probatur 1. Tristitia non potest esse, nisi de his, quæ nobis inuitis, & reluctantibus accidunt, ut patet experientia, & egregie probat Elparsa in lib. de passionibus q. 25. ar. 3. ex Philosopho, & D. Tho. docente Aug. lib. de nat. boni c. 20. *In animo dolorem facit voluntas resistens potestati maiori.* Ergo si pueris deriuaret tristitia ex pena damni, essent inuiti, & reluctantes diuinæ dispositioni illam infligenti, eadèque non conformarentur diuinæ voluntati, & haberent voluntatem deordinatam, à qua adigerentur ad exprobrandum Deum, quòd tali pena illos mulctaret, & per consequens assiduò peccarent, quod dictis repugnat, eò quia cum hoc esset actuale peccatum, per hoc ipsum mererentur penam positiuam illi proportionatam, quamuis essent in termino,

no, quod est absurdum. Præterea quia non possunt habere spem, acquirendi hoc bonum, cuius amissione tristarentur, eius dolor esset maximus, & inamissibilis, cū summa illo carendi desperatione coniūctus, adeoq; esset maxima omnium sensibilibus penarum, quas patiuntur in inferno damnati. Sed hi pueri non possunt habere in termino ullam inordinatam voluntatem actualem, aduersus diuinam dispositionem, quam actu numquam habuerunt in via. Ergo non possunt habere talem tristitiam, seu dolorem.

Deinde (vt docet D. Thom. loc. cit.)
Recta ratio non patitur, ut aliquis perturbetur de eo, quod in ipso non fuit ut vitaretur, propter quod Seneca probat, quod perturbatio in sapientem non cadit. Sed in pueris est ratio recta nullo actuali peccato obliquata. Ergo non turbabūtur de hoc, quod talem penam sustinent, quam vitare nullo modo potuerunt.

3. Cognitio quod euaserint æternos gehennæ cruciatus, quos facile mereri potuissent, si ad ætatem adultorum peruenissent: & quod eternum sint victuri longè à doloribus, & miserijs corporalibus, ita retundit cognitionem amissæ beatitudinis supernaturalis, quæ est in talibus pueris, solum imperfecta, & abstractiua, ut non possit illos ad tristitiam excitare, ut docet D. Bonau. in 2. d. 33. ar. 3. q. 1. præsertim cū se videant naturalibus affatim communitos. Ergo non tristantur,

H

4 Pue.

caelo, ita vt esse extra cælum, non illis vllam pariat pēnam, illi sufficiebat euincere, carentiam perpetuam beatitudinis, esse maximam pēnam, non tamen positiuam, sed purè priuatiuam, vtpotè boni debiti. Ergo ad sentiendum cum Aug. contra Pelagianos, sufficit dicere, tales extra cælū non fruituros beatitudine, sed subituros pēnam æterni damni. exploso tertio illo loco fictæ beatitudinis, vt patet ex ipso textu, qui proinde nihil facit contra nos.

Ad 2. Dico, tales pueros amare quidem suum statum, quatenus illis designatur à diuina iustitia, non tamen amare originale peccatū, quod fuit eius causa. Sicut enim amamus aduentum Redemptoris, non amato peccato Adæ, quod fuit eius causa, vt diximus in tr. de inc. & amamus penitentiam, non amato peccato, sine quo non esset, ita pueri vt se conforment cum diuina voluntate, amant pēnam, vt iuste sibi infligant, non amata causa inflictionis, quam potius oderunt, odio tamen speculatiuo, & non practico.

Ad 3. Dico, hos pueros cognoscere Deum, illumque amare amore naturali, vt authorem naturæ, & finem naturalem, & redamari à Deo, non quidem, vt peccatores, sed vt homines, & vt opus manuum suarum, quibus contulit, & conseruat multa bona naturalia. Ergo possunt in eius imperfecta possessione im-

perfectè quiescere, vt optimè docet D. Thomas ibidem ad 5. inquit, *Dicendum, quòd quamuis pueri non baptizati, sint separati à Deo, quantum ad illam coniunctionem, qua est per gloriam, non tamen ab eo sunt penitus separati; immò sibi coniunguntur, per participationem naturalium bonorum, & ita etiam de ipso gaudere poterunt, naturali cognitione, & dilectione.*

Ad 4. Dico, posse Deum prouidere illum luce sufficienti, ad operationes vitales, independenter à Sole, vel per lucē innatam, vt videmus in multis gemmis, & igne, vel fortificando oculos talium, puerorum, vt videant etiam in tenebris, vt feles, vel alio modo sibi possibili, licet nobis mirabili, & inscrutabili. Ergo hic locus erit quidem carcer detentiuus, non tamen penalis, & cruciatiuus per se.

Ad 5. Nego antecedens. Cum enim post diem finalis iudicij, sint omninò tollendæ rerum generationes, & corruptiones, non erit stimulus carnis, seu fomes, de quo querebatur Apostolus, relictus ad agonē in via, & qui in termino non posset esse, nisi penalis, miraeulosè relictus ad torquendum, quod nequit dici, nisi temerè, & absque vñlo fundamento. Præterquamquòd cum statutum fuerit, tales pueros nulla sensibili pœna puniendos, si concupiscentia non erit, nisi sensibilibiter penalis, tales pueros non afficiet.

Ad 6. Nego antecedens cum D. Tho. loc. cit. in corp. hæc habente, *Pueri autem*

num.

numquam fuerunt proportionati ad hoc, quòd vitam eternam haberent, quia nec eis debebatur ex principijs natura, cum omnem facultatem natura excedat, nec actus proprios habere potuerunt, quibus tantum bonum consequerentur. Et ideo nihil omnino dolebunt de carentia visionis diuinae. Immo magis gaudebunt de hoc, quod participabunt multum de diuina bonitate, & perfectionibus naturalibus. Quòd si aliquis illi obijciat, potuisse per alios baptizari, adeoque habuisse aptitudinem ad beatitudinem, cuius proinde carentia doleant. Respondet, Hoc enim est superexcedentis gratiae, ut aliquis sine actu proprio premietur. Unde defectus talis gratiae, non magis tristitiā causat, in pueris decaentibus non baptizatis, quàm in sapientibus, quòd eis multa gratia non sunt, quæ in alijs similibus facta sūt. Et in resp. ad I. ait, In damnatis pro culpa actuali, qui vsum liberi arbitrij habuerunt, fuit aptitudo ad vitam eternam consequendam; non autem in pueris, & ideo non est similis ratio de utrisque. Videatur D. Tho. in loco citato, nam funditus exhaurit hanc difficultatem, vnde solo prostrantur omnia hæc argumenta.



ARTICVLVS V.

*An pueri sine baptismo decedentes,
post finale iudicium, sint in
aliquo delizioso loco
locandi?*

Videntur non esse, vt idem Noris cō-
tendit, Primò quia Africana Sy-
nodus Carthagine congregata, hac de-
finit, *Siquis dicit, ideo dixisse Dominum, in
domo patris mei mansiones multe sunt, vt
intelligatur quia in regno calorum erit ali-
quis medius, aut ullus alicubi locus, ubi
beatè uiuant paruuli, qui sine baptismo ex
hac vita migrarunt, sine quo in regnum cē-
lorum, quod est vita eterna, intrare non
possunt, anathema sit.* Cui Adhærens Aug.
lib. de orig. an. c. 9. inquit, non baptizatis
paruulis nemo promittat, inter damnatio-
nem, regnumque calorum, quietis, vel fe-
licitatis cuiuslibet, atque ubilibet quasi mē-
dium locum. Hoc enim eis etiam hæresis Pe-
lagiana promisit. His addit sententiam,
quindecim Episcoporum Bizacenæ Pro-
uinciæ in Sardinia congregatorum, sta-
tuentem, hos pueros interminabilibus
ignis æterni cruciandos poenis: & Fulgē-
tij dictum illi conforme de fide ad Pe-
trum, & Gelasij Papæ testimonium in
ep. ad Episcopos Piceni, aduersus Sene-
cam Pelagianum, inquires, *De paruulis*

an-

autem quod asserit, sine baptismo, prò solo originali peccato nō posse damnari, satis impia, satis prophana propositio est. Et deinde introducit eundem sic concludentē, Tollant ergo de medio nescio quem ipsi tertium, quem decipiendis parvulis faciunt locum. Ergo non erunt in tali loco delizioso.

2 Anselmus lib. de concept. Virg. c. 22. hæc habet, *Post diem iudicij, nullus erit angelus, aut homo, nisi aut in regno Dei, aut in inferno.* Sed infernus non est locus deliciosus. Ergo &c. Cui addit Isidorum, Gregorium, Aebredum, Ariminensem, & plures alios, asserentes, hos pueros in æternum puniendos in inferno.

Conclusio, *Probabile est, pueros decedentes absque baptismo, post finale iudicium, esse à Deo collocandos in aliqua subterranea mundi parte, in qua perpetuò exulent e loco beatitudinis, nullis tamen afficiantur doloribus, longè à Damonum incurfionibus.*

Hæc conclusio evidenter probatur ex dictis usque adhuc, & præcipuè ar. 2. 3. & 4. huius disp. & ideo nihil remanet, nisi illam explicare. Vidimus ar. 3. ex D. Tho. esse quatuor loca subterranea, nempe infimum prò Angelis pravis, & adultis damnatis: alium illi proximum prò decedentibus, cum solo originali: tertium purgatorium: & quartum limbum sanctorum patrum. Certissimum, autem est, limbum sanctorum, post resurrectionem Christi, non esse amplius

necessarium, cùm decedentes in gratia, statim adeant cælum, nisi aliquid purgandum remanserit in tertio loco. Hic autem tertius locus, post finale iudicium, nullum habebit vsum, eò quia cessantibus hominum generationibus, nullus amplius mittetur in purgatorium, & omnes illi, qui inuenientur in illo, transibunt cum alijs, & cum Christo in regnum cælorum. Ergo non remanebunt, nisi duo loca subterranea, cum suis habitatoribus, nempe gehenna prò damnatis, & limbus prò pueris. Quia tamen tam pueri, quàm damnati, resumptis corporibus, indigebunt maiore loco, ideo probabilissimum iudico, quòd solus limbus Sanctorum relinquetur prò pueris, & alia tria loca inferiora, fient vnus locus prò carcere damnatorum.

Ad hoc dicendum adducor primò, quia cùm communiter asseratur, hos infelices pueros esse locandos in limbo, & cùm non possit intelligi prò limbo, secundus locus proximus gehennæ, vbi defacto detinentur, vsque ad finale iudicium, iuxta distributionem allatam ex D. Thoma; aliter alia duo loca superiora remanerent otiosa per totam æternitatem, ideo censeo, hunc limbum esse incorporandum cum gehenna, simul cum purgatorio, & quartum locum omnium supremum, qui fuit limbus sanctorum patrum, esse futurum locum puerorum. Quòd si dicatur, illos remansuros in secundo loco.

co, & alia duo superiora esse incorporanda cum gehenna, ne remaneant otiosa, iam limbus puerorum, esset circumquaque clavius gehenna, quod non videtur congruum, non solum quia carcer ille teterrimus damnatorum, interrumpetur limbo, & sic non esset vnus, sed duo; sed etiam quia damnatis debetur inferior locus, & non superior loco puerorum, quibus non debetur pena sensus. Ergo cum hæc loca subterranea sint ita disposita, vt vnus ambiat alium, congruentius est, quod locus supremus destinetur ijs, qui minus peccarunt, quam e contra. Quod si recedamus à distributione Diui Thomæ, & ponamus purgatorium in secundo loco, & in tertio limbum puerorum, poterunt hi remanere, in suo loco, ita vt purgatorium fiat vnū cum gehenna, & limbus puerorum extendatur ad totum locum sanctorum patrum, ita vt vterque locus fiat capacior, ad recipiendas animas corporibus restitutas.

Secundò quia hoc modo optimè saluantur locutiones scripturarum, & Patrum, passim dicentium, hos pueros, vt-pote ineptos ad ælestem beatitudinem, esse mittendos in infernum. Cum ergo nomine inferni, intelligantur omnia loca subterranea, nec possit pro pueris statui infimus locus, vt supra probauimus, superest, quod intelligatur omnium supremus, proximus terræ superficie, in

melius commutatus, ut exposuimus.

Tertio sæpe probauimus in cursu philosophico, post finale iudicium, omnia elementa esse reditura ad propria loca, in quibus ab initio fuerunt condita. Atque adeo quia aqua fuit condita supra totam terram, & aer supra aquam, sicut ignis supra aerem, remanebit terra circumquaque aquis vallata, unde reddetur inhabitabilis, saltem hominibus, alijsque terrestribus, & aëreis animantibus. Vnde sæpe deduxi argumentum non contemnendum, ad aliquam diuinandum tempus finalis iudicij, iuxta prophetiam Isaïæ c. 40. *Omnis vallis exaltabitur, & omnis mōs, & collis humiliabitur, & erunt praua in directa, & aspera in vias planas, & reuelabitur gloria Domini, & videbit omnis caro, quia os Domini locutum est.* Quæ verba clariùs referuntur, appropriata ad nostrum intentum, in Euangelio Lucæ c. 3. *Omnis vallis implebitur, & omnis mons, & collis humiliabitur: & erunt praua in directa, & aspera in vias planas: & videbit omnis caro salutare Dei.* Super quem locum ita ratiocinor, Deus ab initio creauit terram circumquaque aquis circumdatam, ita ut esset inhabitabilis. Ut autem eam redderet habitabilem, maximam eius partem erexit in montes, relictis vallibus, alijsque vacuitatibus, in quibus coercuit aquas, ut dicitur Gen. I. *Congregentur aqua, quæ sub calo sunt, in locum unum, & appareat arida; & vocauit Deus aridam,*

con-

congregationesque aquarum appellavit maria. Quia tamen hoc fecit, ut habitaretur terra, ideo hæc dispositio nō fuit facta, ut duraret in æternum, sed solum ad tempus, quomdiū videlicet electi ad cælum, repararent ruinas angelorum. Ergo illis reparatis, debent aquæ redire ad suū locum, & occupare totam extimam terræ superficiem, quam subiectam tenebunt in æternum, ut integer conseruetur ordo elementorum. Et ideo videmus, quod paulatim finali appropinquante iudicio, in quo cessabunt rerum generationes, partim ventis, partim aquarum violentis inruptionibus, terremotibus &c. montium vertex deprimuntur, fluuiorumque, marisque alvei attolluntur, ipsæque valles, terræ, saxorumque eluuiis complanantur. Quando ergo omnes montes, & colles fuerint humiliati, & valles repletæ, redeuntibus elementis ad sua loca, tunc videbit omnis caro salutare Dei, nempe filium hominis, homines finaliter iudicantem. Atque adeo nisi pueri velut pisces innatent aquis, non poterunt extimam terræ superficiem habitare. Vnde concludendum est, prò illis aliquem locum subterraneum esse à supremo Iudice destinandum, iuxta distributionem accommodam, quam tradidimus cum D. Thoma.

Neque obstat, quod in libris de cælo, & alibi supposuimus, huiusmodi pueros esse collocandos, post finale iudicium,

in extrema terræ superficie, in melius cōmutata. Primò quia cūm de hoc nihil certi habeamus è sacris paginis, in illā partem potuimus inclinare. Atque adeo quicumque vellet hanc sententiam propugnare, posset asserere, in reditu elemētorum ad propria loca, esse præseruandam à Deo, altissimam aliquam terræ partem, immunem ab aquis, in qua hi pueri collocentur. Deinde quia à nonnullis asseritur, terrestrem paradysum, speciali Dei prouidentia, non fuisse Noetici aquis diluuij deuastatum, sed adhuc incolumem conseruari, illumque fuisse à Deo prò his pueris destinatum, quamuis re maturè considerata, hanc opinionem in præsentī non prosequamur.

Ad 1. Nego consequentiam. Ad auctoritatem Synodi Africanæ, patet responsio ex ipso canone, qui cum damnet solūm collocantes hos pueros, in aliquo medio loco regni cęlestis, in quo participant de cęlesti beatitudine, impertinenter se habet ad casum nostrum. Ad Augustinum, aliosque Episcopos Bizancanæ prouinciæ, satis, superque respondimus ar. 2. & 3. vbi etiam respondimus ad Fulgentium, Ariminensem, aliosque sententiæ oppositę. Auctoritas Gelasij Papę contendit solūm contra Pelagium, hos pueros damnari perpetua exclusione à regno cęlesti, non autem pęna positīua. Ergo nihil valet contra nos.

Ad 2. Patet responsio ex supradictis, quan-

quando cum D. Thoma, aliisque quam plurimis classicis auctoribus, probauimus, nomine inferni intelligi omnem locum subterraneum, in quo præter pœnam damni, non solum pueri carebunt omni pœna positiua, sed multis etiam fruuntur voluptatibus, statui congruentibus.

ARTICVLVS VI.

An primi parentes peccauerint per ignorantiam? Vbi de eorum tentatione, & peccato.

Videntur peccasse, Primò quia omnis peccans est ignorans, vt dicitur 3. ethic. & nos sæpe supposuimus vt verissimum, ex D. Tho. Ergo non potuerunt peccare, nisi ex ignorantia. 2. Primi parentes potuerunt decipi, etiam in statu innocentia, vt docet Apostolus 1. Timoth. 2. dicens, *Mulier seducta in preuaricatione fuit*, & elicitur ex 3. Genes. in quo Eua se excusans dixit Deo, *Serpens decipit me*. Sed decaptio est ignorantia in decapto. Ergo potuerunt operari ex ignorantia. 3. Primus homo in statu innocentia, non fuit doctior Angelis, adeoque non habuit omnem sciētiam, sed pluriū nescientiam, per quam potuit decipi. Ergo potuit ignoranter operari.

Conclusio *Primi parentes non peccauerunt*

uerunt ex ignorantia, neque errore speculativo, sed pratico, neque carnis tentatione, sed sola Damonis suggestione; eorumque primum peccatum fuit superbia.

Probatur prima pars cum nostro Argentine in 2. d. 17. q. 1. ar. 3. Primò quia ignorantia inflictà est illis in pēnam primi peccati. Cū ergo pāna non possit prācedere culpam, hęc non potuit esse ex ignorantia. Consequētia est cuiusdē. Antecedens probatur, ignorantia inducta est ex hoc, quòd ratio destituta sit suo ordine ad verum, vt docet D. Tho. p. 2. q. 85. ar. 3. ex Aug. in enchir. c. 24. & 3. de lib. arb. 6. c. 18. Sed hęc destitutio non potuit induci, nisi in pānam. Ergo sicut in pānam fuit destituta voluntas suo ordine ad bonum, vnde passa est vulnus paupertatis, ita & ratio vulnus ignorantie. Probatur minor, primi parentes fuerunt creati perfecti, non solum secundū carnem, vt vacarent generationi, sed etiā secundū mentem, vt filios educarent, & edocerent. Ergo habuerūt omnem cognitionem sibi congruentem, qua spoliari nō poterant, nisi ex delicto, quod solum potuit illos deijcere ad ignorantiam.

Deinde, neque habuerunt ignorantia iuris, neque facti. Non primam, quia in ipsa Damonis suggestione, fuit facta expressa mentio iuris, *Cur praecepit vobis Deus, vt non comederetis ex omni ligno Paradisi?* vt dicitur Genes. 3. Cui respondit Eua, *De fructu ligni, quod est in medio Paradisi,*

radisi, precepit nobis Deus, nè comederemus, & nè tangeremus illud, nè fortè moriamur. Neque secundam, quia dicitur ibidem, Vidit mulier, quòd bonum esset lignum ad vescendum, & pulchrum oculis, aspectuque delectabile, & tulit de fructu illius, & comedit, dedisque viro suo, qui comedit. Ergo nullam, adeoque non peccarunt ex ignorantia.

Probatur secunda, quia non potest fieri electio fugiendorum, nisi adsit deordinatio in appetitu. Sed primi parentes elegerunt esum pomi vetiti, quem abhorere debebant. Ergo habuere appetitum deordinatum. Cum ergo electio obiecti fugiendi, ex deordinatione appetitus, sit error practicus ipsius electionis, in qua practicè erratur, non peccauerunt errore speculatiuo, sed practico. Et ratio est, quia hic error fuit ili culpabilis, vtpote liberè volitus. Ergo meruit mentis deordinationem, qua falsò putauerunt, sibi hic, & nunc expedire appetitum propriæ excellentiæ, vnde fuere determinati ad esum pomi. Sed speculatiuè non potuerunt errare, eò quia cognitio eorum speculatiua, præcessit omne peccatum, adeoque non potuit esse deordinata, saltem, prò priori natura ad omne eorum peccatum, vt melius infra patebit.

Probatur tertia, ratione iustitiæ originalis, omnia interiora primorum parentum erant ordinatissime disposita, & subdita rationi. Ergo non poterant per effrenem

nem concupiscentiam rebellare.

Probatur quarta, ex 3. Genes. *Serpens erat callidior cunctis animantibus, qui dixit ad mulierem, quare precepit vobis Dominus, ut non comederetis ex omni ligno Paradisi?*

Probatur quinta, cum Durando in 2. d. 22. q. 1. & 2. D. Tho. 1. 2. q. 82. ar. 2. ad 1. & alijs, quia intantum primi parentes comederunt de pomo vetito, inquantum e suggestione Dæmonis, putauerunt, per eius esum fieri sicut Deos, *Eritis sicut Dij.* Sed appetitus finis est prior appetitu, & multò magis executione eorum, quæ sunt ad finem. Ergo primum eorum peccatum, fuit inordinatus appetitus propriæ excellentiæ, ad quem subsequutus est appetitus pomi vetiti, & ad illû eius esus. Atque adeo prima fuit superbia, secunda gula, & vltima inobedientia, docente D. Tho. loco cit. *In peccato actuali primi parentis, fuit multiplex peccati deformitas; fuit enim ibi superbia, inobedientia, gula &c.* Minor, & consequentia sunt euidentibus. Maior probatur, quia sicut Diabolus ceciderat per superbiam, ita probabilissimum censeo, quòd etiam primi parentes fuerint ab ipso ad superbiam incitati, ut dicitur Eccl. 10. *Initium omnis peccati superbia.* Neque obstat, quòd ad Rom. 5. dicatur, peccatum intrasse in mundum per inobedientiam, *Sicut enim per inobedientiam unius hominis, peccatores constituti sunt multi, ita & per unius obedi-*

*obeditionem, iusti constituentur multi. Si-
quidem superbia Adæ nobis non nocuif-
set, nisi ex illa subsecuta fuisset inobe-
dientia, circa pomum vetitum, vt proba-
uimus disp. 3. ar. 2; eo quia Adam non
fuerit constitutus caput morale omnium
nostrum, nisi in ordine ad præceptum de
pomo scientiæ. Ergo licet inobedientiã
præcesserit superbia, non tamen per hanc,
sed per illam peccatum originale intra-
uit in mundum, inficiendo posteros.*

*Ad 1. Nego consequentiam. Et dico,
auctoritatem Philosophi non extendi, ad
primum Adæ peccatum, de quo nullam
habuit notitiam, sed ad alia, quæ à poste-
ris patrantur; & de his tantum locuti su-
mus alibi, cum D. Thoma, supponendo,
ignorantiam prouenisse nobis, in pñam
peccati originalis, non autem ipsi Adæ
qui post primum peccatum superbiæ, pas-
sus est obcæcationem mentis, & depra-
uationem voluntatis, vnde potuit igno-
ranter patrare peccatum inobedientiæ,
quod fuit nobis originale, vt docet D.
Thom. 1. p. qu. 94. ar. 4. ad 1. inquit,
*Seductio mulieris, etsi nõ præcesserit peccatum
operis, subsecuta tamen est peccatum inter-
na elationis.**

*Ad 2. Nego antecedens, cum D. Tho.
q. 18. de veritate ar. 6. & Durando in
2. d. 23. q. 3. n. 8. Et ratio est, quia ho-
mo in illo statu (vt hic loquitur) præser-
uabatur ex parte animæ à deceptione, respec-
tu quorundam à principio intrinseco, scili-
cèt*

et respectu eorum, quorum scientiam habuisset, per scientiam suam; respectu vero aliorum, quorum scientiam non habuisset, preservatus fuisset ex divina providentia sibi assistente, nè falsis assensum præberet. Et ratio est, quia dæceptio, & error, cum sint iudicia falsa, sunt mala homini. Ergo non potuerunt convenire homini existenti in statu primeque innocentie, in quo erat omnino perfectus, nullique malo subiectus. Ad auctoritates allatas dico, Eua non fuisse seductam ad primum peccatum elationis, & superbie, sed ad alia inobedientie, & gulæ, ut docet Aug. *Mulier verbis serpentis non crederet, nisi iam inesset mentis eius amor propria potestatis, & quedam de se superba presumptio.* Et ideo primum peccatum fuit adeo graue, quia ex plena eius malicie cognitione processit. Illo autem admisso, statim homo deiectus est e statu innocentie, & incidit in ignoranciam, per quam deinde seductus est, ad vetitum pomum comedendum, unde facius est infidelis, preuaricando a diuino præcepto.

Ad 3. Nego consequentiam. Quamuis enim primus homo verè habuerit plurimum nescientiam, etiam in statu innocentie, non tamen potuit decipi, quia ab omni dæceptione preservabatur, ut dictum est. Ergo pro illo solo instanti potuit decipi, pro quo se deiecit, e statu innocentie. Cum ergo per superbiam se deiecerit e statu innocentie, pro eodem instanti

ti reali potuit decipi, errore quidē pratico cōcomitanti, & speculatiuo, solūm prò posteriori natura ad tale peccatum.

Dices, Pænæ nō fuerunt inflictæ, nisi per inobedientiā, vt dictum est. Ergo cū decaptio, & ignorantia sint pænæ, non fuerūt inflictæ per primū peccatū superbiz.

Distinguo antecedens, pænæ inflictæ toti naturæ humanæ, non fuerunt, nisi ob solam inobedientiam, concedo: pænæ inflictę ipsi soli peccanti, non transfundendæ in posteros, nego antecedens. Et distinguo consequens, decaptio, & ignorantia afficientes primos parentes, vt singularia indiuidua, non fuerunt illis inflictæ ob superbiam, nego: pænæ inflictæ Adamo, vt capiti morali, adeoque vt transfundendæ in eius posteros, concedo consequentiam. Ad cuius intelligentiam dico, Adamum posse considerari vt caput morale, & vt singulare indiuiduum naturæ humanę. Primo modo consideratus, quia talem dignitatem non habuit, nisi in ordine ad præceptum de pomo scientiæ, ideo sicut per solam eius obseruantiam, transfudisset in posteros iustitiā originalem, ita per solam eius inobseruantiam, transfudit mortem, aliasque pœnalitates ab illa deriuantes. Si verò consideretur secundo modo, quia non habuit dignitatem capitis morales, ideo sicut non potuisset prodesse posteris, per suos actus virtuosos, sed tantum sibi, ita nocere non potuit. Et ideo diximus disp.

disp. 3. ar. 2. quòd si Adam seruasset hoc diuinum præceptum, & peccasset contra alia, ipse solus fuisset punitus, modo cōgruenti diuinæ iustitiæ, vt communiter asseritur de Eua, cuius peccata, vtpote singularis personæ, nullatenus filijs nocuissent. His positis, peccanti Adamo per superbiam, inflicti sunt error, & ignorantia, quibus adactus, dedit locum Eux suggestioni, vt peccaret tamquàm caput morale, vnde factum est, quòd hæc pæna, quæ stetit in ipso, in filios deriuauit, cum ipso peccantes in transgressione diuini præcepti, de non comedendo pomo, quod solū ili factum fuit vt capiti morali.

Urgebis, ergo inobedientia non nocuit Adæ, sed nobis, qui soli subiecti fuimus ignorantie, cui ipse per superbiam subiectus fuerat. Nego consequentiam.

Quamuis enim Adam per inobedientiam non inciderit in pænalitatem ignorantie, cui fuit subiectus per superbiam, tamen indit in pænalitatem multo peiorem, nempe in amissionem iustitiæ originalis, in mortem, captiuitatem Diaboli, & alia, quæ recensentur à Trid. sess. 5. can. 1. quæ illi Deus fuerat comminatus. Præterquamquòd quia quantitas pænæ attenditur iuxta quantitatem delicti, ideo cū elatio Adæ ordinaretur ad esum pomi, tamquam ad vnicū medium affectatæ diuinitatis, ex illo, *Eritis sicut Dī*, prius quam opere compleretur, non habuit malitiam vndequaque consumatam. Er-

go

go neq; potuit puniri perfecta ignorantia, intellectū deprauante, quæ sola subsecuta est superbiam, externo opere consummatam, quam posteris communicauit. Atque adeo per inobedientiam, quatenus dicit distinctam deformitatem, à deformitate superbiæ, verè Adam fuit punitus etiam ignorantia, qua sibi, & nobis nocuit.

ARTICVLVS VII.

An homo ratione peccati originalis, incurrerit pœnam priuationis potentie proxime, ad perseuerandum in bono, & reprobationis?

V Idetur incurrisse, vt mordicùs tueretur supra Laudatus, Enricus de Notis in vindicijs Augustin. c. 4. §. 10. pag. 34. Primò quia per peccatum originale, factus est homo natura filius iræ, indignus qualibet gratia. Ergo etiam factus est indignus gratia sanctificante, qua accedat ad Deum, & gratia pers. uerentiæ finalis, per quam à Deo non ampliùs reuedat. Sed gratia perseuerantiæ finalis, facit hominem proximè potentem, & expeditum ad ita operandum, vt possit perseuerare, & mori in statu gratiæ sanctificantis. Ergo eius priuatio facit homi-

minem impotentem, seu habentem priuationem potentiae proximae expeditae ad perseverandum in bono.

2. Tridentinum sess. 6 can. 12. definit, *Siquis dixerit, iustificatum, vel sine speciali auxilio Dei, in accepta iustitia perseverare posse, vel cum eo non posse, anathema sit.* Ergo donum perseverantiae est beneficium speciale Dei, amissibile tamen, & negabile.

3. Sicut potuit homo per primum peccatum subire poenam concupiscentiae ad agonem, ita potuit subire poenam priuationis potentiae proximae, ad perseverandum. Ergo perseverantia non est debita naturae, sed gratia; atq; adeo potest non dari, vel data auferri. Sed carentia doni perseverantiae, est causa damnationis. Ergo quia haec est poena peccati originalis, hoc est causa damnationis, seu reprobationis.

4. S. Gregor. Papa in illud Psal. 101. *Cinerē tāquam panem manducabam,* inquit, *Ex peccato primi parentis accepimus, ut ne in ipsa iustitia stabiles esse possimus.* Ergo habemus in poenam priuationem potentiae proximae ad perseverandum, non auferibilem, nisi e speciali Dei beneficio.

5. Homo per peccatum originale factus est massa perditionis, ita ut suis viribus resurgere non potuisset, ut statutum est ab Innocentio Primo, & Concilii contra Pelagium. Ergo factus est subiectus Diabolo, inimicus Dei, & di-

gaus

gnus inferno, quod est proprium reprobationis.

6. In ratione studiorum Societatis Iesu tit. de opin. delectu regula 6. pag. 14. dicitur, *Non solum ex parte nostra nulla fuit ratio, seu conditio predestinationis, sed neque absolute dicendum est, esse in nostra potestate, ut predestinemur, nec salvi fiant ulli, nisi predestinati.* Et Reg. 13. Reprobationis, *qua ceteri homines excidere ab ultimo fine permitti sunt, causa fuit peccatum originale.* Ergo dicere oppositum, est contradicere toti Iesu doctissimæ Societati.

7 Malach. I. dicitur, *Nonne fratres erat Esau, Iacob, dicit Dominus? Et dilexi Iacob, Esau autem odio habui.* Super quem locum Aug ep 105 ait, *Quid oderat in Esau, antequam fecisset aliquid mali, nisi originale peccatum?* Et lib 1. ad Simplicianum q. 2. *Non igitur odit Deus Esau hominem, sed Esau peccatorem, nempe solo peccato originali.*

I. Concl. *Quamvis Deus potuisset simpliciter, & absolute negare homini constituto sub peccato originali, omnem gratiam ad resurgendum, non tamen defacto illam negavit, & multo minus negavit potentiam proximam, ad bene agendum, & perseverandum in bono.*

Prima pars admittitur ab omnibus catholicis. Cum enim homo per originale peccatum, amiserit sanctitatem, & iustitiam, & incurrerit iram, & indignationem.

tionem Dei, cum morte, & captiuitate Diaboli, vt docet Trid. sess. 5. can. 1. potuit Deus illum relinquere in tali statu, absque vlllo remedio, ad quod non tenebatur. Ergo potuit, non solum illi negare potentiam proximam ad perseuerandum, sed etiam potentiam simpliciter necessariam ad resurgendum, & per consequens ad operandum sicut oportet, in ordine ad vitam æternam. In hoc nulla est controuersia penès theologos.

Secunda etiam est certa, & de fide, per quam credimus, Deum misisse suum vnigenitum, vt nos redimeret à captiuitate Diaboli, & daret nobis potestatem, filios Dei fieri, vt dicitur Io. 1. Sed hæc gratia redemptiua nihil prodesset, nisi etiam daret nobis gratias actuales, per quas possimus illam applicare, ad obseruantiam legis Euangelicæ, à Christo institutæ. Ergo defacto non denegauit gratiam baptismalem, ad tollendum peccatum originale, & alias consequentes, quibus Christum sequamur.

Probatur tertia pars, Primò quia non potest nobis Deus præcipere impossibilia, vt expressè definitur à Trid. sess. 6. cap. 11. Sed si negaret potentiam proximam ad bene agendum, & perseuerandum, præciperet nobis impossibilia. Cum enim vtrumque cadat sub præceptum, eiusque obseruantia haberi non possit, siue potentia proxima ad operandum, siue tali potentia, redditur impossibile quod præ-

præcipitur. Ergo in sensu composito cum præcepto, non potest negare talem potentiam, vndecumque illa constituitur. Deinde fusè probauimus in tr. de prædest. disp. 7. ar. 2. omnibus, & singulis adultis baptizatis dari auxilia sufficientia ad salutem, etiam in statu peccati læthalis. Ergo multò magis datur principiū proximum, sine quo nihil iuuarent. Idem diximus ibid. articulis sequētib; de obduratis, infidelibus, & omnibus alijs. Ergo in lege gratiæ, nullus punitur tali priuatione. 3. peccatum originale tollitur per baptismum, vt est de fide. Ergo in baptizatis non potest esse causa talis priuationis; aliter daretur effectus sine causa, quod repugnat. Neque obstat, quòd illo extincto, remaneant aliæ pænalitares, vt ærumnæ, ignorantia, mors, &c. Siquidem hæ non impediunt viam salutis, immò cū remaneant ad agonem, illam promouent, si patienter tolerentur, quod non valet de tali priuatione, quæ reddit omninò impossibilem viam salutis. Ergo non esset pura pænalitas, sed carentia medijs necessarijs, ad assequendum finem vltimum, quæ non potest infligi in pænam sceleris condonati. Demum hæc priuatio inuitabiliter traheret inobseruantiam mandatorum. Ergo si daretur in pænam, pæna peccati esset causa peccati, quod est absurdum.

2. *Concl. Potest quidem peccatum originale esse causa remota, & per accidens*

I

re -

reprobationis ad flammās, non tamen causa proxima, & per se.

Probatur prima pars, peccatum originale priuauit hominem gratia sanctificante, & iustitia originali, vnde pro-
uenerunt cæcitas mentis, rebellio carnis,
& peruersitas voluntatis, vt expendimus
in I. art. Cùm ergo hinc soleant deri-
uare omnia alia peccata actualia, per quæ
homines reprobantur ad flammās, ideo
fuit radix, & causa remota reprobatio-
nis hominum, qui numquam fuissent ad
flammās reprobatī, si non extitisset pec-
catum originale. Quia tamen hoc non
physicè influxit in talia peccata, quæ
non necessariò ab illo deriuarunt, & per
adiutorium diuinæ gratiæ, potuissent eui-
tari, sicut defactio à iustis fuerunt eui-
tata, ideo fuit solùm causa per accidens
reprobationis, quatenus viri nequam,
per accidens, & ex propria malitia, si-
uerunt se trahi ab effectibus peccati ori-
ginalis, ad peccandum, cùm potuissent
illis resistere, & proficere in tali pugna.

Probatur secunda pars, Primò quia,
pæna propria peccati originalis, est sola
perpetua exclusio à regno cælesti, quæ
dicitur pæna damni, vt fusè probauim-
us ar. 2. & 3. Ergo non potest esse
causa reprobationis ad flammās, seu pæ-
næ positivæ, quæ dicitur pæna sensus;
aliter puniretur supra condignum, quod
repugnat diuinæ bonitati, quæ semper
punit citra condignum, vt omnes faten-
tur.

tur. Deinde quia vel originale, ut formaliter tale, ante prauisionem peccatorum actualium, esset per se causa sufficiens reprobationis positivæ, vel solū ut coniunctum cum prauisione actualiū? Si primum, cum tale peccatum, ut proprium totius humanæ naturæ, diffundatur in omnes homines, & Deus non sit acceptator personarum, ante omnem prauisionem actualium, omnes indiscriminatim reprobarerentur ad flammam, & sic omnes inuitabiliter perirent, & nullus saluaretur, quod est erroneum. Hoc enim admissio, Christus nulli profuisset, nisi Deiparæ, quæ sola non contraxit originale, quod est hæresis manifesta, nostræ fidei destructiua. Si verò dicatur secundum, Ergo causa reprobationis positivæ, non est originale, sed præscientiæ actualium, & impenitentię finalis, quæ cum possit dari etiam de adultis ritè baptizatis, in quibus fuit extinctum originale, superest quòd hoc sit solū causa remota, & per accidens reprobationis, & causa proxima sint sola actualia, ut sunt in diuina præscientia, ut probauimus in tr. de prædest.

Ad 1. Patet responsio ex probatione primæ partis. Cum enim solū probet, potuisse hominem relinqui in statu perditionis, ex quo suis viribus resurgere non potuisset, confirmat nostrā doctrinam. Dico ergo, gratiam redemptionis, ut nobis indebitam, potuisse

absolutè negari, non tamen vt eleuatis ad statum diuinæ adoptionis, in quo cùm Deus præfixerit nobis vitam æternam, non solùm vt hæreditatem, sed etiam vt mercedem, correspondentem nostris laboribus, subeundis in obseruantia suorum mandatorum, tenebatur dare vires ad operandum, aliter præcepisset impossibilia, & in ipsa eleuatione ad suam adoptionem, magis nos depressisset, eò quia posuisset nos in tali statu, in quo non haberemus sufficientiam, nisi ad malum, negata qualibet ad bonum potestate, quod est hæresis Calviniana. Neque obstat, quòd finalis perseuerantia sit donum Dei. Siquidem fusè probauimus in tr. de præd. disp. 4. ar. 3. quomodo clementissimus Deus, illud ita posuerit in nostra potestate, vt licèt nostris solis viribus perseuerare nō possimus, sed necessariò indigeamus gratuito diuino auxilio præueniente, & cooperante, nulli tamen vtrumque denegetur. Ergo nulli negatur, quòd possint bene agere, & in bono perseuerare, & sola sua culpa, mali non perseuerant.

Vnde patet responsio ad 2. Scut enim Adam, licèt habuerit potentiam proximam, ad perseuerandum in statu innocentia, cuius priuationem non potuit mereri, per primum peccatum nondùm patratum, tamen actu non perseuerauit; ita ex non perseuerantia finali, non valet consequentia ad priuationem potentia.

rentiæ proximæ ad perseverandum, quæ proinde non datur in pñam peccati originalis, quæ posita, per hoc ipsum redderetur impossibilis actualis perseverantia. Quare locus Tridentini facit prò nobis. Cùm enim statuat, posse perseverare, esse speciale beneficium Dei, illo negato, non daretur posse perseverare, unde fieret impossibilis actualis perseverantia.

Respondet Noris, Adamum habuisse quidem potentiam proximam ad perseverandum, per modum habitus, non tamen habuisse donum actualis perseverantiæ, quæ plenè fuit subiecta eius arbitrio. Posteriores autem neque habent donum perseverantiæ per modum actus, neque per modum habitus, in pñam peccati Adæ, qui perdidit sibi, & posteris auxilium constituens potentiam proximam perseverandi, quod si nunc daretur in natura lapsa, non esset sufficiens, ad constituendam talem potentiam.

Sed contra est, Primò quia etiam in natura lapsa, actualem perseverantiam posuit Deus in nostra potestate, ut probauimus loco nuper citato. Deinde quia si illud numero auxilium, quod habuit Adam, nunc non sufficeret, Deus daret aliud, ut daret sufficiens ad posse perseverare. 3. D. Aug. lib. 3. con. Iul. c. 18. ait, *Bonus est Deus, iustus est Deus, potest aliquos sine bonis meritis liberare; quia bonus est, non potest quemquam sine*

meritis damnare, quia iustus est. Baptizatus autem non habet ex peccato originali iam deleto, meritum damnationis. Ergo neque habet meritum carentiæ potentiæ proximæ ad perseverandū, quæ necessariò, & infallibiliter inducit per modum causæ, ad peccandum, adeoque ad damnationem, ut ipse Noris fatetur pag. 134.

ARTICVLVS VIII.

Soluuntur alia argumenta contraria, & roboratur doctrina.

AD 3. Nego antecedens, & paritatē. Et ratio est, quia concupiscentia, licet inclinet ad malum, non tamen necessitat; & ideo possumus gratia confortati, illi resistere, & resistendo de illa triumphare, ut faciunt Sancti; aliter si nos inuitabiliter prosterneret, non esset ad agonem, sed ad perniciem. At priuatio potentiæ proximæ ad bonum, quia tollit vires ad resistendum malo, & inermes exponit potentissimo hosti, ineluctabiliter inducit ad lapsum, ut supra considerauimus. Ergo non potest infligi ad agonem, sed ad interitum, adeoque non currit paritas.

Ad 4. Nego consequentiam. Ex eo enim quod solis proprijs viribus perseverare nequeamus, ut docet Gregorius, in-

infertur quidem indigentia diuini adiutorij, non tamen priuatio potentia proxima. Cum enim Deus nulli neget auxilia sufficientia, quibus fiant proxime potentes, ad bene agendum, & in bono perseverandum, à nullo subtrahitur hæc potentia. Aliter Deus obligaret filios Adæ ad impossibile, quod repugnat catholicæ veritati.

Ad 5. Concedo totum, quod nihil probat ad intentum. Ex eo enim, quod homo in natura lapsa, non possit suis solis viribus resurgere, e captiuitate peccati, & operari sicut oportet, non sequitur, quod simpliciter non possit, supplente Deo suis gratuitis auxilijs, defectum virium ipsius hominis, quod supplementum quia licet indebitum, nulli negatur, ideo de nullo potest verè dici, quod non possit perseverare, ex defectu potentia. Aequiuocatio autem deriuat ex hoc, quod confundatur potentia naturalis, cum supernaturali, & ex priuatione vnius, inferatur alia. Præterea confunditur potentia proxima, quam habuit Adam in statu innocentia, cum illa, quam nos habemus in natura lapsa. Quia ergo Adam cum paucioribus auxilijs potuisset perseverare, ratione iustitia originalis, ideo infertur quidem, dari in nobis priuationem similis potentia, per quam possimus iisdem auxilijs perseverare, posito quod simus destituti iustitia originali, non tamen

priuationem cuiuscumque potentia proxima, ad perseuerandum, cum nunc det nobis Deus auxilia validiora, quorum vis suppleat defectum alterius potentia, quam dedisset in statu innocentia. Deum hac argumenta supponunt semper, quod Noris toties inculcat, nempe Deum, in pœnam peccati originalis, posse subtrahere à nobis omnia auxilia, etiam sufficientia, quo admissio, quia potentia proxima ad perseuerandum, constituitur ex diuinis auxilijs, ideo infert, quod possit nos punire priuatione illius. Quia tamen hæc doctrina fuit à nobis fusè reiecta in tract. de prædest. tamquã repugnans auctoritati, & rationi, ideo corruente fundamento, nihil probat. Peto enim ab Aduersario, an omnes Deus obliget ad obseruantiam mandatorum? Non potest respondere negatiuè, quia contradiceret Conc. 2. Arauxic. can. ult. Neque affirmatiuè (retinendo hanc opinionem) quia Deus taliter priuatis præciperet impossibilia, quod reiicitur vt hereticum, & temerarium à Tridentino sess. 6. c. ij. Ergo hæc opinio sustineri non potest à catholicis,

Ad 6. Nego consequentiam. Et ad primum testimonium dico, ibi esse sermonem de prædestinatione, quoad omnes eius effectus, includendo etiam primam gratiam, cuius nulla datur causa ex parte nostri, non autem quatenus dicit

cit electionem ad gloriam. Præterquàm-
quòd retorqueo argumētum, Deus gra-
tis prædestinat ad gloriam. Ergo tene-
tur dare media necessaria ad eius affec-
tionem, inter quæ potissimum est poten-
tia proxima ad perseuerandum, adeòq;
hoc testimonium est contra aduersariū.
Ad 2. Dico, peccatum originale, in ta-
li loco non statui vt causam proximam,
& per se reprobationis, sed solum re-
motam, & per accidens, vt dictum est.
Ergo hinc nihil probatur ad intentum.

Ad 7. Dico, sæpe ab Augustino ex-
poni talem locum, de odio Dei repro-
batiuo à regno cælesti, cuius causa per
se est peccatum originale, non expia-
tum per baptismum, vt accidit pueris
non baptizatis, morientibus ante vsum
rationis. Quo argumento sæpe vsus est,
ad probandum peccatum originale, ad-
uersùs Iulianum. Quod si trahatur ad
odium reprobatiuum ad flammam, quod
dicitur reprobatio positiua, peccatum
originale est quidem causa illius, non
tamen proxima, & per se, sed solum,
remota, & per accidens, vt dictum est.
Quare peccatum originale est causa v-
triusque reprobationis, sed diuerso mo-
do, & ideo loco citato ex lib. 1. ad Sim-
plic. q. 2. subdit August. *Vt autem odisset*
Esau, nisi iniustitia merito, iniustum est.
Super quem locum ipsemet Noris, in-
quit, *Quare nullo pacto Deum futurum*
iustum asseuerat, si homines reprobareret, nul-

lo in ipsis existente peccato. Vnde obiter inferitur, à Deo nullum reprobari, siue positiuè, siue negatiuè, nisi ex præscientia peccati, vel actualis, vel originalis. Alia responsio fusiùs explicata, videri potest in tr. de Prædestinatione.

ARTICVLVS IX.

An peccatum inobedientiæ fuerit in Adam pœna peccati superbiæ?

Vbi an vnum peccatum possit esse pœna alterius?

Videtur fuisse, quia vnum peccatum potest esse pœna alterius peccati, vt docet Scotus in 1. d. 36. q. vii. cui non dissentiant plures alij, cum Gabriele, & Mag. in 2. d. 36. Primò quia malum culpæ est odibile. Ergo potest habere rationem pœnæ, sicut alia mala odibilia, vt sunt læsua, & dolorifera. 2. In culpa possumus præscindere rationem mali, à ratione delectabilis. Ergo licet vt delectabilis, quia non est inuoluntaria, non possit habere rationem pœnæ, tamen potest habere, vt mala, quia vt talis est inuoluntaria, cum nullus velit peccatum quia malum, sed quia delectabile. 3. Etiā pœna potest libenter acceptari, & sponte subiri, vt videmus in pœnitentibus. Ergo potest esse voluntaria. 4. Culpæ
vt

vt passio, nempe vt recipitur in operante, non est voluntaria, licet sit voluntaria, vt ab illo procedit per modum actionis. Ergo vt passio, potest esse pœna. Potest ponere peccantem, sub ordine diuinæ iustitiæ, cùm sit iustum, vt qui malum fecit, malum recipiat. Ergo potest esse ordinatiua culpæ, adeoque pœna alterius culpæ

Concl. Quamuis possit unum peccatum esse causa alterius, non tamen potest esse pœna. Et ideo inobedientia Adæ non fuit pœna eius superbię. Ita D. Tho. 1.2. q.87. ar.2. Durandus, Complutenses, & pluri alij.

Probaturs prima pars, Primo auaritia est causa furti, ira, odium, & inuidia, causant homicidia, & ideo Cain occidit suum fratrem Abel: cupiditas inordinata causat iniustitiam &c. Deinde vnum peccatum est causa, vt peccans deseratur à Deo, vt dicitur ad Roman. 1. *Propter quod tradidit illos Deus in desideria cordis eorum, quæ sunt animæ passionēs, vt exponit hic D. Thomas, à quibus vincuntur, vt iterum peccent. Et ideo sequitur Apostolus ibid. Tradidit illos Deus in passionēs ignominie: Et inferius, Tradidit illos Deus in reprobū sensum, vt faciant ea, quæ non conueniunt, repletos omni iniquitate &c.* Tertio 1. ad Timot. c. vlt. dicitur, *Radix omnium malorum est cupiditas.* Et Eccl. 10. *Initium omnis peccati est superbia.* Ergo vnum

peccatum potest, & sæpe est causa alterius peccati, ut fusè probatur à D. Tho. 1. 2. q. 84. per totam.

Probatur secunda, Primò, quia pœna est inuoluntaria, & displicet, peccatum verò est voluntarium, & placet. 2. Pœna est directè volita, & causata à Iudice. Sed peccatum non potest esse directè volitum, & per se causatum à Deo. Ergo non potest infligi in pœnam alterius peccati. 3. Si culpa posset esse pœna, posset iustè acceptari, & patrari, cum quisque possit, immò teneatur acceptare, & subire pœnam sibi impositam à iusto iudice. Ergo posset quis iustè peccare, & facere iuxta, & contra voluntatem Dei, quod repugnat. 4. Pœna est vindicta sumpta prò offensa Dei. Ergo non potest esse formaliter ipsa offensa; aliter prò secunda posset infligi tertia, & sic deinceps, quod induceret infinita peccata. 5. Pœna est de sua ratione sanatiua culpæ, quæ est morbus animæ. Ergo non potest esse formaliter ipse morbus, aliter esset illius inductiua, & nō sanatiua. 6. Punitus cogitur à Deo, ad subeundam pœnam delicto taxatam. Ergo peccans cogeretur ad peccandum, quo nihil absurdius. Vnde remanet probata tertia pars.

Ad 1. Nego consequentiam. Quamuis enim malum culpæ sit Deo odibile, non tamen ipsi agenti, cui est delectabile. Ergo non potest esse pœna, quæ debet

bet esse amabilis Deo , & odibilis patienti.

Ad 2. Nego consequentiam, propter similem rationem. Siquidem culpa, ut præcisa à ratione delectabilis, est purè mala, adeòque Deo odibilis. Ergo non potest ab illo amari, ut pana peccati. Quamvis enim, ut talis, esset inuoluntaria, & odibilis etiam ipsi peccanti, nō tamen posset esse volita ab æterno Iudice, ut medium exercendi in reum suam iustitiam punitivam; aliter ex odio peccari, vellet peccatum, quod Deo repugnat,

Ad 3. Transeat consequentia, quæ non habet locum, nisi in ordine ad poenam, quæ possit ordinari ad bonum finem, tam bonum ex parte punientis, quàm ex parte puniti, cuiusmodi sunt corporis cruciatus, qui possunt à Deo ordinari ad bonum iustitiæ, & à punito ad bonum obedientiæ, & poenitentiae. Culpa verò cum ad nullum bonum finem sit ordinabilis, neque posset esse volita à punito, nisi ad malum finem, neque à punitore, nisi inhonestè, quæ repugnant poenæ, ut formaliter tali.

Ad 4. Nego antecédens. Primò quia actio, & passio sūt vnus, & idē motus physicus. Ergo si culpa ut actio, est voluntaria, est etiam ut passio. Deinde quod non est voluntarium, non est culpabile. Ergo si talis motus, ut passio, non est voluntarius, nō est culpabilis; adeòque licet ad-


mit-

mittatur, quod possit esse poena, non tamen promouetur intentum arguentis, qui exinde non probaret, quod culpa possit esse poena alterius culpæ, sed ad summum sui, ut videtur innuere D. Tho. 1.2. q.87. ar.2. in fine corporis. Neque obstat quod idem ibid. doceat, posse vnum peccatum esse per accidens poenam sui, & alterius peccati. Siquidem ibi nomine poenæ per accidens, intelligit, vel causam per accidens, ut iunt subtractio gratiæ, & permissio peccati; vel effectum per accidens ex peccato consequentem, ut sunt lassitudo virium, morbi, iactura diuitiarum, famæ &c. Ergo non intelligit peccatum, ut est formaliter tale, secundum quod egreditur à voluntate, ut se explicat initio corporis, & in responsione ad 3. & lect.7. ad c.1. ad Romanos, & lect.8. & alibi.

Ad 5. Nego consequentiam. Cum enim omnis culpa sit formaliter deordinatio, non potest esse ordinaria. Quando ergo dicitur, quod ponat sub ordine diuinæ iustitiæ, debet exponi in sensu passiuo, quatenus videlicet peccans ponitur à Deo sub ordine suæ iustitiæ. Et ratio est, quia hæc ordinatio est bona, & iusta, propter rationem allatam in argumento. Ergo non potest esse à peccato, quod in se est malum, & iniustum.

Quæres, an Adæ peccatum fuerit omnium maximum? Resp. cum S. Tho. 1.2. q. 163, ar. 3. secundum speciem, & in se
for-

formaliter consideratum, non fuisse omnium maximum, fuisse tamen ex circumstantiis peccantis, & effectuum, quos peperit. Hoc secundum patet, quia totam infecit naturam humanam. Primum probatur positiue, & negatiue, quatenus videlicet Adam erat dotatus gratia, iustitia originali, sapientia, totque alijs donis naturalibus, & supernaturalibus, nullumque habebat stimulum ad peccandum. Quamuis enim Eva illum pellexerit; tamen quia nondum habebat effrænem concupiscentiam, illam non amabat inordinatè; vnde traheretur ad illi complacendum in malo, sicut homines plerumque trahuntur in natura corrupta.





DISPVVTATIO VI.

De vario statu naturæ humanæ.



Ostquàm egimus de peccato originali, eiusque quidditatem, causas, & effectus considerauimus, agendum nunc est de ijs, quæ consecuta fuere naturā humanā per tale peccatum, quæ merito præcipuum eius effectum appellabimus, adeoque agendum est de statu naturæ lapsæ. Sed quia hæc disputatio magnam habet connexionem cum statibus antecedentibus, & consequentibus, ideo ad exactam eius notitiam, breuissimè percurrendi sunt singuli status, in quibus de facto fuit natura humana, præmissa celebri quæstione de possibilitate status puræ naturæ, qua absoluta, agemus de alijs statibus, nempe integritatis, in-

De vario statu naturæ hum. 197
innocentiæ, peccati, reparationis, &
permanentiae finalis.

ARTICVVS I.

An potuerit homo non ordinari ad finem supernaturalem, & creari in pura natura?

V Idetur non potuisse, ut acerrimè tuerentur Michael Baius, & Iansenius cum suis. Primò quia cælestis beatitudo non potest à Deo homini negari sine iniustitia, nisi ob peccatum, ut docet Aug. ser. 14. de verbis Apostoli, aduersus Pelagium, *Quare patrimonium regni calorum abripis innocenti? Quæ est ista iustitia Dei? Dic quæso quid offendit paruulus non baptizatus, nullam habens culpam?* Ergo est illi connaturaliter debita.

2. Celestinus I. in epist. ad Ep. Gallicæ docet, *Homines præuaricatione Adæ naturalem possibilitatem, & innocentiam perdiderunt.* Cui concinit August. qui lib. II. de Gen. ad lit. ait, *Amiserunt posse naturæ, & possibilitatem naturalem.* Sed possibilitas ad bene agendum, & ad perseverandum in statu innocentiae, habebatur per integritatem naturæ, & gratiâ habitualement. Ergo hæ erant Adæ connaturaliter debitæ; adeoque sine illis creari

ri non potuit, saltem de lege ordinaria.

3. Non potuit Deus hominem condere deterioris conditionis, quàm purè materialia, & ratione carentia. Sed hæc non potuit facere sine omnibus ijs, quæ spectant ad naturalem eorum integritatem, & quæ sunt illis necessaria, ad hoc ut singula possint assequi suos fines. Ergo neque hominem. Cum ergo homini sit præstitutus finis vitæ æternæ, ad quem ex natura sua ordinatur, non potuit condi, sine integritate, & gratia, sine quibus non posset illam assequi.

Conclusio, Potuit Deus non ordinare hominem ad finem supernaturalem, ad eòq; illum creare in statu puræ naturæ. Est communis inter Catholicos, aduersus Baium, & Iansenium.

Quòd Deus de potentia absoluta, potuerit facere hominem in puris naturalibus, hoc est destitutum gratia, iustitia originali, alijsque donis supernaturalibus, illumque relinquere in solis prædicatis, & proprietatibus, connaturaliter debitis, absque vllò ordine ad beatitudinem supernaturalem, sed cum solo ordine ad naturalem, est in confesso penès omnes, etiam aduersarios. Quæstio ergo procedit de potentia ordinaria, quæ videlicet operetur iuxta exigentiã, & naturalem inclinationem causarum secundarum.

Pro-

Probatur ergo Primò ex Pio V. & Greg. XIII. damnantibus has prop. Ba. ij, nempe 21. *Humane nature sublimatio, & exaltatio in consortium diuina nature, debita fuit integritati primæ conditionis, & proinde naturalis dicenda est, & non supernaturalis.* 23. *Absurda est eorum sententia, qui dicunt, hominem ab initio dono quodam supernaturali, & gratuito, supra conditionem nature sue, fuisse exaltatum, ut fide, spe, & charitate Deum supernaturaliter coleret: Et* 55. *Deus non potuisset ab initio talem creare hominem, qualis hodie nascitur, explicando ly qualis, sine iustitia originali, ut se explicat prop. 75 etiam damnata, Falsa est Doctorum sententia, primum hominem potuisse à Deo creari, & institui, sine iustitia originali.* Cum ergo nostra conclusio his contradictoriè opponatur, est vera, & catholica.

2. Probauimus in lib. de misto humano ar. 1. hominem fuisse ab initio conditum ex contrarijs elementis, adeoque intrinsecè corruptibilem. Ergo immortalitas nō fuit illi debita, quamuis Deus posuerit in eius potestate non mori, cōseruando innocentiam. Sed etiam effrænis concupiscentia, oritur ab intrinsecis ipsius humanæ naturæ, naturali appetitu tendentis in obiecta delectabilia, ut vacet generationi, ad cōseruationem speciei. Ergo iustitia originalis, qua subdebatur rationi, fuit illi gratia, & non na.

natura, adeoque potuisset Deus illam non dare, docente D. Tho. in 2. d. 31. q. 1. *Poterat Deus à principio, quando hominem condidit, etiam alium hominem ex limo terra formare, quem in conditione sue nature relinqueret, ut scilicet mortalis, & passibilis esset, & pugnam concupiscentie ad rationem sentiens, in quo nihil nature humane derogatur, quia hoc ex principijs nature consequitur.*

3. In tr. de Inc. disp. 3. ar. 2. asseruimus cum communi, hominem per peccatum originale, fuisse quidem spoliatum gratuitis, & supernaturalibus, non tamen naturalibus, quæ integra illi relicta fuerunt, sicut fuerunt relicta Lucifero, & aëclis. Cùm ergo experiëntia pateat, nō fuisse relictam immortalitatem, & iustitiam originalem, hæc non fuerunt illi connaturaliter debitæ, sed omninō gratitæ, & supernaturales. Neque potest dici, hæc fuisse ablata in pœnam peccati. Siquidem si fuissent connaturalia, non fuissent ablata, cùm Deus hominē non punierit, priuatione naturalium; aliter reliquisset illum imperfectum, & mancum, quod non est dicendum, cùm doceat Triden. sess. 5. can. 1. solūm *Adā secundum animam, & corpus fuisse in deterius commutatum*, quod denotat transitū ex gratuitis, ad eorum priuationem, non autem defectum naturalium, quod diceret physicam corruptionem. Optimè igitur D. Thom. 1. p. q. 95. ar. 1. docet,

Ma-

Manifestum est, quod subiectio corporis ad animam, & inferiorum virium ad rationem, non erat naturalis; alioquin post peccatum mansisset, cum etiam in Dæmonibus data naturalia, post peccatum permanferint, ut dicit Dion. c. 4. de diu. nom. Neque obstat quòd dicatur, homo vulneratus in naturalibus. Nam hoc debet exponi de vulneribus, quæ recepit per priuationem supernaturalium, ratione cuius factus est remissior ad bonum, & procliuior ad malum, ut loco nuper citato considerauius.

Ad 1. Nego consequentiam. Et dico, Augustinum loqui de homine, ut existente in statu naturæ lapsæ, in quo per merita Christi, fuit eleuatus à Deo ad eius filiationem adoptiuam, ratione cuius illi debetur hæreditas, cuius assecutio non est impedibilis, nisi per peccatum. Ut ergo contra Pelagium, probaret peccatum originale, inquit, in hac prouidentia fore Deum iniustum, si pueris decedentibus absque baptismo, negaret Deus regnum cælorum. Intantum ergo non est iniustus, inquantum inuenit in illis originale. Hoc autem non probat debitum absolutum connaturale, sed solum ex gratia adoptionis.

Ad 2. Nego consequentiam. Et ad auctoritates adductas dico, dona gratiæ, & integritatis dici naturalia, non quia naturæ humanæ sint debita, sed quia fuerunt concessa ab initio nature hu-

humanę. Sicut ergo peccatum originale dicitur peccatum naturę, & naturale, quia ab initio infecit totam naturam, cui nullatenus debebatur; ita hæc dona, ut ab initio collata, dicuntur naturalia.

Ad 3. Nego postremam consequentiam. Siquidem homo in statu purę naturę, non fuisset ordinatus ad finem supernaturalem, sed ad solam beatitudinē naturalem, quam sine his donis assequi potuisset. Ergo ex isto capite non potuerunt illi esse debita, ut media simpliciter necessaria ad suum finem.

Dices, status purę naturę fuisset distinctus à statu naturę lapsę, cò quia in illo non fuisset peccatum, neque fomes peccati, qui est eius pœna. Sed hoc non esset, nisi in illo hæc dona fuissent debita; aliter vterque status in omnibus conuenisset. Ergo non solam dicuntur naturalia, quia còqua, sed quia debita.

Distinguo maiorem, fuisset distinctus essentialiter, seu quoad predicata constitutiva, nego: accidentaliter, seu quoad accidentalia, concedo maiorem. Et admissa minori, quoad solam distinctionem essentialem, nego consequentiam. Ad intelligentiam distinctionis, dico, communiter assignari quatuor status naturę humanę, nempe purę; integrę, lapsę, & reparatę. Primus status dicit naturam in puris naturalibus, excluso peccato, saltem lethali, cum omnibus donis

donis supernaturalibus. Secundus, præter naturalia, dicit etiam donum integritatis, quia consistit in hoc, quod subiiciat sensum rationi, & rationem Deo, non quidem addendo vires, sed remouendo omnia impedimenta, quibus tardari possint vires nature, ad obseruantiam legis naturalis. Quia tamen hoc donum coincidit cum dono iustitię originalis, ideo non faciunt duos status, sed vnum, nisi velimus considerare iustitiam originalem, vt connexam cum gratia gratum faciente, quę non fuit in statu nature integrę; nam secundum istam connexionem, essent duo status, qui possent etiam dici communi vocabulo, status innocentię, quę in vno haberetur sine gratia gratum faciente, & in alio cum tali gratia. Tertius status est nature lapsę, in qua omnes nascuntur in originali peccato, sine innocentia, integritate, iustitia originali, & gratia sanctificante. Quartus demum est nature reparatę per Christum D. in quo datur gratia redemptiua ab originali, non tamen ab omnibus eius pēnis, etiam temporalibus. Quia ergo status purę nature conuenit in omnibus essentialibus, cum statu nature lapsę, & solum differt in accidentalibus, quatenus videlicet homo, cum pari imbecillitate virium, & indigentia gratię, caret iustitia originali, cum hoc vno discrimine quoad naturalia, quod in illo non erat homini debita, sicut in hoc

hoc

hoc, adeòque carentia illius in primo erat negatio, & in secundo priuatio, quod facit hominem differre vt nudum à spoliato, sicut prosequitur Caietanus in 1. 2. q. 109. ar. 2. ideo non distinguitur essentialiter, seu solum accidentaliter, vt dictum est.

Urgebis, ergo homo per peccatum redijt ad statum puræ naturæ, adeòque per Christum nullum sensit beneficium. Nego consequentiam. Quamuis enim, quoad essentialia, quibus constituitur natura humana, non differat nunc ab eo, quod fuisset in pura natura; tamen quia differt in multis alijs, quæ licèt sint gratuita simpliciter, sed debita ex meritis Christi (quæ fusè examinabimus in trac. de gratia, & plura diximus in tr. de Inc.) ideo constituunt hominem in statu naturæ lapsæ, sed reparatæ, multò melioris conditionis, quam fuisset in statu puræ naturæ.

ARTICVLVS II.

*An duret adhuc Paradisus terrester;
& quid sit?*

Videtur non durare, vt docent Maldonatus, Pererius, Genebrardus, Ethius, & alij, Primò quia fuit obrutus aquis diluuij vniuersalis. 2. Quia caruit cultore, & custode per tot sæcula, licèt eius

eius indigeret, aliter Deus non posuisset in illo hominem, *ut operaretur, & custodiret illum*, ut dicitur 2. Genes. Ergo flores, arbores, & omnia alia ad eius amantiam spectantia, euanuere, ut accidit hortis, & viridarijs desertis. 3. Si permanisset tempore Noe, non indiguisset arca, ut saluaretur in ipsa, cum alijs animalium speciebus, quibus potuisset esse locus refugij, & securitatis. 4. Fieri non posset, ut extans adhuc, à nullo inueniatur, cum nulla sit mundi plaga, adeo dissita, ut ab aliquo non fuerit inuenta. 5. Ille locus fuerat destinatus pro statu innocentiae. Cum ergo hic perierit, nulla est ratio, ut conseruetur.

Pro resolutione videndum primò esset, in qua mundi parte situs fuerit. Deinde eius amplitudinem, & situm considerare. 3. eius amantiam, fontes, arbores ligni vitae, & scientiae inuestigare. Et demum omnia, quae habentur de illo e sacris paginis, ad theologiceam trutinam reuocare. Sed quia haec omnia sunt valde obscura, de quibus Theologi diuinantur potius, quam philosophentur, ideo relictis incertis, de quibus nullum habemus fundamentum in sacra genesi, reliqua breuissimè percurreremus.

1. *Concl. Paradisus terrester, non fuit tertium celum, neque aliquid intelligibile, neque tota terra florida, & ornata, sed locus aliquis materialis, in ali-*

K

qua

qua determinata terra parte constitutus.
 Est ferè communis.

Probat^{ur} prima pars, aduersùs Origenem, quia nomine Paradisi, seu tertij celi, ad quod Paulus fuit raptus, ut dicitur 2. ad Cor. c. 12. intelligitur Empyreum, in quo vidit diuinam essentiam, iuxta distributionem celorum in Empyreum, firmamentum, & aereum, ut voluere Ambrosius, & Damascenus, & nos examinauimus in 3. de celo disp. 1. ar. 1. Vel si admittamus plures celos, ut inibi statuimus, debet intelligi ipsa visio Dei per essentiam, ut saluetur dictum, Redemptoris, quo Lucae 23. promisit latroni, *hodie mecum eris in paradiso*, nempe videbis Deum; licet cum illo fuerit in Limbo Sanctorum. Ergo non fuit paradysus terrester, de quo hic loquimur, in quo ex natura sua, non possunt audiri *arcana verba, qua non licet homini loqui*, ut Paulus inquit, nec fuerunt ab Adam audita. Et ideo opinio Origenis communiter exploditur, ut erronea.

Probat^{ur} secunda, aduersùs Philonē, eundem Origenem, Seleucianos, & Herminianos, penès Aug. lib. de hæres. c. 59. Primò quia si esset aliquid intelligibile, non fuissent in illo arbores, fluuij, fructus &c. Ergo non esset Vera narratio Gen. 2. *Produxit in illo Deus de humo omne lignum pulchrum visu, & ad vescendum suauē. Et infra, Vidit mulier quòd*

bonum esset lignum ad vescendum, & pulchrum oculis, & tulit de fructu illius, & comedit, vt dicitur c. 3. &, Cumque cognouissent, se esse nudos, consuerunt folia ficus, & fecerunt sibi perizoniata, quæ cōuenire nō possūt rei spiritali, & purè intelligibili, vt patet. Deinde quia si ea, quæ ibi de Paradiso narrantur, accipiantur allegoricè, tota fuit veritas codicum sacrorum, siquidem omnia alia similiter possent accipi, adeoque de ipsis etiam, Adamo, & Eva vacillaret fides, quod est hæreticum. Audiantur Hieron. in Daniel. 10. Conticescant eorum deliramenta, qui ipsam conantur euertere veritatem, vt Paradisum, & flumina, & arbores putent allegoria legibus se debere subruere: Et Chrysostomus hom. 13. in Genes. Ideo Moyses tam subtiliter, & accurratè enarrauit (loquens de Paradiso) vt non liceret nugari volentibus decipere simplices, dicendo nullum fuisse in terra Paradisum, sed in calo, & alias fabulas, suaque somnia iactando.

Probatur tertia, Primo quia dicitur cap. 2. Gen. Tulit Dominus hominem, & posuit eum in paradisu voluptatis, vt operaretur, & custodiret illum. Ergo locus in quo fuit creatus, non erat paradisu. Deinde cap. 3. Postquam peccauit, fuit eiectus è paradiso, Emisit eum Dominus de paradiso voluptatis, vt operaretur terram, de qua sumptus est; eiecitque Adam, &c. Ergo locus, ad quem exulauit, non

erat paradysus. Cùm ergo exulauerit ad vniuersam terram, extrà locum voluptatis, hic non erat totus mundus, sed eius exigua pars, materialis quidem, sed temperata, & amœna.

Vnde remanet probata postrema pars. Quænam autem fuerit hæc pars, & quanta, est omninò incertum, cùm nihil certi habeamus e sacris paginis. Quare omnes illi, qui volunt aliquid decernere hac super re, faciunt se potiùs diuinatores, vt inutilibus quæstionibus terant tempus, quàm theólogos. Illis ergo omissis, aliquid dicemus de arbore scientiæ boni, & mali, cùm de ligno vitæ factis, superque disseruerimus in lib. de misto humano, disp. 1. ar. 2. Dico ergo lignum scientiæ fuisse diuersæ speciei à ligno vitæ, vt patet ex 2. Gen. in quo postquam dicitur, *lignum etiam vitæ in medio paradysi, lignumque scientiæ boni, & mali, infra dicitur, Precepitque ei Deus, ex omni ligno paradysi comede: de ligno autem scientia boni, & mali nè comedas; in quocumque enim die comederis ex eo, morte morieris.* Cùm ergo lignum vitæ non fuerit vetitum, non potuit esse idem cum ligno vetito scientiæ.

Quòd si quæras, an fructus huius ligni haberent virtutem intrinsecam, illuminandi mentem comedentis, ad hoc vt discerneret bonum à malo? Respondeo negatiuè. Primò quia suggestio Dæmonis, *Aperientur oculi vestri, & eritis sicut*

Dij,

Dij, scientes bonum, & malum relata c. 3. non fuisset falsa, sed vera, quod vnanimi consensu negatur à sanctis Patribus. Et deinde quia à posteriori colligitur euidenter, cùm Adam post esum illius pomi, non factus sit doctior, immò factus est deterior, non solùm quia fuit expositus deceptioni, & ignorantia, vt supra dictum est, sed etiam quia per incursionem fomitis, eius intellectus fuit obnubilatus, ita vt peruersè iudicaret, docente Trid. sess. 5. can. 1. *Totum Adā secundum corpus, & animam, in deterius fuisse mutatum.* Neque obstat, quòd cap. 3. Gen. dicatur, *Aperti sunt oculi ambo- rum.* Siquidem hoc non arguit acquisitionē noui luminis intellectus, per nouū habitum scientificum, sed cognitionem experimentalem sui miserrimi status, qua cognouerunt, se esse nudos, non solùm clamide innocentia, sed etiam diuinæ gratia, & donorum supernaturalium, adeo vt pudore perculsi, consue- rint folia ficus, quibus tegerent nuditatem, quam prius non agnoscebant. Illa ergo arbor dicta est scientia boni, & mali, quia (vt docet D. Tho. 1. p. q. 102. ar. 1. ad 4.) post eius esum, homo per experimentum pena didicit, quid interesset inter obedientia bonum, & inobedientie malum, accepto nomine ab euentu.

2. *Concl.* Probabilissimum censeo, adhuc extare Paradisum terrestrem, licet nature viribus inaccessum. Ita D. Tho 3. p.

q. 49 ar. 5. ad 2. Augustinus, Ambrosius, Athanas, Hieron. Iulianus martyr, & vniuersa theologorum cohors, quorū auctoritas magnum addit pondus huic opinioni, de re tam obscura, aduersus paucos supra citatos.

Probatur ergo primò, est communis conceptio theologorum, Henoch, & Eliam translatos in terrestrem paradysum, ibique detineri, vsque ad tempus Antichristi, vt pugnent cum illo, docente D. Tho. loc. cit. *Henoch raptus est in Paradysum terrestrem, ubi cum Elia simul creditur vivere, vsque ad aduentum Antichristi.* Immò Sixtus Sen. lib. 5. biblioth. annot. 36. putat, opinionem oppositam, a rectæ fidei regula exorbitare, Patribus contradicere, diuinæque scripturę esse contrariam. Quid ergo mirum, si Hieron. ep. 61. Henoch, & Eliam appellet paradisi accolas, & colonos?

2. Dicitur Ecclesiastici 44. *Henoch placuit Deo, & translatus est in paradysum, ut det gentibus penitentiam.* Non potuisset autem eò transferri, nisi exaret. Neque obstat quod 5. Gen. dicatur, *& ambulauit Henoch cum Deo: & infra, Ambulauitque cum Deo, & non apparuit, quia tulit eum Dominus,* nulla facta mentione paradisi. Nam vnus textus per alium explicatur, posito quod vnus alteri non repugnet.

Demum, si noluisset Deus paradysum con-

conseruare , frustra collocasset ante illum Cherubim , & flammeum gladium , atque versatilem , ad custodiendam viam ligni vite , vt dicitur in fine tertij capitis Gen. Posito enim quòd Adam, eiusque posterij non essent vmquam illuc ingressuri , & nullum Deus habuisset alium finem , ad illum conseruandum , videtur futura fuisse congruentior eius destructio. Cùm ergo illi custodiam destinauerit , signũ est, statutz illius conseruationis , ob suos altissimos fines .

ARTICVLVS III.

Soluuntur obiecta , & roboratur doctrina .

AD 1. Nego antecedens, Primò quia pereunte paradiso , periisset etiam Henoch, quem vidimus fuisse à Deo in illo collocatum , nec fuisse à Noe seruatum in arca . Hoc autem repugnat , & Patribus, qui omnes dicunt, illum cum Elia conseruari , vt pugnet cum Antichristo. Ergo non fuit obrutus aquis diluuij , cùm Deo non defuerint modi, illum præseruandi. Deinde quia hinc redditur probabilis eorũ opinio, qui dicunt, paradysum fuisse constitutum in editissimo loco , quò non possent peruenire aque diluuij, vt contendunt Strabus, Damascenus, Rupertus, Aegidius, Basilius,

& alij. Nec est contemnenda eorum, potissima ratio fundamentalis. Cùm enim e Paradiso 2. Gen. dicantur egredi quattuor magna flumina, ad irrigandam vniuersam terram, vtique debuit constitui in tali loco, qui altitudine totam terram superaret; aliter fluuiales aquæ non haberent ad descensum, proportionatam decliuitatem, vt citra miraculum cursum continuarent.

Ad 2. Nego antecedens. Nam post aduentum Henoch, & Elia, qui (vt supra vidimus) vocantur à Hieronimo Paradisi cultores, & coloni, potuit ab illis coli, & conseruari: & ante eorum aduentum, potuit Deus adhibere angelos, ad eius culturam, sicut adhibuit ad custodiam. Vel si hoc non placeat, potuit Deus alio modo miraculoso sibi possibili, illum prò illo tempore conseruare. Vel demum possumus dicere, quòd absque omni miraculo, crescentibus floribus, & cadentibus arborum fructibus, remanserint semina, & radices, vnde potuit facilè ab Henoch, & Elia ad pristinum reuocari. Sicut enim plures asserunt, illum fuisse obrutum aquis diluij, & deinde Solis vi, fuerit naturalis virtus arborum, plantarum, & florum, excitata, ad iterum germinandum, quantum magis potuit hoc fieri opera colonorum, speciali Dei prouidentia instructorum, ad eius culturam?

Ad 3. Respondet Gonettus cum Mal-

uen-

uenda, non fuisse conueniens, ut ponerentur in paradiso, destinato pro innocentibus Noe, eiusque filij, qui erant in peccato, & morti, arumnisque obnoxij, Henoch, verò, & Eliam fuisse puros, eternitatis candidatos, miserijs vite exemptos, maximisq; mysterijs consecratos, adeoque dignos tali loco, ut docet hic disp. 2. §. 4. Sed hæc responsio repugnat scripture, nam 6. Genes. dicitur, Noe verò inuenit gratiam coram Domino. Ergo non erat in peccato. Et infra, Noe vir iustus, atque perfectus fuit in generationibus suis, cum Deo ambulauit &c. Ergo ipse cum filijs erat purus, & æternitatis candidatus, & ut destinatus conseruationi mundi, & supra omnes priuilegiatus, fuit maximis mysterijs cōsecratus. Deinde vel loquitur de peccato originali, & in hoc omnes nati fuerunt, vel de actuali, & cū hoc conuenire non possit cum iustitia, & sanctitate, utique non erat in Noe, eiusque filij; vel de penalitatibus, & hæ erant omnibus communes. Sicut ergo illos exemit Deus, nè illis succumberent in paradiso, ita potuisset eximere etiam hos, ponendo in paradiso. Ergo hæc responsio est vndequaque falsa, & absurda.

Respondeo igitur, potuisse quidem, saluare mundum in paradiso, conuenientissimè tamen noluisse, Primò quia fabricatio, arcæ protracta per centum annos, voluit ut esset adhortatio ad penitentiam, & stimulus ad non peccandum,

ob timorem imminentis eluuiionis, vt resipiscantibus hominibus à vijs suis pessimis, illis parceret, sicut pepercit Niniuitis. Deinde vt posteri recordatione flagelli tam sensibilis, deterrerentur à sceleribus patrandis. 3. Nè copia bestiarum, quas decreuerat conseruare, sordesceret ille locus deliciosus. Et deum ne fieret molestus Noe, & filijs, ex paradiso voluptatis, reditus ad vallem lachrymarum.

Ad 4. Respondeo primò, non omnes mundi partes fuisse adhuc inuentas ab Europæis. Siquidem America, quarta, & maxima terræ pars, ducentis ante annis erat omninò incognita, & quotannis deteguntur à Lusitanis, nouæ barbaræ regiones. Deinde non desunt modi diuinæ prouidentiae, ad nobis paradysum hunc occultandum, quorum aliquos recenset D. Tho. 1. p. q. 102. ar. 1. ad 3. & 2. 2. q. 164. ar. 2. ad 5. Tertiò in vitis Sanctorum Patrum, narratur D. Macarium Romanum ad ora paradisi fixisse suam sedem. Ergo potest esse, quòd etià ab alijs fuerit inuentus, quamuis nos nesciamus. Sicut enim rimari non possumus cuncta quæ fecit Christus D., dum versaretur nobiscum, vt docet eius Euangelista Ioannes, quantò minùs possumus indagare quæ fiant in toto mundo?

Ad 5. Nego consequentiam, Primò quia sicut admittimus, defacto in illo con-

conseruari Henoch, & Eliam, ita pos-
sent plures alij in illo poni, & fortasse,
defacto fuerunt positi, cū nihil in sa-
cris paginis habeamus aduersari, sicut
multi dicunt de S. Ioanne Euangelista.
Deinde quidquid sit, an sit conseruandus
paradilus, post finale iudicium, sufficit
nobis in præsentiā, quod extet adhuc,
& conseruetur vsque ad illud, propter
traditas rationes, ex quibus eruitur con-
gruentissimus finis, quem possit habere
Deus, ad illum conseruandum.

Quæres 1. An primi parentes poeni-
tentiam egerint, sui que peccati veniam
obtinentes, salui facti sint? Resp. cum
communi affirmatiuè, vt fusè, probat
Suar. lib. 4. de amiss. status innoc. c. 9. li-
cèt hoc non sit de fide, cū non desint
id negantes, licèt pauci.

Quæres 2. An status naturę reparatę,
differat à statu innocentię? Resp. afir-
matiue, Primò quia in statu innocentię
fuisset gratia, quę dicitur *sanitatis*, in-
dependēter à meritis Christi, ex puro, &
gratuito dono cōditoris; in statu verò na-
turę reparatę; est solūm gratia medici-
nalis, quę dicitur gratia Christi, eò quia
ex eius meritis conferatur. Illa ergo or-
dinabatur ad conseruationem innocen-
tię, & hæc ad recuperandam sanitatem,
vnde differunt principio, & fine. De-
inde quia in statu naturę reparatę, pos-
sunt humines habere, & de facto plures
habent maiorem gratiam, licèt secundū

statum, status innocentiae superasset, docente D. Tho. in 2.d.29.q.1. ar.3. *Considerando statum ad statum, vniuersaliter homo, ante peccatum ampliori gratia praeditus fuisset, quàm post. Sed non est inconueniens, quòd aliquis post statum peccati, multò maiorem gratiam habeat, quàm aliqui habuissent in primo statu.* Hæ autem gratiæ non differunt in hoc, quod gratia sanitatis se accommodaret libero arbitrio, per cuius liberum consensum fieret efficax in actu secundo, quod proinde non præmouebat; gratia verò medicinalis, cùm sit ex se intrinsecè efficax, ita præmouet liberum arbitrium, vt illi dissentire non possit. Cùm enim vniuersaliter à nobis fuerit explosum omne genus physiciæ præmotionis, hinc discrimen eruere non valemus. Dicimus ergo, has gratias non esse intrinsecè, & essentialiter differentes, sed solùm extrinsecè, vt fusè prosecuti sumus in tr.de prædest. & & fusius prosequemur in proprio loco, Ergo non constituunt inter hos status, differentiam essentialem.

Finis huius Tractatus.

IN-

INDEX

Rerum notabilium, quæ continentur in Tractatu

De Peccato Originali.

AD A M. Vide homo. Factus est immortalis per gratiam. 22. Indigebat cibis. Ibid. Fuit caput physicum, & morale omnium. 25. Non peccabat, transfundendo originale. 27. Non amisit imaginem Dei quoad substantiam, sed solum quoad nitorem. 33. Quomodo contineret omnes posteros. 54. Nobis meruit priuationem iustitiæ, ipsam verò iustitiam non potuit mereri. 70. Seruato præcepto de pomo, non transfudisset alia peccata. 74. Tamē transfudisset physicè iustitiam originalem. 118. Ex vi pacti. 122. Non peccauit ex ignorantia. pag. 170.

Adam, & Eva. Sunt salui. 215.

Adæ immortalitas. Fuit solum secundum quid 22. Et per gratiam. 200. Cur dicatur illi naturalis. 201.

Adæ peccatum. Non est formaliter in posteris, sed causaliter. 24. Et ideo non transfunditur actuale, sed habituale. 53.

Prius

Prius infecit huius personam, quàm naturam. Ibid. Est causa physica nostri originalis. 63. Quomodo nunc existat. 66. Quis sit terminus eius actionis. 99. Fuit multiplex, 172. Sed primum superbia. 172. Non fuit omnium maximum. 194.

Adæ poenitentia. Fuit personæ priuatæ. 25. Et ideo non profuit posteris. 107.

Adæ semen. Attingit originale, vt causa instrumentalis. 88. Indirectè tamen, & per resultantiam. 89. Taliter disponendo materiam, vt cum primò informatur anima, in hoc resultet originale. 89. Explicatur hæc praua dispositio. 90. Per defectum iustitiæ quid acquisierit. 91. Continet vt causa instrumentalis virtualiter originale. 92. Quod causat indirectè, excludendo formam oppositam. 93. Illudque solum attingit, cum primò vnitur animam cum corpore. 95. Et 112. Physicè communicasset iustitiam in statu innocentie. 118. Non tamen fuisset sacramentum. 119. Et 121. Quomodo attigisset iustitiam originalem. 120. Et ad illam concurrisset. 121.

Adæ, voluntas. Fuit moraliter omnium posterorum. 51. Et 54. Et 56.

S. Ambrosius. Negat pueris non baptizatis penam sensus. 147.

Anima. Non cōtrahit originale, nisi cū primò vnitur corpori. 96. Cum priuatio iustitiæ, sit illi formæ debitæ, & deturpans. 97. Quæ tamen non potest refun-
fun-

RERVM NOTABILIVM 219

fundī, nisi ad solum Adam. 97. Licet incipiat in primo esse hominis. 98. Quia semper procedit ex debito. Ibid. Quomodo liberetur à tali macula. 100. Cur non sit ex traduce. 121.

S. Augustinus. Quomodo sit exponendus circa penam puerorum. 137. Et 149. Et 158.

Baptismus. Est utilis, posito originali. 18. Cur Christus, eiusque mater fuerint baptizati. 19.

Baptizati. Non possunt puniri priuatione potentiae proximae ad bene agendum. 180. & 185.

S. Bernardus. Negat pueris non baptizatis penam sensus. 147.

Christus D. Cur voluit baptizari. 19. Et subiei penalitatibus peccati. 20. & 128.

Concupiscentia, & fomes. Non sunt formaliter peccata. 33. Licet ita vocentur. 34. Et sint materiale peccati originalis. 81. Relicti sunt ad agonem. 186.

Conformitas habitualis ad legem Dei. Est sola gratia sanctificans. 42.

Debitum pene resultans ex originali. Quamdiu duret. 115.

Debitum morale, contrahendi pec. orig. Durat usque ad iustificationem. 111. & 112. Fundatur in physico. 113. Non tollitur,

litur, nisi per solutionem. 114.

Debitum physicum contrahendi pec-
orig. Non remanet post instans concep-
tionis. 111. Non tollitur per solutionem,
sed per naturalem cessationem. 114. Non
consistit in sola relatione. 115.

Deceptio. Non fuisset in statu inno-
centia. 173.

Deipara. Cur fuerit baptizata. 20. Et
subiecta penalitatibus. 21. & 128. Non
contraxit peccatum originale. 114.

Deus. Potuisset relinquere hominem
sub peccato, sine remedio. 179. Non ta-
men reliquit. 180. Dat omnibus auxilia
necessaria. 180. Non potest punire pri-
uatione potentia proxima ad bene agē-
dum. 181. Nec negare sufficientiam ad
obseruanda sua praecepta. 184. & 186. &
181. Non potest velle vnum peccatum,
in penam alterius. 192. Non potest ne-
gare suum regnum, nisi peccatoribus.
pag. 201.

Dolor penalis. Debet proportionari
culpa. 158.

Effectus moralis. Potest à causa phy-
sica fieri. 66.

Elementa Post finale iudicium redi-
bunt ad sua loca. 166.

Error. Non fuisset in statu inno-
centia. 174.

Eua. Si sola peccasset, non transfudis-
set in filios peccatum orig. 77. Quorum
non erat caput morale. Ibid. Quomodo
di-

dicatur initium peccati , & mortis . 78.
Si sola fuisset innocens, non transfudisset
iustitiam. Ibid.

Filius. Non recipit peccata propria
parentum. 82. Nec potest per illa
puniri , nisi illa participet. 83. Cur pos-
sit puniri priuatione feudi &c. 84.

S. Fulgentius. Quomodo sit exponen-
dus circa penam puerorum. 137. & 149.

Gibbo. Probat ex professo, solam
penam damni correspondere ori-
ginali. 148.

Gonettus. Acriter negat pueris non
baptizatis penam sensus. 147. Non bene
discurrit de paradiso terrestri. 213.

Gregorius Nyssenus. Docet pueros
non baptizatos non puniri pena sensus.
147.

Henoch, & Elias. Sunt in paradiso
terrestri. 210.

Henricus de Noris. Tenet, pueros de-
cedentes absque baptismo , esse punien-
dos pena sensus. 132. & 143. Confutatur.
133. & 146.

Homo. Fuerat immortalis per gratiã.
21. Non semper tenetur ad vitandum ma-
lum alienum. 27. Non portat iniquitatẽ
Adã, sed propriam. 29. Si nasceretur mi-
raculosè sine dependentia ab Adam, non
contraheret originale. 79. Si verò semi-
ne Adã conciperetur per artem Dãmo-
nis,

nis, illud contraheret. 80. Non tamen si conciperetur semine brutali. Ibid. Aut ex patre, cui Deus restitueret iustitiam originalem. 81. Non fuisset mortuus in statu innocentiae, licet esset intrinsecè corruptibilis. 128. Cur magis propendat ad malum, quam ad bonum. 131. Potuit condi in statu purae naturae. 198. Etiam, de potentia ordinaria. 199. Habuit per gratiam iustitiam originalem, & immortalitatem. 199. Fuit per gratiam eleuatus ad ordinem supernaturalem. 201. Est melioris conditionis in statu naturae lapsae, quam fuisset in statu purae naturae. 203.

Humanæ naturæ status. Quot, & quales fuerint. 202.

Ignorantia. Non præcessit Adæ peccatum, sed fuit eius pœna. 172. & 174.

Ignis stagnum. Accipitur pro loco subterraneo. 140.

Ignis pœna. Sumitur sæpe pro qualibet pœna. 137. & 149.

Infernus. Quid sit. 146. & 163.

Inobedientia Adæ. Non fuit pœna eius superbiæ. 191.

Inclinatio ad bonum. Non fuit ablata per peccatum, sed imminuta. 130.

S. Io. Euangelista. Est in paradiso terrestri. 215.

Iudicium finale. Fiet solùm pro adultis. 150. Quando erit. 166.

Iustitia originalis. Dicebat gratiam sanctificantem. 40. 44. Quomodo redeat per bap-

RERVM NOTABILIVM 223

baptismum. 44. Eius priuatio habet rationem peccati originalis, & eius penæ. 44. Non fuit debita Adæ. 199. Cur dicatur naturalis. 201.

Libertas, Non semper est necessaria ad peccandum cum aliquando sufficiat voluntarietas. 29.

Lignum vitæ. Fuit diuersum à ligno scientiæ. 208. Eius fructus non habebat virtutem, illuminandi mentem. ibid Cur diceretur arbor scientiæ. 209.

Limbus puerorum. Non erit illis penalis. 160. Quam lucem habebit. Ibid Est locus subterraneus. 163. Qualis sit. 164.

Loca subterranea. Quæ, & quot sint. 163.

Mastrius. Probat, penam sensus non dari pueris, sine baptismo. 148.

Miseria, & erumna. Sunt effectus peccati Adæ. 126.

Mors. Qua ratione fuit pena peccati Adæ. 21. & 126.

Naturæ puræ status. Est simpliciter possibilis. 198. Etiam de potentia ordinaria. 199. In quo differat à statu naturæ lapsæ reparatæ. 202.

Naturæ reparatæ status. In quo differat à statu innocentie. 215.

Negatio. Non est in subiecto. 97. Nec potest fieri priuatio. Ibidem.

Ori-

O Rigenes. Errauit circa peccatum originale. 29. Confutatur. 33.

Originale peccatum. Vide peccatum originale. Quid sit eius permanentia habitualis. 108. Quomodo physicè causetur à peccato Adæ. 109. Quomodo sit nobis voluntarium. 48.

P Aradysus terrester. Non fuit tertium cælum. 205. Neque aliquod intelligibile. 206. Neque tota terra. 207. Sed aliqua terræ pars. 208. Extat adhuc. 209. Non periit aquis diluuij. 211. Quomodo fuerit cultus. 212. Cur Deus non conseruauit in illo Noe, & alios. 213. An possit inueniri. 124.

Parentes proximi. Non peccant transfundendo in filios originale. 26. In quos non transfundunt peccata propria. 82.

Quæ non spectant ad eorum naturā. 83. Sunt instrumentum Adæ in transfusione originalis. 84. Cuius, eorū semen est pura causa materialis. 94. Licet purgati ab originali, tamen illud propagant. 104.

Peccatum originale. Verè datur. 17. Afficit omnes filios Adæ. 18. Non est effectus naturalis. 24. Quomodo transfundatur. 26. Non est aliquod positium. 31. Non est substantia, & natura. 32. Neque concupiscentia, & fomes. 33. Neque qualitas morbida. 34. Neque ipsum Adæ peccatum. 35. Neque reatus pænæ. 36. Neque habitus, seu qualitas positiua. Ibid. Sed
con-

RERVM NOTABILIVM 225

consistit formaliter in priuatione iustitiæ originalis. 40. Non est actuale, sed habituale. 41. In quo sensu dicatur dispositio inordinata. 42. Et habitus corruptus. 43. Effet diuersum in statu puræ naturæ. Ibid. Quomodo sit posteris voluntariū. 47. Et peccatum. 49. Non est personæ, sed naturæ. 51. Nō est in nobis purè passiuè. 51. Non est posteris increpabile. 52. Est effectus physicus peccati Adæ, & non moralis. 63. Vt afficit naturam, est velut dispositio ad orig. suppositi. 91. Extinguitur baptismo. 102. Non tamen quoad totā penam. Ibid. Quomodo per baptismum retractetur à pueris. 104. Baptismo extinctum, non reuiuiscit. 106. Fuit extinctum ab Adam in se, vt à persona priuata. 107. Moriente puero non baptizato, non perit eius originale. 108. Idem esset, si puer destrueretur. Ibid. Et deinde reproducere-
tur. Ibid. Non corrumpit naturam humanam. 130. non est increpabile. 136. Est leuius veniali. 141. Quam potestatem tradiderit Demoni. 151.

Pecc. orig. causalitas. Potest remotè, & per accidens extendi ad reprobationem. 182. Non tamen proximè, & per se. Ibid.

Peccati originalis pēna. Nō est positua, sed priuatiua. 144. & 133. & 181. & 182

Peccati originalis pēnalitas. Cur non afficiat omnes æqualiter. 129.

Peccatū veniale. Est grauius originali. 141. Meretur penam æternam. 142.

Peccatū. Potest esse causa peccati. 191. Non tamen pēna. 192. Pē.

Pena sensus. Non potest correspondere peccato originali. 182.

Pena damni. Non est omnibus æqualis. 142. Neque est dolorifera pueris in limbo. 156 & 160.

Perseuerantia finalis. Est in nostra potestate. 184. & 185.

Priuatio iustitiæ originalis. Quomodo sit peccatum originale. 26. Est physica, & non moralis. 66. & physicè prouenit à peccato Adæ. 63. Et non à diuina ordinatione. 67. Vt autem est pœna, prouenit ab illo solum moraliter. 69. Quomodo habeat rationem culpæ, & pœnæ. 102. Et in eius remissione reponatur iustitia. 103. Et possit esse voluntaria. 105.

Priuatio potentie ad bene agendum. Non potest infligi in pœnam. 181. Infalibiliter ducit ad interitum. 186.

Priuatio beatitudinis. Non erit pueris in limbo dolorifera. 156. & 160.

Primi parentes. Non peccauerunt ex ignorãtia. 170. Sed ex errore practico. 171.

Prædestinatio, & reprobatio. Non fiunt, nisi ex præsentia meritòrum. 189.

Pueri morientes sine baptismo. Solam pœnam damni patietur. 133. Comparebunt in iudicio finali. 138. Nō tamen vt iudicentur. 139. & 150. Pununtur per accidens in via doloribus, & miserijs. 140. Erunt extrinsecè immortales. Ibid. Erunt peioris conditionis in termino. 141. Quomodo fuerint in via sub Dæmonis potestate. 151. Non percipient dolorem ex priuatione bea-

beatitudinis. 156. & 160. Non habent de-
ordinationem voluntatis Ibidem. Amant
suum statum, & non causam. 159. Amant
etiam Deum, & quiescunt in eo imperfe-
ctè. Ibid. Videbunt colorata 160. Non ha-
bebunt fomitem. Ibid. Erunt in loco sub-
terraneo. 163. Vel in aliqua terræ parte,
ab aquis præseruanda. 168.

Quotuplex fuerit peccatum pri-
morum parentum. 170. Non ta-
men per omnia illa nobis nocuissêt. 175.

Remissio culpæ. Non semper trahit
remissionem pænæ. 116.

Reprobatio ad flammæ. Non potest
esse effectus peccati orig. nisi remotè, &
per accidens. 182.

Salmaticenses. Aiunt originale esse po-
steris increpabile. 52. Confutantur. Ib.

Semen Adæ. Vide Adæ semen.

Semen humanum. Quomodo transfun-
dat originale, & attingat animam. 28.

Status naturæ humanæ. Vide humanæ
naturæ status.

Superbia. Fuit primum Adæ peccatū.
172. Non tamen vt capitis moralis. 173.

Terra. Post finale iudicium, erit aquis
vallata. 166.

S. Thomas. Docet, nomine ignis, quā-
libet pœnam designari. 137. Et pueros nō
baptizatos non puniri pœna sensus. 146.
Assignat quatuor loca subterranea. Ibid.
In quo sensu dicat, peccatum esse pœnam
sui, & alterius. 194.

Tristitia. Vnde proueniat. 156.

Vi-

Vitia naturalia. Quomodo possint esse peccata. 26
 Voluntarium. Quotuplex sit. 48.
 Voluntas Adæ. Vide Adæ voluntas.
 Voluntates omnium hominum. Fuerunt moraliter alligatæ cum voluntate Adæ. 54. Et ad hoc omnes consenserunt. 57. Et hoc non fuit nobis iniuriosum. 72.

F I N I S.



ERRATA CORRIGE.

Pag. 17. *Fuit anima illius* fuit in anima
 25. *Etiam morales* morale
 28. *Vbi soluentes etiam* soluemus
 34. *Pater sponso* responsio
 88 *Nō solum secundam* secundam
 96. *Illum non accipit* illam.
 170 *Et 3. de lib. arb b. c. 8* & 3. de lib. arb. c. 8.
 Vulnus pauiratis prauitatis
 176. *Tamen indit* incidit



